

حکیم عبداله

دوینجی سنه ۹ شعبان ۱۳۳۲ ۲۰ حیران ۱۳۳۰ ۱۱۰ نومرو

قائم مقام

نوبهات عبداله

سعد سنجانغی بدایت محکمه سی مدعی عمومیلکنه غرزان بدایت محکمه سی رئیس احمد رفعت وبغداد
ولایتی استیناف محکمه سی اعضا ملازملکنه میس قضای بدایت محکمه سی ریاستندن مستغنی محمد رجب
وقونیه ولایتی مرکز بدایت محکمه سی اعضاالغنه آیدین ولایتی مرکز بدایت محکمه سی اعضاالغنه تعین
ایدلیکی حالده سلفنک اعاده مأموریتی حسیله آچقده قالان اردایشش بکیان وموصل ولایتی مرکز بدایت
محکمه سی اعضاالغنه تعین اولنان خره لامبوس افندینک وقوع استغفاسی ملابسہ سیله یرینه دیاربکر ولایتی
مرکز بدایت محکمه سی اعضاسندن واسیلاکی و دیاربکر ولایتی مرکز بدایت محکمه سی اعضاالغنه ارزنجان
سنجانغی بدایت محکمه سی اعضاسندن حاندانیان قره بت وارزنجان سنجانغی بدایت محکمه سی اعضاالغنه در سعادت
مکتب حقوقندن علی الاعلی درجده مآذون ستراق وخراسان قضای لوابدایت محکمه سی اعضاالغنه غنه قضای
بدایت محکمه سی اعضاسندن بغداد مکتب حقوقندن علی الاعلی درجده مآذون آبراهام ولازستان سنجانغی
بدایت محکمه سی اعضا ملازملندن احمد حمدی افندینک قلعه سلطانیه سنجانغی بدایت محکمه سی باش کتابته
تحویل مأموریتی جہتیه یرینه قیال بدایت محکمه سی اعضاالغنه آچقده قالان محمد وآقره ولایتی مرکز
بدایت محکمه سی اعضا ملازملندن احمد حفظی افندینک تقاعده سوقیه یرینه رواندز قضای بدایت محکمه سی

مدعي عمومي اسبقی حاجی حسین و آٹھ ولایتی مرکز بدایت محکمه سی ایکنجی مستطقلکنه زیتون قضاسی بدایت محکمه سی مستطقلکندن مستغنی علی اکرم و رواندز قضاسی بدایت محکمه سی مستطقلکنه کرکوک سنجانی بدایت محکمه سی مستطقلکندن مستغنی و کرکوک سنجانی بدایت محکمه سی مستطقلکنه رواندز قضاسی بدایت محکمه سی مستطقلکندن مستغنی عبدالفتاح و مازکرد قضاسی بدایت محکمه سی مستطقلکنه اینوز قضاسی بدایت محکمه سی مستطقلکندن آچقده قالان سلیمان شوکت و عمرانیه قضاسی بدایت محکمه سی مستطقلکنه کوملجنه بدایت محکمه سی مستطقل سابق ککبوزه قضاسی پولیس قومیسر لکندن مستغنی محمدفؤاد افندیلر نقل و تعیین اولمشلردر .

بو اراده سینه نک اجراسنه عدلیه ناظری مأمورددر .

۱۰ رجب ۱۳۳۲ ۲۲ مایس ۱۳۳۰

محمد رشاد

عدلیه ناظری صدر اعظم
ابراهیم محمد سعید

بغداد ولایتی مرکز بدایت محکمه سی حقوق دائره سی ریاستنه بغداد و بصره ولایتی عدلیه مفتش معاونی عثمان رمزی و ایچ ایل سنجانی بدایت محکمه سی جزادائره سی ریاسته وان ولایتی استیناف محکمه سی اعضاسندن نجیب وحیفا قضاسی بدایت محکمه سی ریاسته حص قضاسی بدایت محکمه سی رئیس سابق علی حیدر و صور قضاسی بدایت محکمه سی مدعی عمومیلکنه اسکندرون قضاسی بدایت محکمه سی مدعی عمومی اسبقی حسن عالی و یکشهر قضاسی بدایت محکمه سی مستطقلکنه کمالک قضاسی بدایت محکمه سی مستطقی احمد حق و مکلیک قضاسی بدایت محکمه سی مستطقلکنه در سعادت بدایت محکمه سی استتطاق دائره سی موظف ملازملرندن در سعادت مکتب حقوقندن اعلی درجه ده مأذون راغب و اوده مش قضاسی بدایت محکمه سی مستطقلکنه مازکرد قضاسی بدایت محکمه سی مستطقلکندن مستغنی ابراهیم ادهم و او ده جق قضاسی بدایت محکمه سی مستطقلکنه عمادیه قضاسی بدایت محکمه سی مستطقلکندن مستغنی رمزی و خراسان قضاسی لوا بدایت محکمه سی اعضا ملازملکنه بغداد مکتب حقوقندن علی الاعلی درجه ده مأذون و خاتقین قضاسی بدایت محکمه سی اعضا یغیه مستطقلکنده خدمتی مسبق عمر نظمی و بیروت ولایتی تجارت محکمه سی اعضا ملازملکنه سویده قضاسی بدایت محکمه سی اعضا لغندن مستغنی علی غالب و قلعه سلطانیه سنجانی بدایت محکمه سی اعضا ملازملرندن فائق افندینک وقوع وفاتی حسینیه یرینه یکجبه واردار بدایت محکمه سی اعضا لغندن آچقده قالان مصطفی افندیلر نقل و تعیین اولمش و خراسان قضاسی لوا بدایت محکمه سی مدعی عمومیسر محمد علی افندی ایله عماره سنجانی بدایت محکمه سی مدعی

عمومیسر حق و بارظین قضاسی لوا بدایت محکمه سی مدعی عمومیسر ذکی افندی ایله قسطنطنی ولایتی استیناف محکمه سی اعضاسندن شوکت و تحویل مأموریت استدعا سنده بوانسان دیوریک قضاسی بدایت محکمه سی رئیس نظیف افندی ایله اوانوس قضاسی بدایت محکمه سی رئیس خالد و حاسنجانی بدایت محکمه سی اعضاسندن یورغا کی افندی ایله بیروت ولایتی تجارت محکمه سی اعضاسندن نصری نجاش افندیلر بجایش مأموریتلری اجرا قلنمش وادرنه ولایتی مرکز بدایت محکمه سی حاکم معاونلرندن لطفاه افندینک دخی استغفاسی قبول اولمشلدر .

بو اراده سینه نک اجراسنه عدلیه ناظری مأمورددر .

۲۰ رجب سنه ۱۳۳۲ و ۲ حیران سنه ۱۳۳۰

محمد رشاد

عدلیه ناظری صدر اعظم
ابراهیم محمد سعید

قوانین و نظامات

مکلفیت عسکریه قانون موقتی

— کچن نسخه دن مابعد و ختام —

افراد مأذونه

ماده : ۴۴ نومرولری کشیده اولنان هر ایکی قسم افراددن دولتیجه مطلوب اولان مقداری نومر و صر سیله آلدقندن صکره فضله قالانلر لزوم کورلدکده سلاح آلتنه آلتق اوزره موقتاً مأذون بر ایلورلر . اشبو مأذونلر پیاده صنفندن معدوددر .

افراد مأذونه مأذونیتلرینه مقابیل ویرکوی عسکریه فصلنده کی شرائط و مقادیر موجبینه ایکی سنه مدته ویرکوی عسکریه تأدیه سنه مجبوردرلر .

ماده : ۴۵ افراد مأذونه مدت مأذونیتلری اثناسنده عنداللزوم سلاح آلتنه جلب و تعلیم اولنورلر و سلاح آلتنده بولندقلری مدتیجه تحصیل لازم کلان تقاسیط استیفا اولنماز .

معامله و معاينه لری سنه آتیه ترک اولنانه افراد

ماده : ۴۶ . معامله و معاينه لری سنه آتیه ترک اولنان افراد بروجیه آتیدر :

۱ — وجودلرینک درجه کفایده نشوونما بولماش اولدینی بکرمی طقوزنجی ماده موجبینه طباً تبیین ایدنلر ؛

ماده : ۵۱ اشبو معینلرک سنلری اون سکزدن دون اولماق و احوال بدنی و یا خود مالیه لری مساعد بولمق شرطدر .

لیلی مکتب طلبه سی و موقوفین و سلاح آلتده و حیات و بماتی مجهول اولانلر معین عد ایدلر .

ماده : ۵۲ جدول سابقده محرر اشخاصک محتاج معاونت عد ایدیه بیلملری ایچون :
اولاً مذکور جدولده معین اوله رق ارانه اولان اقربانک بولنامسی ؛

ثانیاً قضاری داخلنده کی رایج محلیه کوره نفقه لرینه کافی مقدارده واردات سنویه مالک اولاملری ؛
ثالثاً زراعت و تجارت و صناعت کی بر ایشله مشغول بولنه ماملری شرطدر .

هر نه صورتله و نره دن اولورسه اولسون استیفا اولان معاش و تخصیصات دخی وارداتدن معدوددر .
سلاح آلتنه آلان مکلفک ثروت و وارداتی محتاج معاونت اولان اقربانک ثروت و وارداتی کی عد اولنور .

اخذ عسکر مجلسلری معاینه جدول لرینه و ایجابنده یاه جقلری تحقیقات نتایجنه کوره بوکیلرک محتاج معاونت اولوب اولدقلرینی تعیین ایدر .

محتاج معاونت اولدقلری تبیین ایدنلردن یقین و اوزاق اقربالری و تصاحب ایده جک کیمسه لری اولیان یتیم و صغیر و مجنون و منزول و معنوه و اسیر فراش و ایکی کوزی علیل و کوتوروم اولمق کی بر صورتله بشقه سنک معاونت فعلیه سنه محتاج بولنلر معاش مخصوصلریه و محلی حکومتلری واسطه سیله بلدییه و یا هیئت اختیاریه حمایه سنه تودیع اولنه جقلردر .

املاک و اراضی صاحبی اولوبده اداره و نظارت ایده جک یقین و اوزاق اقرباسی اولیان مکلفینک مراجعتلرنده حکومت ملکیه بولنلرک نظارتی و اداره و محافظه سنی تأمین ایلنه جکدر .

ماده : ۵۳ محتاج معاونت اولمق اوزره قانوناً قبول اولنه جق کیمسه لرک معاینه اتهائیه دن اول امر انفاقلری مکلفین طرفندن ایفا ایدلمکده بولمسی مشروطدر .

بر آدم کندی عائله سنندن بشقه انحق بر شخصه معین صایله بیلور . بردن زیاده اشخاصک معینی اولمسی لازم کلنر هانکیسی ارزو ایدرلرسه او شخصک معینی عد ایدیلوب دیکر لرینک محتاج معاونت اولوب اولدقلری تحری اولنور .

ماده : ۵۴ مجلسک محتاج معاونت کوردیکی افرادک اسامیسی معاینه جد اولندن اخراج وزیری مجلس طرفندن تصدیق ایدلرکدن صکره قرق طقوزنجی ماده موجبنه معامله ایدلمک اوزره مال مأمورینه تودیع اولنور .

اخذ عسکر مجلسنک اجتماع حالنده بولمدیغی زمانلر خصوصات مذکوره محکم مجلس اداره سنجه اجرا اولنور .

ماده : ۵۵ افراد عائلیه تخصیص اولنه جق معاش بلا افاته وقت محله و یا قریه لرنده هیئت اختیاریه حضورنده و هیئت مذکوره جه مصدق مقبوض مقابلنده کندی لرینه تسلیم اولمق اوزره مالیه تحصیلدارلری معرفتیه کوندریله جکدر .

نفتیش قومیسیرنی وظائفی

ماده : ۵۶ اخذ عسکر معاملاتنک و اخذ عسکر مجلسلرینک مقرراته اعتراض ایدنلرک شکایتی تدقیق ایتمک ایچون هر فرقه دائره سنده بر تفتیش قومیسیرنی بولنور .

بو قومیسیرن بروجه آتی ذواتدن تشکل ایدر :

۱ — فرقه اخذ عسکر قلمی رئیس ؛

۲ — فرقه قوماندانی طرفندن امرادن اولمق اوزره تعیین اولنه جق برذات ؛

۳ — والیر و الویه مستقلده متصرفلر طرفندن تعیین ایدیه جک برذات ؛

۴ — ایکی عسکری طیب .

بولنر یالکز معاینه طیه یه عائد خصوصاتده صاحب رأیدرلر .

بو قومیسیرنک ریاستی ایچلرندن اک بیوک رتبه لی عسکر و کتاتبی فرقه قوماندانی طرفندن صاحب رأی اولماق اوزره انتخاب ایدیه جک بر ضابط طرفندن ایفا ایدیلور .

تفتیش قومیسیرنلری فرقلری داخلنده کی قضا مرکز لرنده نومرو کشیده سی معامله سنک ختامندن

اعتباراً ایلولک اون بشنه قدر اکال وظیفه ایتمش بولنه جقدر بناء علیه هر فرقه دائره سنده تفتیشه هانکی

تاریخده و نره دن باشلانیه جی فرقه قوماندانی و والی و الویه مستقلده متصرفلرجه بالخبره قرار لاشدیریله رق

ایجاب ایدنلره تبلیغ اولنور .

هیئت تفتیشیه رئیس هیئتک ورودندن اون بش کون مقدم هانکی کون نره لرده بولنه جی مأمورین

محلیه معرفتیه اهالی یه اعلان ایدر .

ماده : ۵۷ تفتیش هیئتلری رئیس اخذ عسکر شعباتی نزدنده کی و والی و یا متصرفلر طرفندن

تعیین ایدیلان ذوات دخی اخذ عسکر مجلسی رئیسلری نزدنده کی معاینه اتهائیه جدول لرینی آله رق بروجه

آتی اجرای معامله ایلر و هیئتلرجه اکثریت آرا ایله اتخاذ قرار اولنور :

۱ — اخذ عسکر مجلسی اعضاسندن بعضیسی طرفندن اصولی دائره سنده تحریراً درمیان ایدلمش

اعتراضاتی تدقیق ؛

۲ — اخذ عسکر مجلسلرینک خدمت عسکریه یه غیر مقتدر اولدیغنه دائر قرار ویردکری افرادی

بهمه حال یکان یکان معاینه طیه دن امرار و غیر مقتدر اولدقلرینه قناعت حاصل اولانلرک کیفیت

معلولیتلرینی یدلرنده کی جزؤدانلره اشارتله زیرینی تصدیق ؛

۳ — معینردن ادعای معلولیت ایدنلرک معاینه طیه دن امراری ؛

۴ — محتاج معاونت اولدقلری اخذ عسکر مجلسنجه تقرر ایدنلرک تکرار وقوع بوله حق ادعالرینی تدقیق ؛

هیئت تفتیشیه حضورینه کلمه یه جک درجه ده معلول یا خسته اولدقلرینی اخبار ایدنلر هیئت تفتیشیه ده داخل بولنان اطبا طرفندن محالرنده معاینه ایدیه جکدر .

۵ — معاملات عسکریه یه دائر کافه شکایات و مدعیاتی تحقیق ؛

۶ — سنین سابقه اخذ عسکر مجالسند اثبات وجود ایتمالری و یا خود اثبات وجود ایتدکاری حالده ارقداشلرینک جلب و سوقلری صرهنسند دخالت ایلیماملری و اثنای سئوقده فرار ایتملری حسینیه در دستلری ضمنتده اسامینسی حکومت محلیه یه تودیع اولنان افراد حقنده کی تعقیبات و اجرا آتک درجه سنی تدقیق ؛

۷ — معذرت مشروعه سببیه او سنه اخذ عسکر مجلسنده اثبات وجود ایده مدکلرینی و معذرتلرینی مثبت شهادتنامه کوندر مدکلری ده بعض موانعدن نشأت ایلدیکنی ادعا ایده جکلرک ادعالرینی تدقیق و اشبو ادعالری حقنده قناعت حاصل اولانلردن سنه آتییه ترکی لازم کلنلری تفریق و نومرو کشیده ایدلک ایجاب ایدنلرک اوتوز برنجی ماده نك فقره اخیره نده کی صراحت دائره سنده نومرولرینی کشیده ایلک .

ماده : ۵۸ خدمت عسکریه یه غیر مقتدر اولدقلرینه اخذ عسکر مجلسلرنجه قرار ویریلنلردن تفتیش مدتجه هیئت تفتیشیه حضورنده اثبات وجود ایتماکله برابر معذرتلرینی بیان ایلانلر حکومت ملکیه معرفتیه جلب ایدیلرک معاینه طیه لری اجرا اولنق اوزره الیقین آلا ی مرکز لرینه اعزام ایدیلورلر .

ماده : ۵۹ تدقیقات تفتیشیه نتایجی معاینه جدوللرینک خانه مخصوصلرینه قید ایدیلور و هر اخذ عسکر شعبه سی دائره سی تفتیشاتنک ختامی متعاقب نسختین اوله رق تنظیم اولنه حق مضبطه هیئت تفتیشیه طرفندن امضا ایدلکدن صکره برنسخه سی فرقه قوماندانه دیگر نسخه سی ده والی یا متصرفه کوندریلور و اخذ عسکر شعباتیه اخذ عسکر مجالس رئیس لرنندن آلنان جدوللر اعاده ایدیلور . فرقه قوماندانلری هیئت تفتیشیه دن کلان مضبطه لری دائره صلاحیتده کی معاملاتی ایفا و مطالعاتی علاوه ایدرک تشرین اول نهایته قدر قول اردولرینه و قول اردولر دخی صلاحیتدار اولدقلری معاملاتی ایفا و ملاحظاتی علاوه ایده رک کانون اول نهایته قدر حریبه نظارتیه ارسال ایده جکلردر . والیلرده کنیدلرینه ورود ایده جک مضابط اوزرینه معامله مقتضیه یی ایفا ایدرلر .

افراد هر بره نك صورت تقسیم و تفصیلی و موجب وسوقی

ماده : ۶۰ سلاحی و سلاحسز خدمتده مستخدم اولوب هر سنه علی الاصول ترخیص اولنه حق فرادک مقداریه قادرونی املا ایتک اوزره لزوم کوربلان سلاحی و یا سلاحسز خدمتده استخدام ایدیه جک

افراد جدیده نك عددنی مین اوله رق بالعموم قول اردو و مستقل فرقه قوماندانلرلیله بحریه نظارتی و اعمالات حریه مدیریتی و عموم ژاندارمه قوماندانلی و دوائر و مؤسسات سائر عسکریه طرفندن تنظیم اولنه حق (احتیاج جدوللری) مایس نهایته قدر حریبه نظارتیه تقدیم اولنق لازمدر .

ماده : ۶۱ حریبه نظارتی اشبو احتیاج جدوللرلیله قرقچی ماده ده کوستریلان ایستاتستیک جدوللرینک ورودنی متعاقب تدقیقات لازمه یی ایفا ایدرک قطعات بریه و بحریه و مؤسسات سائر ایچون جایی لازکله جک افراد مقدارینی یوزده مناسب کوره جکی فضله سیله نسبت معینه دائره سنده قول اردو اخذ عسکر دواثرینه تقسیمنی بالاجرا قطعات بریه و بحریه و مرتبات مختلفه یه وجه تخصیصنی قول اردولرله دوائر سائریه تبلیغ ایدر . افراد جدیده قطعاته تشرین اولده داخل اولمش بولنه جقدر . عسکرک جلب و جچی امرینی اعلان ایچون و داخلیه خارجییه نظارتلرینی خبردار ایلر .

قول اردو قوماندانلری حریبه نظارتندن آله جقلری امره نظراً قول اردو اخذ عسکر دائره سندن سلاح آلتیه آلتیه لازم کلان سلاحی و سلاحسز افراد مقداریه اوسنه نومرو کشیده ایدن مکلفیندن سلاحی و سلاحسز خدمته تفریق ایدیلانلر مقداری آره سنده کی نسبته کوره هر فرقه اخذ عسکر دائره سندن یوزده قاج نسبتده افراد جلب ایدیه جکنی و محل تخصیصلرینی فرقه لره و فرقه لرده عین صورته اخذ عسکر شعبه لرینه و آلا ی قوماندانلرینه تبلیغ ایدر .

ماده : ۶۲ اخذ عسکر شعبه لرینی سوقی لازم کلان سلاحی و سلاحسز خدمتده استخدام ایدیه جک افرادک قریه و محله اعتباریه اسامینسی حاوی نسختین اوله رق جدوللر تنظیم ایدر و اشبو جدوللرده محرر افرادک هانکی کون اخذ عسکر شعبه سی مرکزنده بولنه جفتی زیرلرینه اشارت ایدرک اول محک اک بیوک ملکیه مأمورینه تودیع ایلر .

ماده : ۶۳ ملکیه مأموری آلدینی جدوللری ژاندارمه قوماندانه تودیع ایدر . ژاندارمه قوماندانی دخی افرادک هانکی تاریخده شعبه مرکزنده بولنه جقلرینی کنیدلرینه و موجود اولدقلری حالده ابون و اقربالرینه تبلیغ ایتک اوزره بوجدوللردن برنی قریه و یا محله هیئت اختیاریه سنه تودیع ایدر و دیگرینی اشبو هیئت تصدیق ایتدیره رک اخذ عسکر شعبه سنه ارسال اولنق اوزره ملکیه مأمورینه اعاده ایلر . مکلف هر نرده بولنورسه بولنسون اشبو تبلیغ دعوت قانونیه عد اولنور .

ماده : ۶۴ یوم معینده مدعو افراددن کلیانلر اولدینی تقدیرده کلمه ملری خسته لک و موقوفیت کی بر معذرت مشروعه دن متولد اولوب اولدینی مجلس اداره جه هیئت اختیاریه ایله ارقداشلرندن بالتحقیق بلا معذرت کلیانلر حقنده یوز اونجی ماده موجبجه معامله اولنق اوزره کنیه لرینه شرح ویریلور و بونلرک اسامی جدولی اخراج اوله رق تحری و در دستلری ضمنتده حکومت ملکیه یه تودیع ایدیلور .

ماده : ۶۵ سوق اولنه حق افرادک تاریخ سوق و محل مرتبی جز و دانلرینه اشارت اوله رق کیده جکلری

موانعه نظر آ آری آری وجهه نسختین سوق دفترلی تنظیم و افراد ایله برابر سوق مأمورلرینه تودیع و مصارف سبوقیه لری دخی باسند تسلیم اولنور.

سوق مأموری ضابطان و یا کوچک ضابطاندن انتخاب و لزومنده معیتته مقدار کافی ژاندارمه ترفیق اولنور، اوفاق قافله لرك يالکیز ژاندارمه واسطه سیله سوقی جائزدر.

ماده : ۶۶ سوق مأموری اثنای طریقده افرادی زحمت چکیمه چک صورتده قوناق قوناق سوق ایدوب قوناق محللرینه وصوللرنده مناسب برلره برلشدیرر و یومیه لری یدا بید اعطا ولدی الحاحه معاونت لازمه یی ایفا ایدر. سوقه مأمور اولانلر اثنای سوقده افراده هر کونه سوء معامله دن بمنوعدر.

افراددن فرار ایدرک طوتیلانلر و یا فرار ایده چکی حسی اولنلر بولنورسه بونلر محل مرتیلرینه کوندرلک اوزره الک اول داخل اوله جقلمی محلك ژاندارمه قوماندانه تسلیم اولنور. افرادک اثنای سوقده سوق مأمورلرینک مراجعتی وقوعنده مأمورین ملکیه و ضابطه معاونت و تسهیلات ارائه سیله مکلفدر. ماده : ۶۷ افراد قطعانه واصل اولدجه اولاً سوقته مأمور اولانلرک کوتوردکلی دفترله واصل اولان افرادک یوقلمه لری بالاجراموجود اولانلر تسلیم ایدیلور واسملری حداسنه اشارتله کیفیت تسلیمی حاوی نسختین جدوللردن بریسی بالتصديق اخذ عسکر شعبه سنه و برلک اوزره سوق مأمورینه اعاده اولنور.

ثانیاً : تسلیم ایدیلان افرادک معاینه طیه لری اجرا ایدیلرک معلولیتی تبیین ایدنلرک اسباب معلولیتلری تدقیق اولنور و بومیانده عسکرلکدن معافیت مقصدیله کندیلرینی جرح و تعلیل ایدنلر ظهور ایتدیکی حالحه بونلر حقنده یوز سکزنجی ماده موجبجه معامله اولتیق اوزره راپوریه اوراقی ایجاب ایدن مقام عسکرییه تودیع اولنور.

ثالثاً : اشبو افراد جدیده نك تخصیص اولندیغی قطعانه و وصولدن نهایت اون بش کون صوکره هر آلاى و مستقل قطعنه قوماندانی الای و قطعنه سنه ورود ایدن افراد جدیده نك احوال صحیه و عمومیه لری حقنده نمونه سی وجهه تنظیم ایده چکی جدولی فرقه یه و فرقه قول اردویه کوندرر.

قول اردولر بو جدوللری اساس اتخاذ ایدرک سنوی سلاح آلتیه آلان افرادک اوصافی حقنده بر ایستانتیق تنظیم ایدرلر.

ماده : ۶۸ سوق معامله سنک ختامی متعاقب سوق اولتالرله افراد مأذونه نك اسامیسنی حاوی مجلس اداره جه آری آری تنظیم اولنه جق دفترلر جهت مالییه تودیع ایدیلرک و تاریخ سوقدن اعتباراً ایکی آی ظرفنده افراد مأذونه نك جایله مأذون اولدقلری جزو داندلرینه اشارت اولنه جقدر.

ویرکوی عسکری

ماده : ۶۹ ویرکوی عسکرییه تابع طوتیه جقلمر بوجه آتیدر :

۱ - قرق آلتیجی ماده نك برنجی و ایکنجی فقره لریله یوز آلتیجی ماده نك ایکنجی فقره سنده محرر

اولوب فعلاً خدمت عسکرییه یی ایفا ایدمه جکلمی تبیین ایدرک مکلفیت عسکریه دن اخراج ایدیلنلر ایله فرق آلتیجی ماده نك اوچنجی فقره سنده محرر اولانلردن اوتوز بش یاشنی اکال ایتدکلی حالحه هنوز نفی و قلعه بندلک جزاسنی اکال ایتامش اولانلر و قرق سکزنجی ماده نك برنجی فقره سنده محرر اولانلر ایله ایکنجی فقره سنده محرر بش سنه دن فضله کورک جزاسیله محکومیتدن طولای مکلفیت عسکریه دن اخراج ایدیلنلر ؛

۲ - قرعه نومروسی صره سیله عدد مطلوبدن فضله قاهره مأذوناً و موقتاً خانلرینه بیراقیلانلر ؛

۳ - احکام قانونیه یه عدم اطاعت صورتیه اولمیوب موقت نفی و قلعه بندلکله محکوم اولمق و یا خود مهاجریندن بولتیق سببیله اوتوز بش یاشنی اکال ایتدیکی حالحه هنوز سلاح آلتیه آلتیجی عندالتحقیق اکلاشیلانلر .

ماده : ۷۰ آلتش طقوزنجی ماده موجبجه ویرکوی عسکرییه تابع اولانلرک ویرکوی ایله مکلفیتی ، حقلمنده کی معامله نك اکال ایدلدیکی سنه یی تعقیب ایدن سنه دن باشلار . ماده مذکورده نك برنجی فقره سنده مصرح اولانلر مدت موظفه اولان یکریمی سنه و ایکنجی فقره سنده مصرح اولانلر یالکیز سلاح آلتیدن مأذون اوله جقلمی ایکی سنه و اوچنجی فقره سنده محرر اولانلر سنلرینه کوره اولان مدت متبایقه احتیاضیه لری دوامتجه مذکور ویرکویه تابع بولنورلر .

ماده : ۷۱ آلتش طقوزنجی ماده موجبجه ویرکوی عسکرییه تابع اولانلردن :
اولا تشکلات بدنی و احوال صحیه یا خود قوه عقلیه سی غیر مساعد اولمق حسیله بالذات کار و کسبه مقتدر اولماقله برابر قضالری داخلنده کی رایج محلی به کوره نفقه لرینه کافی مقداردن فضله واردات سنویه مالک اولمانلر ؛

ثانیاً خدمت عسکریه ده ایکن ایفای خدمت عسکرییه یه غیر مقتدر حالحه کلنلر ؛

ثالثاً کار و کسبه مقتدر اولوب مکسوباتی قضالری داخلنده کی رایج محلی به کوره نفقه لرینه کافی مقداردن فضله اولماقله برابر ویرکونک ایفاسنی ده تأمین ایده چک درجه ده وارداتی بولیمانلر ؛

رابعاً بدل نقدی ویرنلر مذکور ویرکودن معافدرلر .

ماده : ۷۲ ویرکوی عسکری مقطوع و منضم اولمق اوزره ایکی نوعدر . مقطوع ویرکوی سنوی الی غروشددر .

منضم ویرکوی اموال غیر منقوله ویرکوی اولیسنک یوزده بشی و تمتع ویرکوی اصلیسنک برربی و موازنه عمومیه یه داخل و غیر داخل بالعموم دوائر دولت و مؤسسات رسمیه دن آلان معاش و مخصصاتن مذکور معاش و مخصصاتک مجموع سنویسنک از غیر توقیفات یوزده بریدر .

منضم ویرکولرک مجموع سنویسی مقطوع ویرکوی مقدارینی تجاوز ایتمز .

ویرکونک جباتی مالیه نظارتجه آروجه بر نظامنامه ایله توضیح و تبیین اولنه جقدر .

برسنه کوکلی

ماده : ۷۳ اون طقوز یاشنی ا کال ایله یکریمی یاشنه داخل اولان مکلفیندن اخذ عسکر مجلسنه بالمراجعه سنه آتیه ایچون برسنه کوکلی صورتیه قید اولمق ایستیانلر بروجیه زیر شرائطی حائز اولدنلری حالده قبول اولنورلر :

۱ - امسلاک و اراضیه متصرف اشراف و اعیان مملکت و یا اراده لی مأمورین دولت ایله بولنلردن متقاعد اولانلرک اولادی اولمق ؛

۲ - احوال بدنییه سی عسکرلرک مساعده اولمق ؛

۳ - محل حیثیت احوالی نابت و شایع اولدینی حکومت محلیه جه تصدیق ایدمک .
صنوف غیر راکبه قطعانه کوکلی کیره جکرک یکریمی بش لیرا ویره جکنی و صنوف راکبه کیرمک ایستینلر دخی یا یکریمی بش لیرا و یاخود یکریمی بش لیرا قیمتده اولمق و شرائط لازمییه حائز بولمق اوزره بر حیوان پرلکده کتیره جکنی مبین کفالت لازمییه حکومت محلیه جه ابراز ایتمک ؛

۵ - بش سنه لک مکاتب اعدادیه دن باشهادتنامه نشأت و یا مکاتب سلطانیه رسمییه نیک بو درجه تحصیلده کی صنفلرندن تصدیقنامه اخذ ایلش بولمق و یا معارف نظارتک تفتیش و مراقبه سنه تابع یرلی و اجنبی مکاتبک بو درجه تحصیله معادل صنفلرندن نشأت و معارف نظارتک مکاتب رسمییه سنه بشنجی سنه امتحانی اعطا ایله رسمی تصدیقنامه آلمش اولمق .

ماده : ۷۴ برسنه کوکلیلر یکریمی بش لیرایی هم سنلرینک نومرو کشیده سنه قدر دفعه ویا ایکی تقییدده مال صندوقلرینه بالتسلیم آرزو ایتدکاری قطعات نظامیه برسنه مدته ایفای خدمت ایدر ولیاقت کافیه کوسترنلر احتیاط کوچک ضابطی اوله رق ترخیص اولنوب بوزلر میاننده خدمت مدتیجه ده بیوک اثر لیاقت ابراز ایدنلر بالاآخره احتیاط ضابطی نظامنامه سننده معین اولان ادوار تعلیمیه جلب واستخدام اوله رق آلائی قوماندانلرینک انهاسنه وکوریله جک لزومه کوره احتیاط ضابطی تعیین ایدیلور .

ماده : ۷۵ بو صورته کوکلی یازیلانلر تعلیم و وظائف عسکریه نیک کافیه سننده اثبات وجود ایتمک بمرطیله و فرقه سی قوماندانلرینجه محل انضباط کورلرزه تعییناتی سعی میری ایدمک اوزره قشله خارچنده یمک ویا یاتمه مأذون اوله ییلورلر . افراد مرقومه البسه لری کندیلری تدارک ایده جکلردر .

افراد مأذون راهبیطیه و مستحقطیه عامه معامرت

ماده : ۷۶ یدنجی ماده موجبجه صنوف بریه و بحریه ده سلاح آلتی خدمتی بالا کال ترخیص ایدیلنلر صنف احتیاط و احتیاط مدتی ا کال ایدنلر مستحقطه نقل اولنوب صنفه کوره احتیاط ویا مستحقط مدتی ا کال ایدنلر مکلفیت عسکریه دن اخراج اولنورلر .

اشبو نقل معامله لری ایچون مکلفینک یکریمی یاشنی ا کال ایدلیکی سنه یی تعقیب ایدن سنه نیک مارتی دائما مبدأ اتخاذ اولنور .

ماده : ۷۷ سلاح الی خدمتی ا کال ایدن افرادک ترخیصی اراده سنیه سی بالاستیحصال حربیه و بحریه نظارتلرندن قوماندانلرله تبلیغ اولنه جق امر اوزرینه اجرا ایدیلور .

ماده : ۷۸ ترخیص اوله جق افرادک جزؤدانلرینه بلوک و مؤسسات و یاخود منسوب بولندقلری سفائن قوماندانلرینجه کیفیت ترخیصلری اشارت اولنه جق و افرادک منسوب اولدقلری هراخذ عسکر شعبه سی ایچون آیری آیری و نمونه سی وجهله جدوللری جزؤ تام قوماندانلرینجه بالاملا شعبات مذ کوره یه ارسال اولنه جقدر .

ماده : ۷۹ اخذ عسکر شعبه لرنجه اشبو جدوللرده محرر افرادک و هم سنلری اولوب خدمت عسکریه لری مدت مقصوره ویا برسنه کوکلو اوله رق ویا بدل نقدی ویره رک بالایفا ترخیص ایدیلنلرک و مأذون و تبدیل هواده بولنلرک جزؤدانلرینه صنف احتیاطه نقللری قید و اشارت اولندقدن صکره سکسان برنجی ماده موجبجه چکیلرک نومرولرک صره سیله احتیاط دفترینه معامله قیدیله یه ایفا اولنور .

ماده : ۸۰ ترخیص اولسان افراددن مملکتلرینه کیدنلر مملکتلرینه مواصله لرندن اعتباراً ایکی آی ظرفنده منسوب اولدقلری اخذ عسکر شعبه سنه و مملکتلری خارچنده قالانلر نرده اقامت ایده جکلر ایسه ینه ایکی آی ظرفنده اقامتگاهلرینک بولندینی محک تابع اولدینی اخذ عسکر شعبه سنه و اخذ عسکر تشکیلاتی اولسان محللرده الک بیوک ملکیه مأمورینه مراجعتله ترخیص ایدلکلیری اخبار و جزؤدانلرینی بالاراه قیدایتدیره جکلردر . مملکتلری خارچنده قالانلرک محل اقامتلری قید اولندقلری اخذ عسکر شعبه لری ویا ملکیه مأمورلری طرفندن منسوب اولدقلری اخذ عسکر شعبه لرینه بیلدیریلرک . افراد مذ کوره دن ممالک اجنبیه کیده جک اولانلر هر هانکی بر اخذ عسکر شعبه سنه قیدی اجرا ایتدیردکن صکره عزیمت ایده جکلردر .

ماده : ۸۱ اخذ عسکر شعبه رئیسلری دائره لرینه منسوب اولوب یتیش سکزننجی ماده موجبجه ترخیص اولنان افراده مخصوص اوله رق قطعات نظامیه دن کوندریله جک جدوللرک ورودنده کرک بو افرادک کرک هم سنلرندن خدمت مقصوره ایله مکلف ویا بدل ویرمش اولوب ده اول مدت معینه فعلیه سی ایفا واکال ایتیش اولان ویا مأذون بولنان افرادک منسوب اولدقلری صنف عسکریه کوره آیری آیری و غیاباً نومرولری کشیده ایدرک بونومرولر صره سنجه هر صنف عسکری افرادینی صنفلر آره سننده فاصله بیراقیمق و بر دفتر دروننده بولمق اوزره نمونه سی وجهله مطبوع دفترله قید ایدیلور ؛ شو قدرکه هر هانکی سبیل ترخیصلری هم سنلرندن صکره قالان افراد هم سنلرینه و صنفلرینه مخصوص احتیاط دفترلرینه کچیرمک اوزره دفترلرده صنفلرینه مخصوص نومروی تعقیباً نومرو چکیلرک معامله قیدیله یه اجرا اولنور . بو

صورتله احضار ایدیه جک دفترلرده موجود و صنوف مختلفیه منسوب افراد احتیاطیه نك مقدارى ايلك تنظيم اولنه جق قوه عمومیه جدوللرینه اخال اولنور. جدوللرده فرقه لره و فرقه لردن قول اردولره واردولردن دخى حربیه نظارتنه ارسال اولنور.

ماده : ۸۲ هر سنه احتیاطه نقل ایدیان افراد یکر می برایشنه یردیکی سنه احتیاطی و مستحفظه نقل اولنان افرادده ینه یکر می برایشنه یردیکی سنه نك مستحفظی نامیه توسیم اولنورلر. مثلاً اوچیوز اوتوز سنه سنده ترخیص ایدیان اوچیوز یدی تولدی افرادك احتیاطه نقانده اوچیوز یکر می سکر سنه سی احتیاطی نامی و یریه جکی کی بونلرك مستحفظه نقللرنده دخى كذلك اوچیوز یکر می سکر سنه سی مستحفظی اطلاق اولنور.

ماده : ۸۳ هر سنه احتیاطه نقل ایدن افراد ایچون طوتیه جق دفتر بو افرادك مستحفظه نقلدن صکره مستحفظ دفترنی تشکیل ایدر و معاملات قیدیه دائماً بو دفتر اوزرنده اجرا اولنور و هر نه سبیه منی اولورسه اولسون هم سنلرندن صکره احتیاط و مستحفظه نقل ایدنلر بو دفترده کی صقللرنك نهایتیه قید اولنورق کندیلرینه صوك نومرونی تعقیباً نومرو و یریلور.

افراد مأذونه و احتیاطیه و مستحفظه نك جلب و سوتی

ماده : ۸۴ خدمت مقصوره به تابع ویا کوکالی اوله رق بر سنه خدمت ایتدکده صکره ترخیص ایدیلان افراد ایله افراد مأذونه و احتیاطیه و مستحفظه عمومی و خصوصی سفر برلك و تعلیم و مانوره و تأمین آسایش داخلی ایچون لزوم و احتیاجیه کوره قسماً ویا کاملاً سلاح آلتیه جلب اولنه بیلور. عمومی و خصوصی سفر برلك ایچون افرادك تحت سلاحه جلبی اراده سنیه و مانوره و تعلیم ایچون جلبی حربیه نظارتنك و آسایش داخلی ایچون جلبیه ده قول اردو قوماندانلرنك امریه اجرا اولنور و حربیه نظارتیه قول اردو قوماندانلرنك امریه وقوع بولان جلب بعدالاجرا هر حالده عرض عتبه غیا قلنور.

ماده : ۸۵ افرادك جلبنه بالعموم مأمورین عسکریه و ضابطه و قری و محلات مختاران و هیئات اختیاریه سیله والی و متصرف و قائم مقام و ناحیه مدیرلری مأموردلر. بو خصوصده رهاوت و مساحه سی کوریلانلر قوانین جزائیه موجبیه مجازات اولنورلر.

ماده : ۸۶ افرادك صورت جلب و جمعی ایله بو خصوصده مأمورینه مترتب وظائفك کیفیت اجرایی آبروجه بر نظامنامه ایله تعیین اولنه جقدر.

ماده : ۸۷ سلاح آلتیه جلب اولنه جق افرادك طوغریدن طوغری به قطعاً نه التحاقلری امری و یرلشمش ایسه افراد اخذ عسکر شعبه مرا کزنده طویلانه جقلر و محلی مجلس اداره سی واخذ عسکر شعبه رئیس و ضابطانی حضورنده کلنلر ایله کلیانلر حقدنه [التمش دردنچی] ماده موجبیه معامله ایفا

اولندقدن صکره کلنلر [التمش بشنچی] ماده موجبیه کتیه دفترلریله محل مرتبیلرینه سوق اولنه جقلردر. دعوتیه اجابت ایتیانلرك تحری و در دستلری ایچون دفترلری حکومت محلییه تودیع اولنه جقدر.

ماده : ۸۸ سفر برلك و قوعنده قباحته مظلون و محکوم اولانلر ایله جنجه ایله مظلون و بر سنه و ده اشانغی حبس ایله محکوم اولانلر ترخیصلرندن صکره محاکمه لری اجرا ویا مدت محکوملری اکیل اولنق اوزره همان سلاح آلتیه آلنورلر و بو کیلردن حسن خدمتی کوریلنلرك حقوق شخصیه به خلل کلمه ك اوزره مدت باقیه محکومه لرینك عفوییه تشبث اولنه بیلور.

خسته لى و بر سنه دن فضله موقوفیت کی معذرتلردن طولانی ارقداشلرله برلکده سدلاح آلتیه آلتیه میانلرك اعاده عافیت ویا تخلیه سیلارنده صورت استخدا ملری اجتماعك نوعنه کوره حربیه نظارتیه تعیین اولنه جقدر.

افراد مأذونه و احتیاطیه و مستحفظه نك یوقلمه لرینك امری صفره اصطام

ماده : ۸۹ مکلفین عسکریه دن مدت مقصوره ایله ایضای خدمت ایش ویا آخر صورتله مأذون برافتمش اولنلر ایله احتیاط و مستحفظه صقللرنده بولانلرك حربیه نظارتیه تعیین اولنه جق زمانلرده سنه ده ایکی دفعه اخذ عسکر شعبه سی ضابطانی طرفندن یوقلمه لری اجرا اولنور.

یوقلمه اجرا ایدن ضابطانه عسکرى خرجه نظامنامه سی وجهله خرجه و یومیه و یریلور.

یوقلمه معاملات شونلردر :

۱ — وفات ایدنلرك تاریخ وفاتلرنی تحقیق و نفوس مأموریه بالخباره قیدلرنی ترقین ایتك ؛
۲ — خدمت عسکریه لرنی ایضا ایدیه جك درجه ده معلول اولدقلرنی بیان ایدنلری لاجل المعاینه اخذ عسکر شعبه رئیسینه بیلدیرمك ؛

۳ — مکتومینی ظاهره اخراج و بقایای عسکریه ایله برابر در دست ایتك و معاملات قیدیه لری اسبابنی تأمین ایلک ؛

۴ — سفر برلك و تعلیم و مانوره لرده قانوناً سلاح آلتیه آلنه میه جقلری تقریبی و قیدلرینه اشارت ایتك ؛

۵ — تبدیل هواده بولنلر افرادك مدتلری حقدنه تحقیقات اجراییله اعاده عافیت ایدنلرك اکیل مدتلرنده قطع لرینه سوقی و اعاده عافیت ایتیه نلرك برای معاینه الك یقین صحیه هیئتی بولنان مواقعه اعزامی تأمین ایتك و کیده میه جك حالده اولانلری اخذ عسکر شعبه رئیسینه بیلدیرمك و مأذون افرادك دخى مأذونیتلرنی تجاوز ایتدیرمه لری اسبابنی استحصال ایتك .

بوصورتله واقع اولان تحقیقات و جهت عسکریه جه استحصالی لازم کلوب افراد مکلفه دن و بولندقلری حالده اقربالرندن آلتان معلومات نتایجی افرادك کتیه لرینه اشارت اولنه جق کی یوقلمه اثناسنده استحضارات سفریه به عائد وظائف سائر دخى اجرا اولنور.

ماده : ۹۰ یوقلمه لرك ختامنده حاصل اوله جق نتاج زیرنده خلاصة كوسترلك اوزره اخذ عسكر شعبه سی رئیس طرفندن نمونه سی وجهله بر قوه عمومیه جدولی تنظیم وفرقه لره ارسال اولتور. اشبو جدوللری فرقه لر قول اردولره وقول اردولرده حربیه نظارتنه کوندر لر .

ماده : ۹۱ آتیده تعداد اولسانلر افراد احتیاطیه ومستحفظه دن اولدقلری حالدله مأموریتلرینک دوامی مدتجه سفر برلك وتعمیم ومانوره ایچون وقوع بوله جق اجتماعلرده سلاح آلتنه آلتقدن مستشارلر : وکلا

مستشارلر

مبعوثان واعیان ایله مجلس مبعوثان واعیان باش کاتبلری
سفر

سفارت مستشارلری

باش کاتبلری

باش شهبندرلر

شهبندرلر

شهبندر وکیللری

والیار ومتصرفلر

قتوی امینی

مجلس تدقیقات شرعیه رئیس

درس وکیل

قاضیلر

مفتیلر

شیخ الحرم حضرت نبوی

حرمین شریفینک بارات عالی جهاته متصرف اولوب بالفعل ایضای وظیفه یه مجبور اولان خدمه سی نفس نفیس حضرت پادشاهی خدمت فاخره سنده مستخدم بولنانلردن بادیتر اسامیسی معین اولانلر .

عسکرلکده استخدام مانه معلولیتی تبین ایدنلر جماعت غیر مسلمه بطریقلرله قنوغیکوس و خاхам باشی و متره پولید و سرپسقموس و ارخاندرید و وارطابت و باش خاхамلر و مناسترلرک غومنوس و باش راهبلر و خدمات مذهبییه مستخدم پاپاس و خاхамلر و مناسترترده اقامت ایدن راهب و کشیشلر و پروتستان ولاتین و موسوی قرائی جماعتلرینک وکیللری و موسوی جماعت باشیلری و معین کلیسالرله مأمور پروتستان واعظلری و بادیتر مقدار واسامیسی معین دیاقوس و مذاهب سائر غیر مسلمه ده بوکا معادل اولانلر .

ماده : ۹۲ آتیده تعداد اولتانلر افراد احتیاطیه و مستحفظه دن اولدقلری حالدله مأموریتلرینک دوامی مدتجه یالکیز سفر برلك ایچون وقوع بوله جق اجتماعلرده سلاح آلتنه آلتقدن مستشارلر :

پوسته وتلغراف وتلفون نظارتی :
تلغراف فن مفتشلی

پوسته وتلغراف مراکز مدیرلری
مخبره مأمورلری

کفالت اعطاسه یله مکلف باش مدیریت وزنه دارلری وحواله وپاکت مثللو پوسته اموری مأمورلری
مکفل احتیاط مأموری

پوسته تاتار و سیار مأمورلری
تلغراف فابریقه سنده مستخدم ارباب اختصاص ایله باش مدیران دائره سنده کی ماکنیستلر

تلغراف خطوطنک محافظه سنه مأمور چاوشلر.
داخلیه نظارتی :

قائم مقاملر و ناحیه مدیرلری
پولیس مدیرلری

پولیس قومیسرلری
پولیس قومیسر معاونلری

پولیسر .
حربیه و بحریه نظارتلری :

اقلام حربیه کتبه سندن اردوده استخدام اولنه جقلر
خسته خانه و اداره عسکریه ده مستخدم بولنان کتبه دن اردوده استخدام اولنه جقلر

کمور معدن عمله دائمه سندن اولوب سلاح آلتنه آلتلری کمور اخراجاته مانع اوله جقی شرکتله
بالخبره تحقیق ایدرک اسملری مضبوط بولنانلر .

مالیه نظارتی :
دائرة نظارتده واردات دولتی اخذ و صرفه طوغریدن طوغری یه مأمور اولانلر :

ولایات :
دفتردارلر

محاسبه جیلر
محاسبه میزلی

ویر کو میزوری
محاسبه باش کاتبلری
لوا ویر کو باش کاتبلری
مال مدیرلری
مال مدیر معاونلری
تحصیل مأمورلریله معاونلر و مفردات کاتبی وظیفه سنی ایفا ایدن رفیقلر و معقبیلر
تحصیلدارلر
مفردات کاتبلری
صندوق امینلری
وزنه دار و معتمدی
ولایت ولوا و قضا طایو کاتبلری
زراعت باقعه سی:

زراعت باقعه سی مدیر عمومی و مرکز محاسبه جی ووزنه داریلله شعبه و صندوق مأمور ووزنه دارلری
دیون عمومی و واردات مخصوصه اداره سی:

باش مدیرلر
محاسبه رفیق اولی
اعشار رفیق اولی
تذکره کاتبی
تحریرات کاتبی
اداره کاتبی
اداره تحصیلدارلری
نافعه نظارتی:

تیور یوللر اداره عمومی سی مأمورینی
لیمان قومیسری
ویختیم قومیسری
تیور یول واردات کاتبی
اوقاف نظارتی:

زسئل کرام و انبیاء عظام حضرتلرک با برات تربه دارلق خدمت شریفه سسنده بولنلردن یالکز
بری (الک مسنی ترک اولنه حق)
هر جامع ایچون یدنده براتی بولنلردن یالکز بزرامام بر خطیب برز مؤذن برر قیم ایله براتی اولمیانلردن
بالفعل ایفای خدمت ایتمکده بولنلر بررامام (تعددلری حائنده الک مسنی ترک اولنه حق قدر)
ماده: ۹۳ آئیده تعداد اولسانلر افراد احتیاطیه و مستحقظه دن اولدقلری حالده ماموریشلرینک
دوامی مدتجه یالکز تعلیم ایچون وقوع بوله حق اجتماعلرده سلاح آلتنه آلتقدن مستشارلر:

تیور یولی شرکتلری:
دیرکتورلق و مفتشلک دوائری مأمورینی ایله قلملری کتبه سی
محاسبه و مغازه مأمورین و کتبه سی
حرکت اموری مرکز مأموری
استاسیون مأمور و معاونلری
مقاصیلر
ترن مدیر و معاونلری
غاردوفرلر
جر دائره سی مأمورین و کتبه سی
ما کنیستلر
آتشجیار
صو مأمورلری
فابریقه مستخدمینی
یول مهندسلیکی اداره مرکزیه سی مأمورین و کتبه سی
یول مهندسلری
تعمیرات متادیه و پوسته باشیلری
یول غاردیانلری
[بونلر سفر برلک و قوعنده شمندوفر خدماتنده عسکر اوله رق استخدام اولنورلر]

ماده: ۹۴ بالعموم مأمورین دولتن تعلیم ویا مانوره ایچون جلب ایدیله جکلری حین جلبنده بر قلم
ویا شعبه اداره مستخدمینک نصفندن زیاده سنک سلاح آلتنه آلتسی لازم کلدیکی حالده یالکز نصفی قرعه
ایله جلب اولنور. نصفندن فضله قاچ کشتی قالیسه آنلرک جلبی ایکنجی بر دوریه تعلیق اولنه حق قدر.
ماده: ۹۵ عمومی وخصوصی خسته خانلر و هلال احمر مأمورین و خدمه سیله عسکری فابریقه سی

و مؤسسات اوسته و عملیه و شمندوفر عمله سندن لزوم کوریه جک مقداری ، فرونجیلر ، عثمانلی واپور شرکتلری مأمورین و مستخدمینی و سائر وسائل نقلیه بحریه و بریه اصنافک کوریه جک لزومه کوره عسکرلکترینک تأجیلی ویا عسکرالبسه سیله محللرنده ویاخود مناسب کوریه جک محللرده استخدا ملری حربیه و بحریه نظارتلرینه عائددر .

مکلفینک سیر و سفری

ماده : ۹۶ ولایتلری خارجه سیر و سفر ایده جک بالعموم افراد ذکور اثنای سفرلرنده تذکره عثمانیه لرینی بالعموم مکلفینده تذکره عثمانیه لریه برابر جزؤدانلرینی یانلرنده بولندیرمغه وهر طلب وقوعنده مأمورین انضباطیه ابراز ایتکه مجبوردر .

مأمورین ضابطه خدمت عسکریه سنی ایفا ایتماش یاخود جزؤدانی آلامش ویاخود نفوسه جک مکتوم بولنش اولانلر حقلرنده اولابده یاپیله جق تعلیمات و جهله حرکت ایدرلر .

ماده : ۹۷ مستحفظلردن ماعدا مکلفیت عسکریه داخلنده اولوب قضای خارجه سیر و سفر ایده جک اولانلر کیده جکلری یرلرده اون بش کوندن زیاده اقامتی اختیار ایتدکلری خالده اقامتگاهلرینی ممالک اجنبیهده ایسه اک یقین بولنان دولت علیه شهنیدرلرینه و طرابلس غربده ایسه نائب السلطان و مصرده ایسه دولت علیه قومیسرلکنه و قبریسهده ایسه بیروت ولایتی والیکنه و ممالک سائر عثمانیهده ایسه اخذ عسکر شعبه لرینه و اخذ عسکر تشکیلاتی اولیان محللرده اک بیوک ملکیه مأمورلرینه شفاهاً یاخود مکتوبه بیلدیره جکلردر و اقامتلرینی تبدیل ایتدکجه تکرار بیان معلومات ایده جکلردر .

ماده : ۹۸ نومرو کشیده ایدن افراد سوق تاریخنه قدر اخذ عسکر شعبه سی خارجه کیده مر .

ماده : ۹۹ یانجی افرادک یوقلمه لری ولدی الايجاب سلاح آلتنه جلب و سوقلری خصوصنده اخذ عسکر شعبه رئیس لری کندی شعبه لری افرادی حقنده ایفاسنه مجبور اولدقلری معامله نی عیناً تطبیق و ایفا ایله مکلفدرلر .

اشبو یانجی افرادک سوق مصرفی جهت عسکریه جه تسویه ایدیلور . شهنیدرلر مکلفینک سلاح آلتنه دعوتی تبلیغ و بولنرک مملکتلرینه عودتلری امرنده ممکن الایفا وسائل تسهیلینی ایفا ایده جکلردر .

ماده : ۱۰۰ هر محله و یا قریه ائمه و مختاران محله و قریه لرینه کلش اولان یانجیلری او قریه و محله نك منسوب اولدیغی اخذ عسکر شعبه سنه اخبار ایله مکلفدرلر .

ماده : ۱۰۱ سفر بزرگ زماننده حکومت عسکریه اشبو فصلده موجود اولان احکامدن بشقه تدابیر مقتضیه اتحادینه دخی مأذوندر .

امطام جزاییه

ماده : ۱۰۲ مارت ابتداسنده اون سکنز یاشنی اکال ایتش اولوب او سنه نك تشرین اولی نهایته قدر اشبو قانون موجبجه اسمنی معاینه ابتداییه دفترینه بالذات و یا بالواسطه قید ایتدیرمامش بولنان مکلفلردن بر ربع یوزلک عثمانلی آلتونندن اوچ یوزلک عثمانلی آلتوننه قدر و معاینه انتهاییه قدر قید ایتدیرمامش اولانلردن ایکی قات جزای نقدی آلتور .

جزای نقدی بالذات مکلفدن و اگر ویره جک خالده دکل ایسه پدرندن آلتور .

ماده : ۱۰۳ ترخیص اولنان افراددن اولوبده سکسانجی ماده موجبجه ایکی آی ظرفنده جزؤدانلرینی قید ایتدیرمینلردن بر ربع یوزلک عثمانلی آلتونندن اوچ یوزلک عثمانلی آلتوننه قدر جزای نقدی آلتور .

ماده : ۱۰۴ مکلفیندن اولوبده کیده جکلری یرلرده طقسان یدجی ماده موجبجه اون بش کون ظرفنده اقامتگاهنی بیلدیرمینلردن بر ربع یوزلک عثمانلی آلتونندن درت ربع یوزلک عثمانلی آلتوننه قدر جزای نقدی آلتور . بو صروده وقوع بولان دعوته اجابت ایتدکلری تقدیرده دعوته اجابت ایتیانلر حقنده کی جزا ایله مجازات اولتورلر .

ماده : ۱۰۵ یدلرنده اخذ عسکر جزؤدانی اولیان مکلفینی هر نوع رسمی خدمته قبول ایدنلردن بر یوزلک عثمانلی آلتونندن اون بش یوزلک عثمانلی آلتوننه و هر نوع خصوصی خدمته قبول ایلنلردن یازم یوزلک عثمانلی آلتونندن بش یوزلک عثمانلی آلتوننه قدر جزای نقدی آلتور .

ماده : ۱۰۶ هر هانکی بر مکلف معاینه ابتداییه دفترینه اسمنی قید ایتدیرمه مکله برابر معاینه انتهاییهده دخی اخذ عسکر مجلسنه کلز و یا معذرت قانونیه سنی اخبار ایتزسه اوتوز بش یاشنی اکال ایدنجیه قدر اله کچدیکی تاریخدن اعتباراً هم سنلری دفترنده کی قیدینه اشارت و جزؤدانی اعطا اوله رق اخذ عسکر مجلسنه و مجلس مذکور حال اجتماعده دکل ایسه مجلس اداره جه بلا قرعه عسکر ایدیلور .

بو کبیلر اوچ سنه انشات خدماتنده بولندیرلدقن صکره ایکی سنهده بر قطعهده استخدام اولنورلر . شو قدرکه اوچنجی سنه نی اکال ایتزدن اول افراد جدیدنك سوقی زمانی حلول ایتدیکی خالده انشات مدتک اکالنه باقلمیه رق افراد جدیده ایله قطعانه سوق اولنورلر .

بعدالاستخدام هم سنلرینک بولندیغی صنف عسکریه نقل اولنورلر .

بولنردن احوال بدنیه لری حسبیه خدمت عسکریه یه غیر مقتدر اولدقلری اخذ عسکر مجلسی ویا هیئت تفتیشیه طباسنجه و بولنر اکال وظیفه ایتش اولدقلری تقدیرده فرقه لری هیئت صحیه سنجه تصدیق ایدلش اولانلر محلی مجلس اداره سنجه ثروتلرینه کوره بش یوزلک عثمانلی آلتونندن یوز یوزلک عثمانلی

التوننه قدر تعیین ایدیه جک جزای نقدی ایله برابر یکریمی سنه مدله ویرکوی عسکریمی تابع طوتلق اوزره مکلفیت عسکریمه دن اخراج اولنورلر .

اوتوز بش یاشندن صکره اله کچنلر خدمت عسکریمه مقتدر اولسولر بینه سلاح آلتنه آلتیوب یالکز بش سنه انشآت خدماتنده استخدام اولنورلر و بونلر مکلفیت عسکریمه لرینک مدت باقیه سی ایچون ویرکوی عسکریمی تابع طوتیلورلر .

ماده : ۱۰۷ یکریمی یاشنی اکمال ایتدکری حالده اسملرینی نفوس دفترینه قید ایتدیرمامش اولانلرک مجالس اداره ده تقدیر ایدیه جک سنلرینه کوره هم سنلری دفترینه قیدلری اجرا و جزؤدانلری اعطا اولندقدن صکره حقلرنده یوز التنجی ماده موجبجه معامله اولنور .

ماده : ۱۰۸ خدمت عسکریمه دن قسماً و یا کاملاً قورتلق قصدیه عضوی سقط ایدن و یاخود ایتدیرنلر حقنده قانون جزای عسکریمه معین احکام بشقه جه تطبیق ایدلمک اوزره یوز التنجی ماده موجبجه معامله اولنور .

ماده : ۱۰۹ معاینه ابتدایه دفترینه اسمنی قید ایتدیردیکی حالده معاینه انتهایه ده اثبات وجود ایتیلردن یاخود یکریمی التنجی ماده موجبجه اصولی وجهله معذرتی مین مصدق علم و خبر و یا شهادتنامه کوندیرمینلردن ارقداشلرینک سوجه قدر دخالت ایدن و یا اله کچنلر بلاقرعه عسکر ایدیلرک هم سنلریله جلب و سوق ایدیلورلر و کندیلرندن بر یوزلک عثمانلی آلتونندن بش یوزلک عثمانلی آلتوننه قدر جزای نقدی آلتور . بومیانده خدمت عسکریمه غیر مقتدر ظهور ایدنلردن یالکز جزای نقدی آلتورق ویرکوی عسکریمی تابع طوتیلورلر . ارقداشلرینک سوقندن صکره هر نه صورتله اولورسه اولسون اله کچنلر حقنده یوز التنجی ماده موجبجه معامله اولنور .

ماده : ۱۱۰ قرعه سی کشیده اولنه رق و یا بلاقرعه عسکر اولمش بولنان بر مکلف ارقداشلرینک حین سوقنده وقوع بولان دعوت قانونیه اوزرینه کز و بوده التمش دردنجی ماده موجبجه معذرت قانونیه مستند اولمازسه و یا اثنای سوقنده فرار ایدر ایسه برآی ظرفنده کلنلر و یا دردست اولنانلر قطعه لرینجه انضباط جزالریله مجازات اولنورلر .

اوج آی ظرفنده کرک کندیلری کلسون کرک دردست ایدیلرک سوق ایدلسون یرتسی سنه افراد جدیدنک سوجه قدر انشآت خدماتنده استخدام اولندقدن صکره حلقه کوره خدمت فعلیه عسکریمه لری تماماً ایفا ایتدیریلور .

اوج آیدن فضله اجابت ایتیانلر اله کچدکارنده یوز التنجی ماده موجبجه معامله اولنور . افراد مأذونه دن اولوبده سلاح آلتنه دعوت ایدیلنلردن بلا معذرت اجابت ایتیانلر برآی ظرفنده کلیر و یا طوتیلورسه قطعه سنجه انضباط جزاسیله مجازات اولنور .

بر آیدن فضله کلیانلراله کچدکارنده و یا دخالت ایتدکارنده ارقداشلری قدر قطعات نظامیه ده بعدالاستخدام مدت خدمتک بر مثلی ده انشآت خدمتنده قولانیلیرلر .

ماده : ۱۱۱ بر مکلف معاینه انتهایه ده یرینه بر بشقه سنی سوق ایدر یاخود قرعه کشیده سندن صکره خدمت عسکریمه سی ایفا ایچون یرینه بر بشقه سنی کوندیرر و یا معاملات عسکریمه سنیده ساخته شهادتنامه و اوراق استعمال ایدرسه و یاخود عسکرلکدن قسماً و یا تماماً قورتلق مقصدیه هر نه صورتله اولورسه اولسون حیل و دسایس استعمال ایدرسه حقنده یوز التنجی ماده موجبجه معامله اولنور . اشبو افعاده کرک مکلف کرک معین و یا شریکری حقنده قانوناً لازم کن احکام جزائی بشقه جه تطبیق اولنور .

ماده : ۱۱۲ اخذ عسکره متعلق دفترلره مغایر حقیقت بر شی درج ایدلمش اولدینی حالده نظر اولنور ؛ اهمال وعدم اعتنادن منبعث ایسه فاعلندن بر یوزلک عثمانلی آلتونندن بش یوزلک عثمانلی آلتوننه قدر جزای نقدی آلتور . قصده مقرون ایسه ساخته کارلق عد اولنه رق فاعل و یا مشارکری حقنده تعقیبات قانونیه ایفا اولنور .

ماده : ۱۱۳ مکلفین حقنده مغایر حقیقت اوله رق اخبارات و بیاناتده بولنانلر و وثائق اعطا ایدنلر قانوناً ترتب ایدن جزا ایله مجازات اولنورلر .

ماده : ۱۱۴ آلتمش ایکنجی ماده ده کی جدول قیدی لازم کن افراددن برینک اسمنی قید ایتیان مأمورین عسکریمه عسکریمی جزا قانوننامه سی موجبجه مجازات اولنور .

ماده : ۱۱۵ اثنای سیر و سفرد طقسان التنجی ماده موجبجه تذکره عثمانیه سنی و مستحفظلردن غیری مکلفین عسکریمه دن اولوبده ماده مذکوره موجبجه تذکره عثمانیه سیله جزؤداتی ابراز ایده مینلر مأمورین انضباطیه طرفندن دردست ایدیلرک حکومت محلیه تسلیم اولنورلر .

بو کیلردن اشبو قانونک مواد سائره سی موجبجه ده اغر جزای موجب فعلی موجود اولمیانلر بر ربع یوزلک عثمانلی آلتونندن اوج یوزلک عثمانلی آلتوننه قدر جزای نقدی و یاخود یکریمی درت ساعتدن بر آیه قدر حبس جزاسیله مجازات اولنورلر و مکلفیندن اولانلر حکومت محلیه معرفتیه دردست اولدینی محاکم اخذ عسکر شعبه سنه تسلیم ایدیلور .

ماده : ۱۱۶ اشبو فصلده تعیین اولنان افعالندن حبس و قلعه بندلک و کورک جزالریله یوز التنجی ماده ده محرر جزای نقدی و ماده سابقه ده محرر جزای مستلزم افعال صلاحیتلرینه کوره محاکم عسکریمه و یا عمومیه جزائییه ده و بونلردن ماعداسی اخذ عسکر مجلسلرنده و بو مجلسلر منعقد اولدقلری حالده مجلس اداره ده محاکمه اولنور .

ماده : ۱۱۷ اخذ عسکر مجلسلریله مجالس اداره جه حکم اولنه جق جزای تقدیلرک اعطاسندن امتناع وقوعنده جزای نقدی حبسه تحویل ایدلمک اوزره مجالس اداره جه تنظیم اولنه جق مضبطه محلی الک بیوک ملکیه مأمورلرینک اشارت تحریریه سیله لاجل التنفید عدلیه مدعی عمومیه تودیع اولنور .

بذل نقدی

ماده : ۱۱۸ خدمت فعلیه عسکریه به مقابل بدل نقدی الی عدد یوزلک عثمانی التونیدر .
 ماده : ۱۱۹ مکلف ویا نامه آخری طرفندن ویریهلک اشبو بدل نقدی ممالک عثمانیه داخلنده مال صندوقلرنجه ومصدده قومیسرلک وطرابلس غریبه نائب السلطان وممالک اجنبیهده سفارت وشهیندرلکک طرفلرندن مقبوض مقابلی اخذ وقبول اولنور .

ماده : ۱۲۰ یوز اونجی مادهده محرر اولوب ارقداشلرینک حین سوقنده وقوع بولان دعوتیه اجابت ایتیان ویا اثنای سوقنده فرار ایدن مکلفیندن برآیدن صکره اله کچنلر ایله یوز آلتنجی ماده وجهله معامله کوره جککردن بدل نقدی قبول اولنماز بناء علیه بدل قبولی مکلفینک ماده مذکوره موجبجه بدلرینک قبولی مانع بر حاللری اولمدیغنه دائر اخذ عسکر شعبه لرندن وثائق استحصال و ابراز ایتلریله مشروطدر .

ماده : ۱۲۱ بدل نقدی اعطا ایتدکلرینه دهر مقبوض اراه ایدن ویا خود بدلتک تسویه اولندیغی رسماً اشعار اولنان مکلفین بولندیغی محله الیقین برپاده قطعه سنده آلتی آی بعدالالتخدام هم سنلریله صنف احتیاطه نقل ایدلک و سلاح آلتی مدتنده قول اردوسنک عمومی سفر برلکی اولمدیجه تکرار جلب ایدلامک اوزره آلتی ایک ختسامی کونی بلا استیذان ترخیص ایدیلورلر . بوکیلر مدت مأذونیتلری ظرفنده قول اردوسنک عمومی سفر برلک اجتماعندن غیری هیچ بر سبب وصورته سلاح آلتیه آلتماز .

ماده : ۱۲۲ سفر برلک اعلانی تاریخندن اعتباراً حال حضری عودت ایدنجهیه قدر بدل نقدی قبول اولنماز .

ماده : ۱۲۳ قطعاتده مستخدم افراددن بدل نقدی ویره جککریساده ونقلیه واستحکام وژاندارمه صنفلرینه منسوب ايسه لرتاریخ دخوللرندن اعتباراً آلتی ماه مدتی اکلارنده ترخیص اولنور . صنوف سائره بریهیه منسوب اولوبده خدمت عسکریه لری برسنهیه بالغ اولیانلر الیقین پیاده قطعه سنده نقل ایله آبروجه آلتی ماه تعلیم کوسترلکدن وصنوف بحریه منسوبیتندن اولوبده اوچ سنه خدمتدن اول بدل ویرنلر کذلک آبروجه آلتی ماه پیاده قطعه سنده تعلیم ایتدیرلکدن صکره سنلرینه کوره افراد مأذونه ویا احتیاطیه میاننه نقل ایتدیریلورلر . خدمات متفرقهده و مأذونیت وتبدیل هوا وفرار و موقوفیتده کجه جک مدت خدمت تعلیمه دن عد اولنماز .

ماده : ۱۲۴ افراد احتیاطیه ومستحفظه دن بدل نقدی قبول اولنماز .

ماده : ۱۲۵ بدل نقدی اعطا ایدنلر مأموریندن ايسه لر مدت تعلیمه لری دوامجه مأذون عد اولنورلر .

ماده : ۱۲۶ سلاح آلتنده مستخدم اولانلرک غیری مکلفیندن کرک ممالک عثمانیه وکرک ممالک اجنبیهده بولنوبده بدل نقدی ویرنلرک تعلیملری تشرین اول ظرفنده باشلاز . بولنلردن آرزو ایدنلرک ایرتسی سنه

عین زمانده کلک اوزره خدمت تعلیمه لری تأجیل اولنور . ایرتسی سنه تشرین اولی ظرفنده بلا معذرت اجابت ایتیانلرک مدت تعلیمه لری تضعیف اولنور . ایکی سنه کچنجهیه قدر بلا معذرت تعلیمه کچیانلر تام ایکی سنه خدمت فعلیه ایله مکلف طوتیلورلر و بدل نقدیلری اعاده ایدلر .

ماده : ۱۲۷ بروجه آتی احوالک تحقیقنده بدل نقدی اعطا ایدن مکلفینک بدل نقدیلری اعاده اولنور :

۱ - سلاح آلتنده ویا تبدیل هواده ایکن وفات ایتک و یا سلک عسکریدن اخراجی مستلزم معلولیت کسب ایلک ؛

۲ - تعلیملری اجرا ایتکده بولسانلردن مدت معینه تعلیمه لری ختام بولدیغی حالده بعض اسباب مجبره طولایسیله ترخیص ایدیه مکه (بوکیلرک سلاح آلتی مدتی اکل ایتدیریلور) ؛

۳ - بدل ویروبده تعلیملری ایرتسی سنهیه تعلیق ایدیلنلردن بدلرینک تاریخ اعطاسندن اعتباراً آلتی ماه مرور ایتکسزین وفات ایتش اولمق ویا سلک عسکریدن اخراجی مستلزم معلولیتی تین ایش بولمق ؛

۴ - بدل نقدینک تاریخ اعطاسندن اعتباراً آلتی ماه مرور ایتکسزین بر سفرلک اعلانندن طولانی سلاح آلتیه آلتق (بوکیلرک سلاح آلتی مدتی اکل ایتدیریلور) .

ماده : ۱۲۸ بدلتک اعاده سی کیفیتی مکلفین ویا وارنلری طرفندن وقوع بوله جق طلب واستدعا اوزرینه قول اردو مرتباتی ایچون برآی ومرتبات خارجهه ایچون اوچ آی ظرفنده بالتدقیق قول اردوسنجه جهت مالییه تبلیغ وتاریخ تبلیغدن اعتباراً دخی بر ماه ظرفنده اکل اولنور .

ماده : ۱۲۹ بدل نقدی اعطا ایدنلردن اخذ عسکر معاملاتجه منسوب اولدیغی قول اردو منطقه سنده تعلیم کورنلرک مملکتلرینه عودتی مصارفی کندیلرینه وقول اردوسی منطقه سی خارجهده تعلیم کورنلرک جهت عسکریه عاؤدر .

ماده : ۱۳۰ بدل نقدی اعطا ایدنلره تعلیملری مدتجه معاش وتعیین والبسه ویریلور .

ماده : ۱۳۱ سلاح آلتندن فرار ایدن افراددن بدل نقدی قبول اولنماز ، ویرلش ايسه اعاده اولنور .

ماده : ۱۳۲ سلاحسز خدماتده مستخدم اولانلردن ویا خود سلاحسز خدماته تفریق ایدیلنلردن بدل نقدی ویره جککک خدمت تعلیمه لری سلاحسز خدماتده ایفا ایتدیریلور .

مواد متفرقه

ماده : ۱۳۳ مجالس ادارهده اشبو قانون موجبجه ایفا ایدیه جک معاملات ایتساننده اخذ عسکر شعبه رئیس مجلس اداره نک اعضای طبعیه سندنر .

ماده : ۱۳۴ يكړمى برياشنه وصولدن اول تحت سلاحه آلانلر ترخيصلرنده هم سنلريله برابر معامله كورمك و ويركوى عسكرى به تابع اولماق اوزره مآزون عد ايديلورلر .

ماده : ۱۳۵ اول و آخر كلش و كله جك بالعموم مهاجرين تاريخ هجرتلرندن اعتباراً آلتى سنه صكره سنلرينه كوره معامله عسكرى به تابع طوتيلورلر .

عشاير سياره دن اسكان اولنانلر خدمت عسكرى دن معافدرلر .

ماده : ۱۳۶ تبعه دولت عليه دن برقادين تبعه ايرانيه دن بريله تزوج ايتش ايسه بومثلولردن متولد اولانلر خدمت عسكرى ايله مكلفدرلر .

ماده : ۱۳۷ بر كيمسه نك معاملات عسكرى ده متأهل عد ايدلمسى مسلملرده عقدك ، غير مسلملرده بالعموم ازدواج ميراسمنك اجراسيله و معاينه انتهايه ده زوج ايله زوجنه ك بر خانه ده بولملىله مشروطدر .

ماده : ۱۳۸ اوچ و يا دها زياده اوغلى اولوبده بولردن ايكيى خدمت فعليه عسكرى ده وفات ايتش اولان بر پدرك و يا طول والده نك داخل اسنان اولان اوچنجى و متباقى اوغللارى خدمت مقصوده به تابعدر . بو خصوصه تبديل هواده وفات ايتش اولانلر خدمت فعليه عسكرى ده وفات ايتش عد اولتورلر .

ماده : ۱۳۹ تبديل هوا ايچون كوندريلوب اعاده عافيت ايدرك قطع سنه عودت ايدنلر ك تبديل هوا مدتدن يالكنز بر سنه سى خدمت فعليه عسكرى عد ايديلور .

ماده : ۱۴۰ معاينه ابتدايه دن صكره تصحيح سن معاملات عسكرى ده معتبر دكلدر . قيدلريله شخصلرى متناسب اولمىانلر ك تصحيح سنه اخذ عسكر مجلسلرى صلاحيتداردر .

ماده : ۱۴۱ ملل غير مسامه دن خدمت فعليه عسكرى سنى ايضا ايتيانلر ك صفت روحانيه سى عسكر لكجه نظر اعتباره آلتماز .

ماده : ۱۴۲ طلبة علومك ايلك درت سنه لك امتحانلرى ايچون مدارس علميه نظامنامه سى موجبجه تشكىل ايدى جك امتحان مجلسلرنده فرقه قوماندانلرنجه تعيين ايديله جك ميخ دخی حاضر بولنور .

ماده : ۱۴۳ بر كيمسه نك طلبة علومدن اوله بيلمسى مدارس علميه نظامنامه سى احكامنه تابع بولمسنه مشروطدر .

مواد موقه

ماده : ۱۴۴ اشبو قانون اوچيوز اوتوز بر سنه سى مارتنه دكين حربيه نظارتجه قسم قسم موقع تطبيقه وضع اولنقى اوزره تاريخ نشرندن اعتباراً مرعيدر .

انحق قانونك تاريخ نشرندن مقدم بدل نقدى ويرنلر ك قانون سابقه كى حقوقى باقيدر . بقايا اولوب اشبو قانونك تاريخ نشرنده سلاح آلتنده بولنان افراد نظاميه حقنده قانون سابق موجبجه معامله اولنور .

شو قدركه خدمت زجرى ده بش سنه سى اكال ايدنلر ترخيص اولنورلر .

ماده : ۱۴۵ اشبو قانونك تاريخ نشرندن مقدم بدل نقدى ويرنلر دن ماعدا بالعموم مكلفين يكړمى ياشنى اكال ايتدكلرى سنه سى تعقيب ايدن مارتدن بالحساب بوقانونده محرر خدمت عسكرى مدتك تقسياننه كوره صنف وسنلره نقل ايديله جكلدر . سلاح آلتنده بولنانلر ك معامله نقليه سى بعدالترخيص اجرا اولنور .

ماده : ۱۴۶ من القديم خدمت عسكرى دن مستثنا اولان و يا هر نه سبه مبنى اولورسه اولسون نائل معافيت اولمش بولنان اهالى مسلمله ايله عناصر مختلفه عثمانيه دن بيك ايكييوز طقسنان طقوز و آندن صكره كى سنلر تولدليلرى اشبو قانونك تاريخ نشر و اعلانندن اعتباراً هم سنلرينك بولندقلرى صنفلره قيد ايديلورلر و بولردن بدنا خدمت عسكرى به مقتدر اولدقلرى بالمعاينه تبين ايدنلر ايله بيك ايكييوز طقسنان طقوز سنه سندن اول تولد ايتش بولنانلر قرق ياشنى اكاللرينه قدر ايتش ايكنجى ماده موجبجه ويركوى عسكرى به تابع طوتيلورلر .

ماده : ۱۴۷ اوچيوز اوچ ، اوچيوز درت ، اوچيوز بش ، اوچيوز آلتى ، اوچيوز يدى ، اوچيوز سكر ، اوچيوز طقوز تولدى مكلفيندن اولوبده هر نه سبه مبنى اولورسه اولسون خدمت عسكرى لرى بدلا و يا بدنا ايضا ايتدريلامش اولانلر شرائط آتيني حائر اولدقلرى تقديرده معينى و يا معينسز اولدقلرينه باقلمقسزين برر سنه مدته سلاح آلتنه آلتنه جكلدر :

۱ — دارالفنون ، مدرسة القضاة ، مدرسة الواعظين وقاداسترو مكنتى ، دارالمعلمين عاليه قسمى وماليه مكنتى وديكر مكاتب عاليه رسميه و خصوصيه واجنبه وممالك سائر مكاتب عاليه سنده اكال تحصيل ايتش اولانلر ؛

۲ — مكاتب سلطانيه و يدى سنه لك مكاتب اعداديه رسميه ايله بودرجه ده كى خصوصى واجنبى مكنتلرندن شهادتنامه المش اولانلر ايله صوك ايكي صنفلرنده تحصيلده بولنقى طولاييسيله تأجيل ايدنلر ؛

۳ — طلبة علومدن اخذ عسكر قانون سابق موجبجه التنجى سنه امتحاننى ويرمش اولانلر ؛

۴ — برنجى فقره ده محرر مكاتب عاليه رسميه ايله خصوصيه واجنبه ده اشبو قانونك نشرنده تحصيلده بولنانلر ؛

۵ — طلبة علومدن هنوز التنجى سنه امتحاننى ويرمامش اولانلر مدارس علميه نظامنامه سى موجبجه مذكور امتحانلرينى اعطالرينى متعاقب .

بولنردن بر ، ايكي ، اوچنجى فقره ده محرر اولانلر ك ذكر اولنان برسنه خدمتلى اوچيوز اوتوز سنه سى ايلولنده ، دردنجى ، بشنجى فقره ده محرر اولانلر ك اكال تحصيللرينى ويا مدارس علميه نظامنامه سى وجهله التنجى سنه امتحانلرينك اعطاسنى متعاقب ايضا ايتدريله جكلدر . طلبة مذكورده دن مكنتجه قيدلرى ترقين ايدنلرله مدت معينه ظرفنده التنجى سنه امتحاننى ويرمامش اولانلر ايكي سنه مدته سلاح آلتنه آلتنه جكلدر .

بوصورتله سلاح آلتنه جقاردن برقم ويا شعبه اداريه مأموريتندن اولانلر ايكي نفر ايسه ايجلاردن قرعه ايله بریسی وایکیدن فضله وجفت ايسلر مجموعتك وتك ايسلر بردن ماعداسنك نصفی آلتور. دیگرلرینك جایی سنه آتییه تأخیر اولنور.

ماده: ۱۴۸ ماده سابقه موجبجه سلاح آلتنه جق اولانلردن مأموربولنلر عسکرلکری مدتجه مآذون عد ایدیلورلر و معاشلرینك وکیللرینه ویريله جك مقدارندن ماعداسی عائله لرینه واولدیني حالد کندیلرینه اعطا اولنور.

ماده: ۱۴۹ بوصورتله سلاح آلتنه جق مکلفیندن مکاتبده معلملکه استخدام اولنلر استقام ایدیلورلر.

ماده: ۱۵۰ مواد سابقه موجبجه تحت سلاحه آلتنه جق مکلفین نوع تحصیللرینه و قابلیت بدنیه لرینه نظراً صنوف مختلفه عسکریه به تقریق اولنه جق وضابطلکه مخصوص اوصاف وشرائطی حائز بولنلر احتیاط ضابطانی قانوننامه سی احکامنه توقیفاً احتیاط ضابطلکی سلکنه ادخال اولنه جق و اوصاف مذکوره بی حائز اوله میانلر درجه قابلیتلرینه کوره احتیاط کوچك ضابطی نصب اولنه بیله جکلردر.

ماده: ۱۵۱ یوز قرق یدنجی ماده ده کی اوصافی حائز اولانلر ماده مذکوره وجهله هانکی سنه سلاح آلتنه آلتلری ایجاب ایدیلورسه سنه مرقومه ایلوی نهایتنه قدر منسوب اولدقلری اخذ عسکر شعبه مرکزنده اثبات وجود ایتمه مجبوردرلر. اثبات وجود ایده میسه جك درجه ده خسته اولانلردن مصرده قومیسرلکجه، طرابلس غربده نائب السلطانجه و سائر ممالک عثمانیه ده بولندقلری محلك اخذ عسکر شعبه لرینجه، ممالک اجنبیه ده ايسلر سفارت ویا شهیندرلک لرینجه مصدق و نائقی کوندره جکلردر. سلاح آلتنه آلتلری لازم کلن سنه ایلوی نهایتنه قدر اثبات وجود ایتیمانلر ویا و نائقی مذکورین کوندر میانلر احتیاط ضابطلکی حقندن ساقط اوله جقلر ومدت معینه دن اعتباراً و بلا معذرت ایکی سنه ظرفنده اثبات وجود ایتیمانلر ایکی سنه نفرلکه استخدام ایدیلورلر.

مواد التمهائیه

ماده: ۱۵۲ اشبو قانون احکامنه مخالف بولنان بالجمله قوانین و نظامات و اوامر ملغادر.

ماده: ۱۵۳ اشبو قانونك اجرای احکامنه هیئت وکلا مأموردر.

مجلس عمومینك اجتماعنده قانونیتی تکلیف اولمق اوزره اشبو لایحه قانونیه نك موقع مرعیه وضعی و قوانین دولته علاوه سنی اراده ایلدم.

۱۶ جمادی الاخره ۱۳۳۲ ۲۹ نيسان ۱۳۳۰

مجلس

بحریه ناظری	عبدیه ناظری	حریه ناظری	شیخ الاسلام و اوقاف و ایون ناظری	صدراعظم و خارجه ناظری
احمد جمال	ابراهیم	انور	خیری	محمد سعید
معارف ناظری	تجارت و زراعت ناظری	نافعه ناظری	شورای دولت رئیس	مالیه ناظری و داخلیه ناظری و کبلی
احمد شکری	سلیمان البستانی	جمود	خلیل	جاوید
		پوسته و تلفون ناظری		

۱۹ رجب ۱۳۳۱ تاریخی حکام و مأمورین عدلیه انتخاب نظامنامه سنك بعض موادیني

معدل نظامنامه

ماده: ۹ مرتبه اولی مأموریتلری ترفیع صره سیله شونلردر:

۱ — موظف ملازمت؛

۲ — دردنچی صنف ضبط کتابتی؛

۳ — اوچنجی صنف ضبط کتابتی، قضا بدایت محکمه سی باش کتابتی؛

۴ — ایکنجی صنف ضبط کتابتی، لوا اجرا مأموریتی، لوا و ولایت مرکز بدایت محکمه سی باش کتابتی؛

۵ — برنجی صنف ضبط کتابتی، ولایت اجرا مأموریتی، ولایت استیناف باش کتابتی؛

۶ — اوچنجی صنف میزلك، ایکنجی صنف میزلك، برنجی صنف میزلك؛

۷ — باش میزلك.

ماده: ۱۷ مرتبه ثانیه اعتبار اولسان مأموریتلر ترفیع صره سیله طقور درجه اوله رق شونلردر:

۱ — الویه و ولایات بدایت اعضا ملازملکی، قضا و لوا مستطقلنی، طشره محاکم استینافیه سی اعضا ملازملکی، لوا بدایت محکمه سی اعضائی، اوچنجی صنف حاکم معاونلکی، مرکز ولایت سرمستطقلنی، قضا مدعی عمومیلکی، قضا بدایت محکمه سی ریاستی، ایکنجی صنف حاکم معاونلکی؛

۲ — برنجی صنف حاکم معاونلکی، ولایت استیناف مدعی عمومی معاونلکی، استانبول بدایت محکمه سی مدعی عمومی معاونلکی، استانبول بدایت محکمه سی اعضا ملازملکی، لوا بدایت مدعی عمومیلکی، اوچنجی صنف صلح حاکملکی، لوا بدایت محکمه سی ریاستی؛

۳ — استانبول بدایت مدعی عمومیلکری باش معاونلکی، استانبول استیناف مدعی عمومی معاونلکی، استانبول استیناف محکمه سی اعضا ملازملکی، ولایات استیناف اعضائی، استانبول استیناف مدعی عمومیلکی باش معاونلکی، باش مدعی عمومیلک معاونلکی، ایکنجی صنف صلح حاکملکی، ولایت تجارت و حقوق ریاستلری «اشبو نظامنامه نك تعیین ایتدیکی صورتده تطبیقات کورن ویا مسلك عدلیدن یتیشن عدلیه مفتش معاونلری بو درجه مأموریتدن معدوددر»؛

۴ — استانبول بدایت محکمه سی اعضائی، برنجی صنف صلح حاکملکی؛

۵ — ولایات استیناف مدعی عمومیلکی، استانبول استیناف اعضائی، استانبول بدایت محاکمی مدعی عمومیلکری، استانبول بدایت ریاست ثانیه سی، باش مدعی عمومیلک باش معاونلکی، ولایات

استیناف محکمه سی ریاستی ، استانبول بدایت ریاست اولاسی ، مفتشله دوائر نظارت برنجی صنف مدیرلری بو درجه ده عد اولنور ؛

۶ — استانبول استیناف مدعی عمومیلکی ، استانبول استیناف ریاست ثانیه سی ؛

۷ — تمیز اعضائی ، محکمه استیناف ریاست اولاسی ؛

۸ — محکمه تمیز ریاست ثانیه سی ؛

۹ — باش مدعی عمومیلک ، محکمه تمیز ریاست اولاسی ؛

ماده : ۱۸ محکمه تمیز رئیس اولی و باش مدعی عمومی ایله محکمه تمیز رئیس ثانیلری و استیناف رئیس اولی طوغریدن طوغریه ناظر طرفندن بالانتخاب تصدیق عالی به عرض اولنور . محکمه تمیز اعضائی ایچون باش مدعی عمومی داخل اولدینی حالدده محکمه تمیز هیئت عمومی سه سجه نامزدلر حقه مداوله افکاری متعاقب رأی خفی و هیئت مجموعه نك اکثریت ثلثان آراسی ایله لاقول بش سنه وظیفه حاکمیتی ایفا ایتیش متانت اخلاقیه ایله مشهر ، علوم حقوقیه ده اختصاص تام اصحابندن اوچ ذات نامزد اولوق اوزره اراؤه اولنور ؛ ناظر بونلردن برینی منحل اعضالغه عرض ایدر .

ماده : ۱۹ ماده سابقه ده محرر اولانلرک غیری مرتبه ثانیه مأمورلری یکریمی برنجی و یکریمی ایکنجی ماده لرده محرر شرائطه موافق اوله رق انجمن تفریق جانبندن تنظیم و انجمن تدقیق طرفندن تصدیق اولنان جدولره نظراً نظارتجه بالانتخاب مأموریتلری عرض اولنور .

ماده : ۲۱ انجمن تفریق ، لاقول درت آیده بر اجتماع ایدره ک اون طقوزنجی ماده ده محرر اولدینی وجه ایله تفریقی انجمن مذکوره عائد اولان مرتبه ثانیه مأموریتلری ایچون یکریمی یدنجی ماده ده بیان اولنان اوصافی حائر ذواتی استحقاق صره سی و یکریمی سکزنجی ماده ده مصرح مرتبه اولی مستخدمینیه ده ترجمه حاللری وعدلیه مفتشلرینک تفتیشاتی نتیجه لری اوزرینه قدم و اهلیت و اقدام و رویتلری اعتباریه تفریق ایدیلره ک ایضاحات لازمه یی حاوی وزیرى انجمن تفریق هیئتک امضاسنی محتوی بر جدول تنظیم و نظارته تقدیم ایدر .

ماده : ۲۲ انجمن تفریق ، اون سکزنجی ماده ده محرر اولانلردن ماعدا مرتبه ثانیه مأمورلرینک دخی هر دوت آیده بر ترجمه حاللریه عدلیه مفتشلرینک نتائج تفتیشاتی و محکمه تمیزدن هر آی نهایتده تصدیق ویا نقض اولنان اعلانات و مقرراتک صدور ایتدیکی محاکم و دوائر کوسترر صورتده کوندریلان جدول مندرجاتی اوزرینه ایفای تدقیقات و نقضی مستلزم معامله یی یا پمش اولانلر حقه ده مدعی عمومیلکر ایله بالخابره استحصال معلومات ایدره ک حاصل اولان نتائج تدقیقیه کوره شایان ترفیع کوردیکی مأمورلرک بر جدولی تفصیلات لازمه و اسباب موجب صریحه سیله تنظیم ایدره ک کذلک نظارته تقدیم ایدر .

ماده : ۲۳ انجمن تدقیق ، تمیز رئیس اولی و باش مدعی عمومی و محکمه تمیز رؤسای ایله مستشار و استیناف رئیس اولی و محکمه تمیز دوائرلرک آنه جق برر اعضادن متشکلدر .

ماده : ۲۴ انجمن تدقیق ، نظارتدن تودیع اولنان جدولده تعیین اولنان صره نك و درمیان ایدیلان ملاحظاتک اصابت و عدم اصابتی لدی الحاجه سجلات و اوراق اساسیه مراجعت صورتیه بالتدقیق موافق اصول اولانلرک تصدیقه و شایان اعتراض کوردکلرینک اسباب موجب بیانیله اعاده سنه لزوم کوسترر .

ماده : ۲۵ انجمن تدقیق ، هیئت تفتیشیه تقریرلری ایله حواله اولنان اوراق تحقیقه اوزرینه بر مأمورک جواز و عدم جواز استخدامی حقه مقرررات اتخاذ ایلر .

ماده : ۲۷ مرتبه ثانیه مأموریتک ایلک درجه سنه نائلیت ایچون شروط آتیه نك تحقیق لازمدر :

۱ — تابعیت عثمانیه ؛

۲ — یکریمی یاشنی اکمال ؛

۳ — مکتب حقوق ویا مکتب قضاتدن اعلى و على الاعلى درجه ده مأذونیت ؛

۴ — مسلک قبول شهادتنامه سنک احرازیه تطبیقات ایچون معین مدتک اکمالی ؛

۵ — حسن حال ؛

۶ — جنایت و على الاطلاق حبس جزاسیله محکوم اولماق ؛

۷ — تام الصحه بولمق .

ماده : ۲۸ مکتب حقوق ویا قضاتدن على الاعلى و اعلى درجه ده مأذون اولوبده اوچ و قریب اعلى درجه ده مأذون اولوبده بش سنه مدت محاکم ویا مدعی عمومیلکر کتابتی حسن ایفا ایدنلر و مکتب مذکوره دن مأذون اولقسزین درت سنه مدت ولایات استیناف محاکمی باش کتابتیه استانبول محاکمی و مدعی عمومیلکری برنجی صنف کتابتیه بولنهرق یکریمی طقوزنجی ماده ده محرر هیئت حضورنده بالامتحان مرتبه ثانیه به حکم اقتدارینی اثبات ایلینلر ماده سابقه ده محرر اهلیتی حائر عد اولنور .

۲۹ نجی ماده نك برنجی فقره سی : مکتب حقوق ویا قضاتدن مجرد مأذونیت مرتبه ثانیه مأموریتیه انتخاب ایچون بر حق بخش ایتز .

۳۰ نجی ماده نك برنجی فقره سی : مکتب حقوق ویا قضاتدن اعلى و على الاعلى درجه لرده شهادتنامه استحصال ایتدکدنصکره دولتک مراقبه سننده تحت مؤسسات حقوقیه اجنیه ده آریجه تحصیل ایتیش و بولندقلری محیط محاکمه مدت معینه ظرفنده فعلاً تطبیقاته موافق اوله رق عودت ایلش اولانلر مرتبه ثانیه نك اوچنجی درجه سنه داخل مأموریتلره تعیین اولنه بیلورلر .

ماده : ۳۲ اولجه سلك حکامده بولنش اولان میزلرک میزلکده کپردکلری مدت ترفیع ایچون نظر اعتباره آلیر .

ماده: ۳۳ نقل مأموریت استدعاسنده بولنانلرك بجایشلری و یا خود عین درجده دیگر محلله تعیین و تحویلری و جواز استخدام فراری استحصال ایدنلرك كذلك عین درجده مأموریته تعیینری نظارتجه اجرا اولنور.

ماده: ۳۴ دوائر تمیزیه ایکنجی میزلیله مدیریتر اقلامی باش میزلی و استنبول استیناف و بدایت محکمه لری میزلی و مدیریتر اقلامک مکتب حقوق و یا قضاتدن مأذون ایکنجی و اوچنجی صنف میزلیله مأذونیت مذکوریهی حائر دوائر اجرایهی باش معاونلری و یکر می طقوزنجی ماده حکمنه توفیقاً بالامتحان اهلیتی مصدق مرکز دوائر و محاکم میزلی اوچنجی درجهیه و دوائر تمیزیه باش میزلی و مأذونیت مذکوریهی حائر مدیریتر اقلامک باش میزلیله استنبول اجرا مأمورلری دردنجی درجهیه و وظیفه لنده لا اقل ایکی سنه لك قدمی حائر بولنق شرطیه - تعیین اولنه بیلورلر.

ماده: ۳۵ مکتب حقوق و یا مکتب قضاتدن اعلی و علی الاعلی درجده مأذون اولوبده سلك و کالتده ناموسکارانه مساعیسی و ثائق رسمیه ایله ثابت و دعوی و کالتی جمعیت دائمه سنده مقید دعوی وکیللرندن و یا مکتب حقوق و قضاتده بالفعل تدریس ایدنلردن مدت تعلیم و وکالتلری بش سنهیی تجاوز ایدنلر مرتبه ثانیه مأموریتک ایکنجی درجه سنه، اون سنه ودها زیاده تمادی ایدنلر دردنجی درجه سنه قبول اولنه بیلور.

ماده: ۳۸ هنوز تشکیلات عدلیه اجرا قلمیان قضا و لوالرده تشکیلات اجرا سنه قدر محال مذکور بدایت محاکمی اعضایی مکلفیت مالیه آرائقسنزین قید توقیتدن آزاده اوله رق اهلیت و اوصاف لازمه قانونیهی حائر ذوات میانندن ولایت و لوا انجمن عدلیه لنجه انتخاب و مضبطه لری معامله تصدیقیه سی اجرا قلمق اوزره عدلیه نظارتیه تسیار اولنور.

ماده: ۳۹ اشبو نظامنامه تاریخ نشرندن اعتباراً مرعی الاحکامدره.

اشبو لایحه نظامیه نك موقع مرعیه وضعی و نظامات دولته علاوه سنی اراده ایدرم.

۲۷ جمادی الاخره ۱۳۲۲ ۱۰ مایس ۱۳۳۰

محمد رشاد

عدلیه ناظری داخلیه ناظری حربیه ناظری شیخ الاسلام و اوقاف هایون ناظری صدراعظم و خارجیه ناظری
ابراهیم طلعت انور خیری محمد سعید
معارف ناظری تجارت و وزارت ناظری نافع ناظری شورای دولت ریسی مالیه ناظری بحریه ناظری
احمد شکری سلیمان البستانی محمود جاوید جمال پاشا*
پوسته و تلغراف و تلفون ناظری
اوسقان

* حین امضاه بولمیدی

سفائن هوائییه عائد مناطق ممنوعه نظامنامه سی

ماده: ۱ ممالك عثمانیه طرق هوائییه ایله داخل اولق ایستهین هر سیاح بروجه آتی شیراطی تمامیه اجرایه مجبوردر.

ماده: ۲ مناطق ممنوعه و غیر ممنوعه نك مقیاسنده برخریطه مخصوصه سی ارئه ایدلشدر.

ماده: ۳ طرق هوائییه ایله ممالك عثمانیه کیرمک ایستهین عسکر و سیویل هر سیاح سیاحته مباشرتدن مقدم منسوب اولدینی حکومتک تصدیقته اقراران ایلس استدعاسنی سفارات عثمانیه و یا عثمانی شهیندرلکلیرینه تقدیم ایده جکدر.

ماده: ۴ سیاح اشبو استدعاسنه آلت طیرانی ایله رفقاسنک و کنیدیسنک فطوغرافیلری ربط ایده جکدر.

ماده: ۵ بریاکشلایغه میدان ویرلماک ایچون سیاح آلت طیرانک جنس و شکلی و رنگنی استدعاسنده آچیق اوله رق بیان ایده جکدر.

ماده: ۶ حکومت عثمانیه نك خارجیه مأموری [سفیر، شهیندر، . . . الخ] اشبو استدعایی خارجیه نظارتیه کوندره جکدر.

ماده: ۷ خارجیه نظارتی اشبو استدعا ایله و ثائق حربیه و بحریه نظارتیه ارسال ایله جکدر.

ماده: ۸ و ثائق نتیجه تدقیقاته کوره حربیه و بحریه نظارتشدن استحصال مأذونیته موفق اولان سیاحه ممالك عثمانیه نك مناطق ممنوعه و غیر ممنوعه سنی مصور بر قطعه خریطه خارجیه نظارتی واسطه سیله ارسال ایدیه جکدر.

ماده: ۹ اشبو خریطه سیاحک تعقیب ایده جکی کذرکاه قرمزی مرکب ایله چیزلمش بولنه جقدر.

ماده: ۱۰ سیاحک تعقیب ایده جکی کذرکاه اوزرنده کی بالجله مأمورین ملکیه و عسکریه سیاحتدن خبردار ایدیه جکدر.

ماده: ۱۱ سیاح خریطه اوزرنده قرمزی مرکب ایله رسم اولنان کذرکاهی تعقیبه مجبوردر.

بونک خارجیه چقه رق کذرکاهدن بش کیلو مترو اوزاقده بر محله قونان [«آریساز»، «آمریساز» ایدن] هر بیلوت [طیاره و بالون سواریبی] و رفیق و آلت طیرانی توقیف ایدیلیر و آلت طیران حسن صورتله محافظه اولنور.

ماده: ۱۲ کذرکاهک اوزرینه قونان هر سیاحه مأمورین ملکیه و عسکریه طرفدن تسهیلات

لازمه ارئه اولنه جقدر.

ماده : ۱۳ تأثیرات هواييه [قار ، يا غمور ، سيس] دن طولايي مناطق ممنوعه به تقرب ايدن آلت طيران اوزرينه آتش ايدلر فقط يره اينر اينز آلتی آلتير و كنديسي تحت الحفظ اك يقين يولدن و اك يقين موقع قومانداننه كوزلري باغلي اولديني حالده تسليم ايديلير .

ماده : ۱۴ تأثیرات هواييه نك تحتنده اوليوب اختياري ايله ويا بر مقصد خفي ايله مناطق ممنوعه به تقرب ايدن هر آلت طيران اوزرينه آتش ايديلور و يره اينديكي تقدیره آلت طيران درحال مصادره ايديلير و سواريلري اك يقين موقع قومانداننه كوزلري باغلي اولديني حالده تسليم ايديلهرك حبس اولنور .
ماده : ۱۵ سياحت هواييه مقصديه مناطق ممنوعه خارجنده هر نزهه نزول ايدرسه سياح موقع قوماندانلغندن مساعده استحصال ايتدكه قرق سكر ساعتدن فضله اوراده قاله ماز . شايد آلت ويا سواريسنه برسقطلي عارض اولمش ايسه تعميرينه قدر مساعده اولنور و بعدالتعمير هوا مساعد اولديني تقدیرده يوله دوام ايتديريلور .

ماده : ۱۶ مناطق ممنوعه داخلندن آنجق حريمه و بحريه ناظرينك مساعده سيله كچيله بيلير .
ماده : ۱۷ سفر برك اعلانندن حال صلاحك اعاده سنه قدر ممالك عثمانيه داخلنه سياحت هواييه اجراسي ممنوعدر . بناء عليه كوريله جك هر طياره دشمن طياره سي ظيله اوزرينه آتش ايديلير .

ماده : ۱۸ اشبو نظامنامه تاريخ نشرنندن معتبردر .

ماده : ۱۹ اشبو نظامنامه نك اجراي احكامنه حريمه و بحريه ناظرلري مأموردر .

اشبو نظامنامه نك موقع مرعيتيه وضعي و نظامات دولته علاوه سني اراده ايلدم .

۱۲ رجب ۱۳۳۲ ۲۴ ميس ۱۳۳۰

داخليه ناظرى	حريمه ناظرى	شيخ الاسلام و اوقاف ها يوز ناظرى	صدراعظم و خارجيه ناظرى
طلعت	انور	خيرى	محمد سعيد
تجارت و زراعت ناظرى	نافعه ناظرى	ماليه ناظرى	بحريه ناظرى
سليمان البستاني	محمود	جاويد	احمد جمال
پوسته و تلفون ناظرى	معارف ناظرى	احمد شكرى	

ايتاليا عسكرى طرفندن اشغال اولنوب دولت عليه به اعاده اولنه جق اطه لر اهالي سني

حقننده عفو عمومى قانونى

ماده : ۱۰ ايتاليا عسكرى طرفندن اشغال اولنوب دولت عليه به اعاده اولنه جق اطه لر اهالي سندن هانكي صنفه منسوب ونه كى بر حال و موقعده بولنورسه بولنسون مخاصماته اشتراك ايتمش و يا خود مخاصمات

سبيله تصدى ايلديكي داعي مسؤليت احوالدين و افعال سياديه و يا عسكريه دن و يا خود بيان ايتمش اولديني افكاردن طولايي شخصى ويا مالى هيچ بر كيمسه جهت عدليه به تعقيب ايديله ميه جكددر .

ماده : ۲ اشبو عفو عمومى جرائم عادييه شامل دكلدر .

ماده : ۳ اشبو قانون تاريخ نشرنندن اعتبار آ معتبردر .

ماده : ۴ اشبو قانونك اجراي احكامنه حريمه و داخله وعدليه نظارتلري مأموردر .

مجلس مبعوثان و اعيا نجه قبول اولنان اشبو لايحه نك قانونيتي و قوانين دولته علاوه سني اراده ايلدم .

۱۳ رجب ۱۳۳۲ ۲۵ ميس ۱۳۳۰

محمد رشاد

عدليه ناظرى	داخليه ناظرى	حريمه ناظرى	صدراعظم
ابراهيم	طلعت	انور	محمد سعيد

تعليمات نامه

اسلحه و اشياى جريميه و ممنوعه نك صورت محافظه سنه دائر تعليمات

ماده : ۱ جنجه و يا جنايتدن دولايي تحت توقيفه آلنان اشخاص ايله مظنون عليهرك اوزررنده ظهور ايدن و جرمي ارتكاب ايچون استعمال و تهيه اولنديني اكلاشيلان و وقوع جرمندن حصوله كلان واعمالى ، استعمالى ، طاشنمسي محافظه سي ، بيع و شرابى جرم تشكيل ايدن والحاصل حقيقي ميدانه چيقارمغه مدار اولان تقود و اشيا و اسلحه عائد اولديني محكمه مدعي عموميسي ويا مستنطق و يا خود ضابطه عدليه مأمورى طرفندن ضبط و زيرده (۱) نومرولو نمونه به موافق صورتده مدعي عموميلكجه طوتيله جق دفتره صره ايله قيد اولندقدن صوكره كفالته مربوط بولنا محكمه بدايت باش كاتي زرنده بولنردن قيمتدار اولانلر قاصه و تيمور صندوق و ديكر اشياى عادييه و خسيسه تفريق اولنه جق محل مخصوصده و احضار ايديله جك منتظم دولابلرده حفظ ايديله جكددر . محكمه سي ايكي دائره به منقسم اولان محللرده اشبو تقود و اشيا و اسلحه نك هانكي دائره محكمه سي باش كاتبه توديع ايدلسي لازم كله جكي محللري عدليه انجمنلرنجه تعيين اولنه جق كبي جزا و حقوق دائره لرينه منقسم اولان محاكمده دخي اشبو وظننه جزا دائره سي باش كاتبلرينه مودوع اولوب مكفل بولنماديني صورتده على الاصول كفالت رسميه به ربط اولنه جق ولدي الحاجه محاكم باش كاتبلري اشبو وظيفه ني ايفا ائناسنده كندى نظارت و مسؤليتلري تحتنده اوله رق ديكر محكمه كته سني ده برارى معاونت استخدام ايديله جكددر . امانت مأمورى اولان باش كاتب طرفندن دخي كنديسنه توديع ايديله جك اشيا ايچون (۲) نومرولو نمونه به موافق اوله رق بشقه جه بر دفتر طوتيله جقددر .

ماده: ۲. در دست و توقیف اولان و یا ظن و شبهه تحتند بولان اشخاصك مأمورین عاذه سی طرفندن اجرا اولنه حق تحریات انناسنده ثبوت تهمتی و یا خود برائت ذمتی مؤید بولنه بیله جك اشیا دخی ذکر اولان محکمه باش کاتبك تحت محافظه سنده بولنه جقدر.

ماده: ۳. برنجی و ایکنجی ماده لر موجبجه ضبط اولنه حق اشیایی مدعی عمومی و یا مستنطق و ضابطه عدلیه مأمورلرندن هر هانکی بری مظنون علیه ارائه ایلدکن صوکر ابر ضبط ورقه سی تنظیم ایدرک اشیا مضبوطه نك جنس و مقدارینی و اوصاف لازمه سی صورت و محل ظهورینی ورقه مذ کوره درج ایده جك و بونی مظنون علیه و دیگر حاضر و نه تصدیق و امضا ایتدیره جك مظنون علیهك امتناعی حالده کیفیت ضبط ورقه سنده درج اولنه جقدر.

ماده: ۴. اشیای مضبوطه اوزرینه مرور زمانله بوزلیه جق و تبدیل و تغییرینه قطعاً محل قالمیه جق بر شکل و صورتده ممضی و یا ممهور بر یافته و یا سائر بر علامت مخصوصه قونیه ورق و اشیا مذ کوره ایجابنه کوره بر طوربه و یا خود محفظه دروننه وضع ایدیه رك اشبو یافته و یا علامت و طوربه و یا محفظه اوزرینه اشیانك جنس و اوصاف سائره سی و کیمه عاذه اولدینی تحریر ایلد مدعی عمومی و یا مستنطق و یا خود ضابطه عدلیه مأموری طرفندن در حال تمهیر و امضا اولندقدن و طوربه و محفظه نك دخی هر طرفی بو صورتله مهرلندکن صوکر اشیا مودوعه نك جنس و مقدار و اوصاف سائره سی و کیمک اوزرنده و یا اقامتگاهنده ظهور ایتدیکنی مبین موضع بر مذ کوره باذمت باش کاتبه تسلیم واعطا اولنه جق و عین تفصیلاتی جامع و اشیا جرمیه قید دفترینك صره نومروسی محتوی اولتی اوزره باش کاتب طرفندن دخی بر مقبوض علم و خبری اعطا ایلد اوراق اساسیه میانه قونیه جقدر. اشبو اشیانك عاذه اولدنی دائره و یا محکمه یه سوقی ایچون مدعی عمومیلکدن وقوعه جق اشعاره قدر باش کاتب نزدنده حفظ ایدیه جك و اشعار وقوعنده باش کاتب دخی اشیا مذ کوره یی اوزرلرنده بولان یافته و علامت مخصوصه و امضا و مهر قطعاً تبدیل ایدلکسزین اعطا ایده جك و طلب وقوعنده مستنطقه دخی بو صورتله موقتاً تسلیم ایلد جقدر.

ماده: ۵. مستنطق و محکمه کندوسنه تودیع اولان اشیا به مربوط اولان یافته و علامت مخصوصه و طوربه و محفظه اوزرنده کی امضا و یا مهری کال دقتله معاینه و تدقیق و اوراق اساسیه میاننده موجود ضبط ورقه سی ایلد تطبیق ایتدکن و مستنطق اثنای تحقیقاتده ایجاب ایدنله بالارائه مقتضی معلوماتی استحصال و معامله قانونیه سی ا کمال ایلدکن صوکر اشیا مذ کوره یی باش کاتبه اعاده ایده جکی کی رئیس محکمه دخی محکمه جه لزوم کورلدنجه اثنای محاکمه ده طرفین و شهوده ارائه ایچون جلب ایدلک اوزره اشیا مذ کوره یی دردنجی ماده ده کی تفصیلات دائره سنده محکمه باش کاتبه تودیع ایده جك و باش کاتب دخی در حال دفتر مخصوصه قید ایلد جقدر. محکمه جه معاملات مقتضیه سی ا کمال اولندقدن صوکر اشیا اوزرنده موجود

یافته و علامت مخصوصه سی تبدیل ایدلکسزین و شاید محفظه و یا طوربه دروننده موضوع ایشینه دردنجی ماده موجبجه اطراف محکمه نك مهر رسمیه سی ایلد ممهور اولدینی حالده باش کاتبه اعاده اولمنسه اعتنا ایدیه جقدر.

ماده: ۹. باش کاتب مستنطق و یا محکمه طرفندن کوندریه جك اشیا و مفردات پوصله لرینی و اولجه کندوسنه کوندرلش اولان مذ کوره و قید دفتریه تطبیق ایدرک نقصانی اولمادینی تبیین ایتدکن صوکر اشیا مذ کوره یی توقیف و دقتده کی صره نومروسی اوزرینه وضع ایلد حفظ ایلد جك و اشبو اشیانك کرك مستنطقلکله محکمه یه تودیی و کرك اعاده سی کیفیاتی دفتر مخصوصه قیدله برابر مقبوض علم و خبری مقابلنده اجرا ایدیه جقدر.

ماده: ۷. اجرا اولنه جق تحقیقات و یا محاکمه نتیجه سنده ایجابنه اعاده سی تحت قراره آلنه جق اشیانك ردی ایچون تحقیقات و یا محاکمه ای اجرا ایدن دائره و یا محکمه طرفندن بو بایده ویریلن قراری متضمن بر مذ کوره تنظیم و زیری دائره و یا محکمه نك مهر رسمیه سی ایلد تحتم و رئیس و یا مستنطق جانبندن امضا اولنه ورق اشبو مذ کوره مدعی عمومیلک طرفندن موجبجه اشارتیه امانت مأموری اولان محکمه باش کاتبه حواله اولنه جق و بر مقبوض علم و خبری اخذ ایلد اشیا مذ کوره صاحبه تسلیم و قیدلرینه اشارت اولنه جقدر. اشیا مذ کوره نك ضبطی و یا صاحبه اعاده سی حقیقه قرار محکمه صراحت موجود اولمادینی حالده مدعی عمومیلک جانبندن وقوعه جق مراجعت اوزرینه مستنطق و یا محکمه دن هر حالده بو بایده بر قرار استحصال ایدیه رك مندرجاتنه کوره تفصیلات آنفه دائره سنده ایفای معامله اولنه جقدر.

ماده: ۸. هر سنه مارت ایتداسنده جزا رئیس و مدعی عمومی و مستنطق و ژاندارمه قوماندانندن مرکب تشکل ایده جك قومیسینونده باش کاتب امانت اشیا به متعلق قیود و معاملات دفتری تدقیق و مدعی عمومیلک قیوداتیه تطبیق ایلدیشکی قطعاً کسیره رك صاحبه اعاده سی محکمه و مستنطقلکجه قرار گیر اولوبده صاحبی معلوم و معین اولدینی حالده هنوز مراجعت وقوعه یی جهته دائره ده محفوظ اولدینی اکلانشیلانلر ایلد هنوز تحقیقات و محاکمه سی ا کمال اولنماسندن دولای بر مدت دهانوقیفی ایجاب ایدن وینه مستنطقلکجه و یا محکمه جه صاحبه اعاده سی قرار گیر اولوبده صاحبی معلوم اولیان اشیانك اساسیه خذاسنه اشارت اولنه جق و تنظیم قلنه جق دفتر اوزرینه اعاده سی لازم کلان اشیا ایچون ضابطه معرفتیه ایجابی خبردار ایدیه جك و محکمه جه ایلدیشکی کسیره رك ضبطی ایجاب ایدن هر نوع اسلحه و اجزای ناریه و اشیا بمنوعه دن فروختی لازم کلنلر و جهت عسکریه یه تسلیمی مقتضی اولان قسمی تفریق اولنه جقدر. فروختی مجاز اولانلرله اولیانلرک تفریقی انناسنده ممکن اولدینی حالده جهت عسکریه دن دخی بر مأمور دعوتله قومیسینونده حاضر بولندیریلور قومیسونجه جالب اشتباه بر حاله تصادف اولدینی صورتده اوزرنده و یا اقامتگاهندن اشیا ظهور ایدن شخص و یا بو بایده کندولرندن ایضاحات و معلومات استحصالی ملحوظ اولان اشخاص

بالجلب وقيله ضبط اولنان اشيا و اسلحه كنديلرينه ارايه اولنان اشيا و اسلحه اولوب اولماديني حقهده
ايضا حات ايسته نيله جك و تدقيقات واقعه دن حاصل اوله جق نتايج اوزرينه معاملات قانونيه اجرا اولنه جقدر .
ماده : ۹ محكمه و يا مستطقل كچه صاحبه اعاده سي قرار كير اولوب ده تاريخ قرار دن اعتباراً اوچ
سنة ظرفنده صاحبي ظهور ايتيان اشيا نك جنس و مقداري تصريح اولمقسزين كيمك اوزرنده ظهور
ايلديكي و زردن نه وقت سرقت اولنديني اصولي دائره سنده غزته لره اعلان اولندقدن صكره ينه صاحبي
ظهور ايتيانلر و ماده سابقه موجبجه ضبط و فروختي لازم كنلر سكرنجي ماده ده كوستربلن قوميسيون
ايله مأمورين ماليه طرفدن كوندريله جك مأمور حضورنده كذلك اصول و نظامنه توفيقاً علناً مزايده
اولنه رق فروخت اولنه جق و مزايده دفترى ايكي نسخه و قوميسيون هيئتيله خزينه جانبندن تمهيريديله رك
بر نسخه سي محكمه باش كاتبي نزدنده بالتوقيف ديكر نسخه سي اتمان حاصله سيله برلكده مال صندوقه تسليم
و نتايجي باش كاتب طرفدن دفتر مخصوصه قيد و اشارت اولنه جقدر .
ماده : ۱۰ مدعي عمومي و يا مستطق و يا خود ضابطه عدليه مأموري طرفدن درنجي ماده
موجبجه مهور اوليان و مذكره سي برابرنده بولميان اشيا قبول اولميه جني كبي سالف اليان محكمه و يا
دائرة نك قراري و مدعي عمومينك امر و معلوماتي اولمقسزين امانته محفوظ اشيا اصحابنه اعاده اولماز
و بو مثلو اشيا نك محكمه باش كاتبي نزدندن بشقه محله حفظي ممنوعدر . بوكا مخالف حركت ايدنلر جزا
قانوننك يوز ايكنجي ماده سنده توفيقاً مسؤلدنر .
ماده : ۱۱ اصحاب جنجه و يا جنات اوزرنده ظهور ايدم جك و بونلرك اقامتگاهنده بولنه جق اولان
اشيا ني بلا نقصان ضبط ورقه سنده قيد ايله كوندرمه ين و امانت مأمورينه تماميله تسليم ايتيان و اشياي مذكوره نك
جين توديع و يا حفظ و نقلنده مهري و علامت مخصوصه سي تبديل و تغيير ايدرك بر شيئي قاچيران و يا
تبديل ايدن مأمورين جزا قانوننامه هايونه توفيقاً دوچار مجازات اولور و ضايع اولان اشيا كندوسنده
تضمن ايتديريلور .
ماده : ۱۲ عدليه مفتشلى هر دور و تفتيشده اشيا نك حفظنه مخصوص محلي تفتيش ايله اشياي
موجوده ني معاينه و اوراق متعلقه سي مياننده محفوظ اولان مذكره و امانت مأمورينك مقبوض سندلرله
تطبيق و اصحابنه اعاده اولنش اشيا بولنديني حالده صورت اعاده و قوميسيون مخصوصه جريان ايدن معاملات
نظامنه موافق اولوب اولماديني يدقيق و اشبو تعليمات احكامنه مغايد حركتده بولنانلر و هر نه صورته
اولورسه اولسون بوبابده وظيفه سي سؤ استعمال ايدنلر حقهده در حال معامله قانونيه اجراسنه توسل ايدم جك
و الحاصل امانتلك صورت حفظي حقهده هر درلو تحقيقات اجرا ايله نتيجه سي عدليه نظارتنه بيلد بره جكدنر .

تليغات مخربه

عدليه نظارت جليله سنده بالعموم دلايات والويه مستفله ايله عدليه مفسره معار نظرينه و مديرتله
نظير اولناه ۳۱ مابس سنه ۳۳۰ تاريخي تخريرات عمومه صورتيده :

قانون صورتی

ماده ۱ — ۱۴ مارت ۳۲۹ تاريخي اراده سنيه موجبجه موقع تداولدن قالديرلش اولان قديم حجاز
علم و خبرلريني استعمال ايدنلره اوزرلرينه معامله ايفا ايدنلردن يارم ليرادن بر بچق ليرايه قدر جزاي نقدي
آلور .
ماده ۲ — اشبو قانون تاريخ نشردن اعتباراً مرعي الاجرادر .
ماده ۳ — اشبو قانونك اجراسنه ماليه و عدليه ناظرلري مأموردنر .
اشبو مواد قانونيه نك مجلس عمومينك كشادنده قانونيتي تكليف اولنق اوزره موقتاً موقع اجرايه
وضعي و قوانين دولته علاوه سني اراده ايدرم .
۱۵ جادي الاخره ۱۲۲۲ و ۲۸ نيسان ۳۲۰

محمد رشاد

ماليه ناظري جاويد
عدليه ناظري ابراهيم
صدر اعظم محمد سعيد

عدليه نظارت جليله سنده استيناف مرعي عموميلكليه نظير اولناه ۷ صبراره سنه ۳۳۰ تاريخي
تخريرات عمومه صورتيده :

« مدت موقته ايچون سنه سابقه معاشاته تأديات اجرا ايدله سنده دائر »

طشهرلر وارداتنك مقدا عقد ايدلن آوانسلره بامقاوله نامه قارشولق كوسترلش و بونلرك عقد ايدلن
استقراضدن تماماً تسويه سي مقرر بولنش ايسه ده استقراض حاصل تواريخ مختلفه ده مقسطاً آلنه جغدن بر
مدت موقته ايچون وارداتك مشروط اولان محلله و يرلسي ضرورت حاص اولمش و بوندن طولاي سنه
سابقه معاشاته تأديات اجرا ايدله سي ومعافيه تداخلده قالان معاشاتك قريباً تماميله تسويه سي صورت
قطعيه ده مقرر ايدوكنك علاقه دارانه تفهيمي ۶ نيسان ۳۳۰ تاريخنده مأمورين ماليه يه تبليغ ايدلش اولديغدن
بحثله بوبابده توالي مراجعاته نهايت ويرلسي اسبابنك استكمالي ماليه نظارت جليله سندن اشعار ايدلشدر .
كيفيتك ايجاب ايدنلره تبليغي ...

عمریه نظارت جلد سنده مدعی عمومی بطرله ، عمریه مفسر معادل نظریه تسلیم اولانه
۷ ضربانه سنه ۳۳۰ تاریخى تحریرات عمومی صور تیر :

« رؤسا و مأمورین عدلیه نك ایفای وظیفه مباشرت تاریخیدن اعتباراً محکمه نك
دوش ذمتنده مقید کوربله جك بالجله معاملاتك حسن ایفا و اكمالنه صرف غیرت
ایتمری لزومه دائر »

رؤسا و مأمورین عدلیه دن بعضیلرینك زمان مأموریتته تصادف ایدن محاکات و معاملاتك اکل ایتدیکی
تقدیرده اسلافه عائد معاملاتك نقصانندن طولای مسئولیتدن وارسته قاله جقلمی ذهابنده بولمیلرندن ناشی
بر جوق اعلاماتك مرور زمانه اوغر اددلینی تفتیشات واقعه نتایجی حاوی لایحه لردن اکلایشیلور ولوکه
اسلافی زمانه عائد اولسون دوچار لاقیدی اوله رق مرور زمانه اوغرایان اعلامانندن طولای بر محکمه نك
مأمورین حاضر سنده توجیه مسئولیت ایدلمسی طبعی اوله جغندن وظیفه پرورلك حسیله قابل توفیق اولمیان
اوکی ملاحظات اهلکارانه دن صرف نظرله ایفای وظیفه مباشرت تاریخیدن اعتباراً محکمه نك دوش
ذمتنده مقید کوربله جك بالجله معاملاتك حسن ایفا و اكمالنه صرف غیرت ایتمری مقتضی اولدیغلك ایجاب
ایدنلره شدیداً تبلیغی

محکمہ نمیز مقرانی

محکمہ نمیز مقرانی

محکمہ نمیز مقرانی صادر اولانه ۳ مارت سنه ۳۳۰ تاریخى و
« اقضای عمراندن قریت ویا بعدیت شهودلك استماع وعدم استماعه قانوناً مدار
اوله ماز »

کوتاهی نك اطراف شهر ناهیه سنده تابع تاتار محاط قریه سی قوم غیر محصور اهلایسیله کذلک غیر محصور
المالو قریه سی بیننده متحدث دعوايه دائر کوتاهی استیناف محکمه سندن ۱۴ ایلول سنه ۳۲۹ تاریخى
واوچ عدلیله ویریلوب مذکور تاتار محاط قریه سی اهلایسی طرفندن تمیزاً تدقیق استدعا اولنان اعلام
باش مدعی عمومیك مأموریت علیه نك مطالعه نامه سی الهرق طرفینك اعتراض و جواب لایحه لرله بالمطالع
تدقیقات تمیزیه اجراسنه ابتدار قلندی .

اعلام مذکور مندرجانه نظراً مذکور تاتار محاط قریه سی اهلایسنك کوتاهی بدایت محکمه سنده باعریحال
مراجعتله المالو طاعی دیمکه معروف بالطله لقدم کندولرینك دخی حق احتطابلری بولندیغه دائر استحصال
ایلدکلری اعلامك عندالاستیناف ذی الیدلك مسئله نك تدقیقندن اول اساس دعوايه کیریشیله رک قرار
ویرلمسی ومدعا به بالطله لعلك حدود اربعه سیله محل مدعا بهك کافه احوال وماهیاتنك لایقيله کشف ایدلماسی
ومحل مذکورك طرفینك قریه لرینه بعدمسافه سی واقضای عمرانه قریه نك تحقیق ایدلماسی حقنده کی مستأفلك
اعتراضاتی شایان قبول کوریله رک اولوجهله اصلاحنه دائر ویریلان قرار اوزرینه اقتضای ایفا وکشفیات
لازمه اجرا اولندقدن و مذکور طاعی بالطله لعلك قسمینك المالو قریه سنده بر چایرک و تاتار محاط قریه سنده بر
ساعت بعد مسافه ده بولندیقی تحقیق ایتدکدن و مذکور بالطله لعله المالو قریه سی اهلایسنك واضع الید و تاتار
محاط قریه سی اهلایسنك خارج بولندقلری شاهدلك شهادتیه اکلایشلدقدنصکره مدعی عمومی حضوریله
جریان ایدن محاکمه و تدقیقات نتیجه سنده طرفین محل منازع فیه تصرفی حاوی برکونا اوراق رسمیه ابراز
ایده میه رک انجق تاتار محاط قریه سی اهلایسی اشتراك والمالی قریه سی اهلایسی استقلال ادعاسنده بولمقد
اولمیرینه و مذکور بالطله لعلك المالو قریه سنده نسبتله اقضای عمرانه قریه بولمسنه و اشتراك منافع ادعاسنده
بولنان تاتار محاط قریه سی اهلایسنك اوراق رسمیه ایله اثبات مدعان اظهار عجز ایتسی اوزرینه المالو
قریه نك بینة شخصییه سی مرجع کوریله رک اولوجهله ویریلان قرار اوزرینه قریه مذکوره اهلایسی طرفندن
اقامه ایدیلوب استماع قلنان شاهدلك شهادتنه نظراً مذکور محلك قدیماً ومستقلاً المالو قریه نك احتطابنه
مخصوص بالطله لعل اولدیغی تحقیق ایتسنه و اصلاح ایدیلان نواقص واقعه نتیجه حکمه تأثیر ایتش ایدوکنه
منی حکم ابتدائینك فسخيله مذکور تاتار محاط قریه سی اهلایسنك مدعی علیه مستأفك المالو قریه سی اهلایسنه
قارشو معارضه دن منعلرینه قرار ویرلدیکی اکلایشلمشدر

اشبو قرار علیهنده میز لر طرفندن اعطا قلنان لایحه ده : بومثللو دعاویده خارج اولان طرفندن بینه طاب
ایدمك لازمکلور ایکن بعض کونا اسباب سردیله شهود شخصییه استماعی لازمکلمیه جکنه قرار ویرلمسی بولسز
ومعایر قانون اولدیغندن واسباب سائرده دن بختله اعلامك قضی و جواب لایحه سنده ده اعتراضات مسروده نك
ردیله موافق قانون اولان اعلام مذکورك تصدیقی طلب واستدعا اولمش وائف البیان مطالعه نامه مألیده
لایحه تمیزیه ده تاتار محاط قریه سی اهلایسنك بینة شخصییه ایله اثبات مدعا ایتسنه جواز قانونی موجود بولندیغی
حالده محکمه جبه اهلی مرقومه بینة تحریریه ایله اثبات مدعا به جبر ایدیله رک اولصورته اثبات مدعان اظهار
عجزی اوزرینه المالو قریه سی اهلایسی طرفندن اقامه اولنان بینة استماع ایله اکابنای حکم ایتدیرلمسی مخالف
قانون اولدیغندن لایحه تمیزیه ده سرد ایدیلان اعتراضات بو صورته وارد اولدیغی بیانندن عبارت بولمشد
ایجابی مذاکره اولندقدن : خصوص مدعا هر تقدیر بوجه محرر بالرؤیه اعلامه ربط اولمش ایسه ده اقضای
عمراندن قریت ویا بعدیت شهودك استماع وعدم استماعه قانوناً مدار اولمادیغی کی قیود رسمیه سی موجود

اوليان بوكي عقار دعواسی ذی الیدلک بالینه ثابت اولدقدن صکره علی الاصول خارج اولان طرفدن ینه ایسته نلک لازم کورکن بوندن ذهول اولنسی یولسز ومغایر قانون اولدیغدن اصول محاکمه حقوقیه قانونک ایکوز اوتوز ایکنجی ماده سی موجبجه اعلام مذکورک نقضیه ایکوز قرق دردنجی ماده سی حکمنه توفیقاً کیفیتک صورت محرره وجهله بالرؤیه اعلامه ربطی ضمننده محکمه مذکوریه اعاده سنه ومصارف تمیزیه نک ایلروده حقسنر حقیقه جق طرفه عائد اولسنه ۳ مارت سنه ۳۳۰ تاریخده متفقاً قرار ویرلدی

محکمہ تمیز حقوق دائرہ مندرہ صادر اولرله ۳۰ مارت سنه ۳۳۰ تاریخ و ۱۷۷ نومردلی اعلام صورتیبر:

«محکمه شرعیه ده تدقیق اولنان شفعه دعواسی خلیط وشریکک حق رجحان

دعواسنک تدقیقه مانع اوله ماز»

ماردین قصبه سنک شیخ محله سنده مقیمه هندی زاده صادق افندی زوجہ سی حسنیہ خانم ایله لطیفه محله سنده کسباریان انطون ورافائیل افندیلر بیننده متحدث دعوا یه دائر ماردین لواسی بدایت محکمه سنندن ۹ تشرین اول سنه ۳۲۹ تاریخی وسکسان بش عددی ایله ویریلوب مزبور حسنیہ خانم طرفندن تمیزاً تدقیقی استدعا قلنار اعلام طرفینک اعتراض وجواب لایحه لرله برابر بالمطالعہ تدقیقات تمیزیه اجراسنه ابتدار قلندی اعلام مذکور مندرجاتنه نظر ازمزبوره حسنیہ خانم محکمه مذکوریه باعریحال مراجعتله قصبه مذکورہ داخلنده وادی الصفا نام محله کائن معلوم الحدود ایکی مشترک باغ وبغچه نک اراضیسیله مشتملات سائرہ سی زوجی متوفای مزبور صادق وبرادری محمد صالح افندیلرله همشیره لری ناملرینه مشاعاً ومشرکاً مقید ایکن متوفای مزبور حصه سی حال حیاتنده کندوسنه بیع وفراغ ایدرک شراء مالی اولدینی حالده مزبور محمد صالح افندی دخی حصه سی اون اوچیک کسور غروش بدل مقابلنده مرقومان انطون ورافائیل افندیلرله بیع وفراغ ایتش ایسه ده حصه مذکوریه خلیط وشریکک ویدل مثلله طالب بولندیغدن ومحکمه شرعیه ده مقدما اقامه ایلدیکی دعوی رد ایدلش وبو مقوله خلیط وشریکک دعوا رینک رؤیتی محاکم نظامیه یه عائد بولنش اولدیغدن بحثله حصه مذکورہ نک بدل مثلله نامنه فراغ نک اجراسنی طلب ودعوی ایتسنه قارشو مدعی علیها وکیلی دخی املاک مذکورہ نک بیع وشراسندن بر سنه مرور ایتدیکنی وحین بیغده مزبوره حسنیہ خانم حاضر اولدینی حالده اختیار سکوت ایتش ومزبوره طرفندن بو خصوصده محکمه شرعیه ده اقامه اولنان دعوی رد اولنش اولسنه کوره دیگر بر محکمه ده رؤیتی قانوناً غیر جائز اولدیغدن مدافعه بیان وتذکار ایتسی اوزرینه جریان ایدن محاکمه وتدقیقات نتیجه سننده مذکور بغچه حصه سی حقنده مزبوره حسنیہ خانم وانطون ورافائیل اندیلر بیدارنده جریان ایدن محاکمه نتیجه سننده محکمه شرعیه دن وتوعبولان طلب اوزرینه استساح ایدیلان ۱۹ کانون ثانی سنه ۳۲۸ تاریخی قرار صورتنده

مزبورہ نک تصدی ایلدیکی دعوی اشجاره تبیتله ملکیت حالی اکتساب ایتیان صرف اراضی امیریہ اوزرینه اذن صاحب ارضله مغروس اولان اشجار مملوکه ومنقولہ دن متولد اولوب شفه حکمی جاری اولدیغدن شرعاً شایان التفات اولدینی بیانیه مدعی علیهمایه قارشو معارضه دن منع اولدینی محرر اولسنه وبر محکمه ده رؤیت اولنوبده نتیجه یه اقتران ایدن بر دعوانک دیگر بر محکمه ده تکرار رؤیت واستماعی جائز اولادیغنه بناءً مجله نک بیک سسکز یوز اوتوز یدنجی ماده سی حکمنه توفیقاً مزبوره حسنیہ خانم دعوا ی واقعه سنک ردینه حکم وقرار ویرلدیکی اکلاشمشدر . مستدعیه تمیزک اعطا ایلدیکی لایحه اعتراضیه ده دعوا ی واقعه نک فصل ورؤیتی محاکم نظامیه نک جلله وظائفندن بولدینی اراضی قانونک ایکنجی ماده سنک فقره اخیر سیله تفریق وظائف حقنده کی اراده سنیہ پادشاهی اقتضاسندن اولدینی حالده محکمه مذکورہ جه بورالینک تأمل اولنماسی مغایر قانون اولدیغدن بحثله اعلام مذکورک نقضی وجواب لایحه سننده ده غیر وارد اولان اعتراضاتک ردیه موافق اصول وقانون اولان اعلاملر تصدیق استدعا اولمشدر .

ایجابی مذاکره اولندقدہ هر نه قدر محکمه جه کیفیت بروجه محرر تحت حکمه ایتش ایسه ده شفعه دعواسنک محکمه شرعیه ده تدقیق وحکمه ربط اولنسی اساساً محکمه نظامیه نک وظیفه سی داخلنده بولنان خلیط وشریکک حق رجحان دعواسنک تدقیقه مانع اولمادیعی حالده بو جهتدن بالذہول بروجه محرر قرار ویرلسی مخالف قانون اولدیغنه بناءً اصول محاکمه حقوقیه قانونک ایکوز اوتوز ایکنجی ماده سی موجبجه اعلام مذکورک نقضیه قانون مزبورک ایکوز قرق دردنجی ماده سی حکمنه توفیقاً کیفیتک مجدداً بالرؤیه اعلامه ربطی ضمننده محکمه مذکوریه اعاده سنه وزیرده مفردات ومعطیسی کوستریلان مصارف تمیزیه نک ایلروده حقسنر حقیقه جق طرفه عائد اولسنه ۳۰ مارت سنه ۳۳۰ تاریخده متفقاً قرار ویرلدی .

محکمہ تمیز حقوق دائرہ مندرہ صادر اولرله ۳۰ مارت سنه ۳۳۰ تاریخ و ۲۹۰۰ نومردلی اعلام صورتیبر:

«منع مداخله»

معموره العزیز ولایتہ تابع اشاغی خوچ قریه سنده مقیم ابراهیم اوغلی حسن ایله عمر اوغلی شریف وکرملی قریه سنده متمکنه ابراهیم کریمه لری ام کلثوم ودادیش قریه سنده ساکنه فردوس خاتونلر بیننده متکون دعوا یه دائر ولایت مذکورہ استیناف محکمه سنندن ۵ اغستوس ۳۲۹ تاریخی و اون الی عددیه ویریلوب مرقوم حسن طرفندن تمیزاً تدقیقی استدعا قلنار اعلام طرفینک اعتراض وجواب لایحه لرله برابر بالمطالعہ تدقیقات تمیزیه اجراسنه ابتدار قلندی . اعلام مذکور مندرجاتنه نظراً مرقومون شریف وکلثوم وفردوس وخلیل اوغلی خلقی معموره العزیز بدایت محکمه سنه باعریحال مراجعتله پدرلری ابراهیمک وقوع وفاتی اوزرینه ارنانتقال ایدن اون برقطعه باغچه وعرصه

وباع واموال منقوله وغير منقوله ايله حاصلاتي اوغلي حسن مداخله ويد ضبطه كچوردى كندن مداخله سنك منعى طلب ودعوى ايلارى واولنان دعوته مدعى عليه حسن ايله مدعى لردن خلقينك اجابت ايتاملرى اوزرينه خلقيه عائد حق محاكمه نك سقوطنه و محاكمه نك غيا با اجرا سته قرار و يرلدن صكره جريان ايدن محاكمه و تدقيقات نتيجه سنده مدعا به اراضيدن ايكي قطعه سى حق قرار دن مدعى عليه نامه مقيد اولوب ديكر قطعه لك تصرف قيدينه تصادف ايديله مدعى لى الاستعلام دفتر خاقانى دائره سندن اشعار اولمش ايسه ده مدعا به اراضينك يذرلدن ارنان انتقال ايتديكي استماع وتذكيه اولنان شهودك شهادتى ومبرز اثبات وراثت حجتى مندرجاتى دلالتيله ثابت اولمش ايدو كندن مدعى عليه نامه حق قراره مستند طابو معامله سنك ابطاليله تفريق وتقسيمي حاوى طابو مأمورى طرفندن معطى راپور موجبجه مدعى لردن هر برينك حصه شايه لرينك كندولرينه تسليمه ومدعى عليه ك بوابده كي مداخله سنك منعه دائر صادر اولان اعلامك عندالاستيناف اجرا قلنان تدقيقاتى نتيجه سنده مازع فيه اون بر قطعه اراضيدن طقوز قطعه سى حقه ده كي حكمتك تصديقه وانجق مستأنف حسن نامه طابويه مربوط بولنان ترلار حقه ده كي ادعائى مستأنف عليهم اثبات ايدو مدكلى كچي قانونا صلاحيتدار اولدقلى يمينى دخى تكليفدن صرف نظر ايتدكارندن مذكور ايكي قطعه ترلانىك حق قراره مستند اولان طابو معامله سنك ابطاليله عائد جهتنك فسخيله بوترلاردن طولاي مستأنف عليهمك مستأنف قارشو معارضه لرينك منعه حكم و قرار و يرلدن اكلاشلمشدر . مستدعى تميز طرفندن اعطا قلنان لايحه تميزيه ده مدعى لردن ادعائى برسند صحيحه مستند اولمديغندن عدم استماع لازم كلور ايكن استماع اولمشى وامول غير منقوله ده ادعاى تصرفك شهود شخصيه ايله اثباتنه جواز قانونى اولماديغى حالده محكمه جه استماع شهود اولمشى يولسز ومغاير قانون اولديغندن بحثله اعلامك تقضى ولايحه جوابيه ده ده غير وارد اولان اعتراضات مسروده نك رديله موافق قانون بولنان اعلام ميز بهك تصديقى طلب واستدعا ايدلمشدر .

ايجابى مذاكره اولدقدو كيفيت هر نه قدر بروجه بالا بالرؤيه تحت حكمه آلمش ايسه ده درجه اولى محكمه سنجه بلا سبق دعوى تقسيمه حكم اولمى سندن طولاي اعلام مستأنف بهك حكمه مؤثر اولان بوجهتنك فسخيله اراضى مدعا بهانك مورث متوفادن انتقال ايدى كى شهود شخصيه ايله ثابت اولمشه ومورثك وفاتندن صكره اسباب تصرفدن برينه مستند اولمشين ايكي قطعه ترلا حقه ده استحصا ل اولنان طابونك حكى اوله مايه جفته كوره مجمع ترلار حقه ده مدعى لردن بر موجب ادعا حصه لرينه وقوعبولان مداخله نك منعه قرار و يرلمك لازم كلور ايكن بودائره ده اجراي محاكمه اولمشى يولسز ومخالف اصول وقانون اولديغندن اصول محاكمه حقوقيه قانوننك ايكوز قرق برنجى ماده سى موجبجه اعلام مذكورك نقيضه قانون مزبورك ايكوز قرق دردنجى ماده سنك فقره اولاسى حكمه توفيقاً كيفيتك اولوجهله بالرؤيه اعلامه ربطى ضامننده محكمه مذ كوره اعاده سته ومصارف تميزيه نك ده ايلروده حقسز چيقه جق طرفه عائد اولمشه ۳ نيسان ۳۳۰ تاريخنده متفقاً قرار و يرلدن

محكمة تميز حقوقه دائره سنده صادره اولاده ۸ مابى سنه ۳۳۰ تاريخى ۵۵۰ نومردى اعلام صورتيه :

« اذن مأموره اقتران ايتكميزين خارجاً وقوعبولان بيع وشرا دعوا لرينك استماعندن حكام ممنوعدر »
بولى سنجايى ملحقانندن اركلى قضا سنك عمرلى قريه سنده مقيمون خليل اوغلى حسين و همشيره سى فاطمه ايله امام اوغلى على بيننده متكون دعوايه دائر قضاء مذكور بدايت محكمه سندن ۲۷ تشرين ثانى ۳۲۹ تاريخى و يوز آلمش يدى عدديه و يريلوب مرقوم حسين و همشيره سى مزبوره فاطمه خاتون طرفلاردن تميزى استدعا قلنان اعلام طرفينك اعتراض و جواب لايحه لريله بالمطامه تدقيقات تميزيه اجرا سته ابتدار قلندى .

اعلام مذكور مندرجاتنه نظراً مرقوم حسين و همشيره سى مزبوره فاطمه خاتون محكمه مذ كوره به با عرضحال مراجعتله انتقالاً متصرف اولدقلى قريه مذ كوره ده كاش حدود و مواقى معلوم اوچييك كسور غروش قيمتنده اون اوچ قطعه ده للى ايكي دوئم ترلايه صغر سنانلرنده زراعت ايتكمده اولان مرقوم على طرفندن وقوع بولان مداخله نك منعى طلب و دعوى و بر قيد رسمى صورتى ابراز و اعطا ايلملى ومدعى عليهك محكمه به كلامسى اوزرينه اجرا قلنان محاكمه غيايه نتيجه سنده هر تقدر قيد رعييده اراضى مدعا بها مدعى لردن جده لرى متوفاه صالحه خاتون نامه مقيد اولدينى حالده يكرمى سنه مقدم مدعى عليه خارجاً فراغ ايديله رك بالاخره حق قرار دن مرقوم على نامه طابوسندى اعطا قلندينى اكلاشلمشدر ايسه ده مدعى لردن مورثلى متوفى خليل حال حياتنده اراضى مدعا بهانك ايجارنى مدعى عليهمن المقده اولدينى شهود معدله نك شهادتيله ثابت اولمشه و مدعى لردن دعوايه صلاحيت قانونيه لرى كلدى كى تاريخندن اعتباراً اقامه دعوى تاريخنه دكين حق قرار ثابت اوله جق قدر آرهدن بر زمان كچمديكى مبرز نفوس قيدى و وصايت حجتيله تحقق ايلمشه بناءً مدعى عليه مرقوم على طرفندن وقوعبولان مداخله نك منعه دائر و يريلان اعلام غياينك عندالاعتراض ذى اليدللك بالينه ثبوتندن صوكر اجرا قلنان محاكمه و تدقيقاتى نتيجه سنده اراضى مدعا بهاى مدعى عليه معترض مرقوم على متوفاه مزبوره صالحه خاتون يكرمى سنه اول خارجاً اشترا ايدرك مؤخرأ مجلس اداره قراريله حق قرار دن طابو سنى استحصال ايدى كى اكلاشلمشدر مبنى مدعى معترض عليهمك مدعى عليه معترض مرقومه قارشى بو بابه كي معارضه لرينك منعه و حكم ابتدائينك فسخ و تعديله حكم و قرار و يرلدن اكلاشلمشدر .
ميزر طرفندن معطى لايحه ده مدعى عليه مرقوم اراضى مدعا بهاى خارجاً وعادياً اشترا ايدى كى حضور محكمه ده اقرار ايلش ومستأجر بولندينى ده محاكمه غيايه ده اصولاً ثابت اولمش ايكن محكمه به بروجه محرر قرار و يرلمى يولسز ومغاير قانون اولديغندن بحثله اعلامك تقضى ولايحه جوابيه ده موافق قانون اولان اعلام مذكورك تصديقى طلب واستدعا قلمشدر .

ایجابی مذاکره اولندقدده خصوص مدعی بوجه محرم حکم و قراره ربط اولنش ایسهده بو مثللو اذن مأموره اقتران ایتمکسزین خارجاً وقوعولان بیع و شرا دعوالرینک استماعدن با اراده سینه حکام ممنوع بولنش ایکن محکمه جه بو جهت نظر دفته آلمقسزین دعوانک استماع و بوجه مشروح حکمه ربط اولنسی یولسز و مغایر قانون اولدیغندن اصول محاکمه حقوقیه قانونک ایکی یوز اوتوز ایکنجی ماده سی موجبجه اعلام مذکورک تقضیه قانون مذکورک ایکی یوز قرق بشنجی ماده سی حکمنه توفیقاً کیفیتک اصلاحاً و تصحیحاً اولوجهله اعلامه ربطی ضمننده محکمه مذکوریه اعاده سنه و ۸ شباط ۳۲۹ تاریخلی قانون موقت موجبجه ایکی مثلی اوله رق استیفا قلنان رسوم تمیزیه نک ایلروده حقسز چقه حق طرفه عائد اولسنه ۸ مایس ۳۳۰ تاریخنده متفقاً قرار ویرلدی .

محکمہ تمیز جزا دائرہ سی مقرانی

محکمہ تمیز جزا دائرہ سنده صادر اولان ۲۴ مایس ۳۳۰ تاریخلی و ۱۳۱۵ نومردلی اعلام صورنیرر :

« جلسه محاکمه ده هیئتک صورت تشکیلی تحریر ایدلیدی صروده مدعی عمومینک حضوری تصریح ایدلماش اولسی موجب تقضدر »

دیار بکر ولایتی استیناف محکمه سی جزا دائرہ سندن صادر اولان ۲۴ جادی الاول سنه ۳۳۲ و ۶ نیسان سنه ۳۳۰ تاریخلی ویش نومردلی اعلام ایله اوراق متفرعه سی باش مدعی عمومیک مأموریت علیه سندن ۲۸ جادی الآخر سنه ۳۳۲ و ۱۱ مایس ۳۳۰ تاریخلی و بیگ یوز یتش التی نومردلی تبلیغنامه ایله محکمه تمیز جزا دائرہ سنه اعطا قلنشددر .

اعلام مذکورک خلاصه مالی اوچیز یکریمی سکز سنه سی تشرین اولنک ایکنجی کیجه سی یشیری قضاسنک آلقی قریه سندن صفر بن صوموی جرح و قتل ایدلکری ادعا قلنمسنندن دولای جنایتله اتهام اولنان عمر بن بطو و فرمان بن حسن و فلیط رحی و فراری سعید نام اشخاصدن فلیط رحینک وقوع وفاتی جهته حقنده کی حقوق عمومیه دعواسی ساقط اولغله دیکرلری عمر و فرمان ایله فراری سعیدک و جاهاً و غیاباً اجرا قلنان محاکمہ لری نتیجه سنده مہمون مرقوموندن عمر ایله سعیدک مشترکاً و مہوراً فعل قتل مذکورہ مجاسر تلی شہادات واقعہ و دلائل سائرہ ایله ثابت اولوب انجق فعل مذکورک فاعل مستقلی تعین ایدہ ماش اولدیغندن اولوجهله مجرمیتلرینہ و حرکتلرینہ توافق ایدن قانون مذکورک یوز سکسانجی و بوز یتش دردنجی ماہلری احکامنہ توفیقاً مستحق اولدقلری اون بشر سنہ کورک جزاسنک نصفی اولان یدیشربیح سنہ مدتله کورک قونلرینہ و فرمانک برائتہ و ۲۶ مارت سنہ ۳۳۰ تاریخنده حکم اولدیغندن عبارتدر .

اوراق دعوی بعدالمطالعہ حکم جنائیدن دولای تدقیقات تمیزیه اجرا اولندقدده سالف الذکر تبلیغنامه ده دخی بیان اولندیغنی و جهله ایلك جلسه محاکمه ده هیئتک صورت تشکیلی تحریر ایدلیدی صروده مدعی عمومینک حضوری تصریح ایدلماش و بوده نقض حکمی مستلزم بولنش اولدیغندن اعلام مذکورک اصول محاکمات جزائیہ قانونک اوچیز اون دردنجی ماده سنہ توفیقاً نقضه و احکام قانونیه دائرہ سنده ایضای معاملہ اولنق اوزرہ اوراقنک محکمہ اعاده سنہ و درتیو: غروش اعلام خرجنک ایلروده حقسز جقه حق طرفدن تحصیلنه ۱۷ مایس سنہ ۳۳۰ تاریخنده متفقاً قرار ویرلدی .

انجمن عدلیہ مقرانی

انجمن عدلیہ سنده صادر اولان ۲۷ مایس ۳۳۰ تاریخلی قرار صورنیرر :

« صلح حاکم لری قانونلرینہ توفیقاً رؤیت ایدیلن مواددن دولای استیناف مدعی عمومیلرینک طریق استینافہ مراجعتلری حالده اصول محاکمات جزائیہ نک ۱۸۷ نجی ماده سی حکمنہ توفیقاً ایکی ماہ ظرفنده استیناف دعوی ایدہ بیملری مقتضی اولدیغنه دائر »

معموره العزیز استیناف مدعی عمومیلکنک ۵ نیسان ۳۳۰ تاریخلی تلغرافنامہ سیلہ امور جزائیہ مدیرینک ۱۲ نیسان ۳۳۰ تاریخلی مذکورہ سی مطالعه اولندی مذکورک تحریر رانده صالح قانونک آلمش دردنجی ماده سنک بخش ایتدیکی حق استینافک حکمی ویرن محکمه نزدندہ کی مدعی عمومی به منحصر و یا مافوق مدعی عمومہ میسنده شامل اولوب اولدیغنی و شامل ایسه مافوق مدعی عمومی ایچون مدت استینافک ماده مذکورہ صراحتنه کوره اوتوز کونمی ویا اصول جزائیہ نک یوز سکسان یدنجی ماده سنہ قیاساً ایکی ماهمی اولدیغنی استیدان ایدلش و مذکور مذکورہ دخی مذکور آلمش دردنجی ماده نک فقره اخیرہ سننده « مدعی عمومی حکمک تاریخ صدورندن اعتباراً اوتوز کون ظرفنده حکم واقع علیه استیناف و یا تمیز دعویہ صلاحیتداردر » دینلہرک حق استیناف و تمیزه مالک مدعی عمومینک بیانی صروده مطلق بر تعبیر استعمال ایدلش اولسنه و مطلق اطلاق اوزرینہ جریانی مقتضی اولقله برابر استیناف مدعی عمومیلرینک اساساً حائز اولدقلی صلاحیت استینافیه نک صلح حاکم لری طرفدن رؤیت ایدیلان دعاویدنطولای رفغه دلالت ایدہ جک بر قید قانونینک موجود بولنماسنه مبنی بوکی دعاویده استیناف مدعی عمومیلرینک استیناف حقنه مالک اولملری اقتضا ایدہ جکی کی بولنک طریق استینافہ مراجعت امرنده تابع اولدقلری مدت صلح حاکم لری

قانوننده تصریح ایدله مسنه وقانون خصوصیده مصرح اولیان احوالده قوانین عمومیه احکامنه تبعیت ضروری بولمنسه کوره صلح حاکمیری قانونلرینه توفیقاً رؤیت ایدیلن مواددن طولایی استیناف مدعی عمومیلرینک طریق استینافه مراجعتلری حالده اصول محاکات جزائیته ۱۸۷ نجی ماده سی حکمنه استناداً ایکی ماه ظرفده استیناف دعوی ایدمه بیلملری مقتضی کورلمکده اولدینی درمیان قلمش اولدیغندن موافق قانون و مصلحت اولان مطالعه مذکوره وجهله محانه جواب تسطیری تذکر قلمش ایسه ده اجرای ایجابی منوط رأی سائی جناب نظارت پناهیلریدر

انجمن عدلیه صادر اولده ۲۷ مابسی سنه ۳۳۰ تاریخلی قرار صورتیدر:

«ورثه نك تركه نك مزایده سی صره سنده مال اشترا ایتلرینه مانع اوله جق بر سبب شرعی وقانونی موجود دکدر»

اوقاف هایون نظارت جلیله سنک ۹ تشرین اول ۱۳۲۹ تاریخلی تذکره سیله امور حقوقیه مدیرینک ۲۷ تشرین ثانی ۱۳۲۹ تاریخلی مذکره سی و اوراق مربوطه سی مطالعه و تدقیق اولندی .

دکزلیده کائن پیلدی باغ جامع شریفی نقود موقوفه سنه مدیون متوفی خادمی زاده حاجی احمد افندینک موقع مزایده یه وضع ایدیلوب بدل احواله سنک ورثه جانبندن تسویه قلمسندن ناشی ۲۶ مارت ۳۲۹ تاریخلی انجمن عدلیه قرار دی موجبنجه حجزی فک اولتان اراضی امیریه نك متوفایه عائد غیر منقولات سائر نك دینک تمامی تأدییه سی تأمین ایدمه مسندن وترکه سی مستغرق بالدیون اولان متوفانک ورثه سی دینی تماماً ادا ایتدکن صکره ترکه متوفای استخلاصه صلاحیت شرعیله ری درکار ایسه ده ورثه نك دین متوفای تماماً تسویه وترکه یی استخلاص ایتمه لری اوزرینه موقع مزایده یه موضوع غیر منقولاتدن بر قسمی دینک بر مقابل خزینة اوقاف نامنه تقرر ایتش و هنوز دین تماماً استیفا ایدلمش ایکن ورثه نك مراجعتی اوزرینه خزینة نامنه تقرر ایدن غیر منقولک بدل مقرر ایله ورثه یه اعاده سی مغایر شرع شریف اولدیغندن بحثله کیفیتک انجمن عدلیه جه تکرار تدقیقه حقوق وفقک محافظه سی طلب ایدلمکده ، مدیریت مومی الیهاجه دخی قضاء دیونک اقدام اولسی اعتباریله متوفانک دیونتی تسویه ایتدکجه ورثه نك ترکه یه وضع یدله استخلاص ایدمه ملری وضع یدلری حالده کیفیت و کمیت وضع یدلری نسبتده ورثه نك مورث متوفانک دینندن مسئولیتلری احکام شرعیه دن ایسه ده ملک مدیونک نمندن حق استیفاسی بولنان دینک اموال موجوده ترکه یی بیع ایتدیر مک صورتیله بو حق استیفاسی محافظه و استعمال ایتدیکی صره ده مزایده ده بولنان مالک تحقق ایدن بدلای بالایفا مالک استردادندن ورثه یی منع ایدمک بر سبب موجود اولامسنه کوره اراضی مذکوره نك عندالمزایده تحقق ایدن ثنی ورثه طرفندن بالتسویه ملک مشترالری داخل اولمش اولق حسیله آرتق نمندن تکرار حق استیفا

قائمیه جفی بالمطالعه استیذان واقع اوزرینه محلی اجرا ریاسته مقدما او یولده تحریرات علیه تسطیر بیورلمش ایسه ده نظارت مشارالیهانک اصرار واقعنه نظراً کیفیتک لاجل الصدیق انجمن عدلیه یه تودییی لزومی کوسرلمکده در .

ایجابی لدی التأمل : مدیریت مومی الیهاجه دخی درمیان اولدینی وجهله ورثه نك تركه نك مزایده سی صره سنده مال اشترا ایتلرینه مانع اوله جق بر سبب شرعی وقانونی موجود اولمایوب مسئله حاضرده ده ورثه اموال مذکوره یی خزینة اوقاف نامنه احواله قطعیه سی تقرر ایتدکن صکره بدل احواله ایله اشترا ایتش اولدقلرندن بونک دین مذکور ایچون تکرار ضبط و مزایده یه وضعی جائز اولمه یه جفی جهتله اولوجهله تذکره جوابیه تحریری تذکر قلمش ایسه ده اجرای ایجابی منوط رأی سائی جناب نظارت پناهیلریدر .

انجمن عدلیه صادر اولده ۳۱ مابسی سنه ۳۳۰ تاریخلی قرار صورتیدر:

«رئی دعوالرنده جزای نقدی به حکم اولدقدنصکره قاجای ایله رژی بینه ده صلح وقوعنده محکمه یه عائد یوزده یکریمی بشک محکوم به اولان مقدار اصلی به نسبتله آلمسی لزومه دائر»

قونیه وخداوندکار استیناف مدعی عمومیلکیرینک ۱۹ مارت سنه ۳۲۹ تاریخلی تحریراتلریله ظهرنده امور جزائی مدیریتدن محرر درکنار مطالعه اولندی قاجایقندن دولای حکم اولنان جزای نقدیدن رژی اداره سیله محکوم علیه بینه ده صلح وقوعنده جزای نقدیدن محکمه یه عائد اولان ربک بدل صلحدنمی ، یوقسه مبلغ محکوم بهدنی استحصالی لازم کله جکی استفسار اولنمده ، مدیریت مومی الیهاجه دخی مقدما انجمن عدلیه جه اتخاذ ایدلمش اولان قرارده قحاق توتون جزای تقدیسندن خزینة حصه سنک بدل صلح نسبتنده آلمسی لازم کله جکی کوسرلمش وتوتون قاجایقندن دولای جزای نقدی حکم اولدقدنصکره قاجای ایله رژی اداره سی بینه ده صلح وقوعبولدینی تقدیرده محکمه یه عائد اولان یوزده یکریمی بشک محکوم به اولان مقدار اصلی به نسبتله آلمسی لازم کلوب بدل صلحه نسبتله استیفاسی لازم کله جکی وقاجقینک محکوم اولدینی جزای نقدی یی کاملاً ویرمه اقتدار اولدینی تبیین ایدرک بوندن دولای رژی ایله صلح وقوعبولق صورتیله سیلی تخلیه قلندینی حالده بدل صلحه نسبتله آلمسی حقوق خزینة و خالصات عدلیه نك عدم ضیاعی نقطه نظرندن مناسب اوله جفی ۲۲ کانون اولسنه ۳۱۰ تاریخلی تبلیغات عمومیه نظارت پناهیلری اقتضاسندن بولنش ایسه ده بو قیل مجازات تقدیه رژی اداره سنک حقوق شخصی سی جمله سندن اولسه بیله هر حالده برماهیت جزائییه محتوی اولقله برابر توتون قاجایقنک ماهیه جنبه درجه سنده اولسنه کوره قاجای ایله رژی اداره سی اره سنده صلح وقوعبولش اولسی خزینة حصه سنه حائز تأثیر اولمه یه جفندن کرک

محكومك حبسندن اول و كرك اقتدارى اولمدينى تين ايدرك تخليه سندن صكره صالح وقوعى سبيله خزينه حصه سى بدل صاحبه نسبتله دكل محكوم به جزاى تقدينك مقدار اصليسنه نسبتله آلتق لازم كله جكي وشوقدر كه صالح وقوعندن صكره نه رزى اداره سى ونه ده محكوم عليه محكمه يي كيفيت صلحدن خبردار ايتيامكده وبوسيله خزينه حصه سنك دخی طريق استحصالى امكانسز بر حاله گللكده اولوب بونكده انجق چاقجى ايله رزى بيننده خارجاً وقوعبوله جق صالح اوزرينه اساساً حقوق شخصيه سى نقطه سندن ايشلره اك زياده منفعتدار اولان اداره مرقومه جه محكوم بهك مقدار اصليسنه كوره خزينه حصه سى كتور يلوب محكمه عانده سنه تسليم ايدلمديكى تقديرده اجرا دائره سنجه حكم اعلامك تفهيزينه دوام اولمق صورتيله تأمين استحصالى موافق اوله جنى دركار بولنش ايسه ده وقت ظهور ايدن بوكي مشكلات وشكاياته صورت عموميه ده بر چاره تأمل اولمقى لزومى درميان اولمقدردر.

انجمن عدليه جه مقدا اجرا قلنان مذاكرات نتيجه سنده ده عرض وبیان قلندينى وجهله رزى اداره سنك چاقجىلر ايله عقد صالح خصوصنده حائز اولدينى صلاحيته ابتداء اجرا ايديلن معامله اداره نك كندى حقوق اوزرينه حائز تأثير اولمق لازم كلوب جزاى تقدينك خزينه دولته عائد ربعى حقنده صالح واقعك تأثيرى اوله مائه جنى جهتله رزينك طلبى اوزرينه جزاى نقدى به حكم اولندقدنصكره چاقجى ايله رزى بيننده صالح وقوعنده محكمه به عائد يوزده يكرمى بشك محكوم به اولان مقدار اصليه نسبتله آلتسى لازم كله جكي و اولابنده كى اعلام رزى اداره سنجه اجرا دائره سنه توديع اولمادىنى حالده ربع مذكورك تحصيلى تأمين ايديله بيلمك اوزره توتون جزاى تقديسنه متعلق احكام صادره نك خلاصه مذكور لرينك محاكمه اجرا دواثرينه توديعى خصوصنك اصول اتخاذى مناسب اوله جنى تذكر قلنمشدر.



قشيره سنجين

پروسيه ده حاكم فصل يتيشيور ؟

المانيانى تشكيل ايدن يكرمى بش حكومتدن شكل مخصوصى حائز آلتاس ولور دن استئن اولنور ايسه ويريلان حاكمير ايمپراطور نامنه ويريلوب مختلف قراللر ويا پرنسلر نامنه ويرلديكى وهر پرنسل كده حاكم ايلين حاكم او محلك قوانين ونظاماته كوره يتشديكى جهتله سر نامه مزده كى قصر وجهله شومقاله ايله پروسياده حاكمك موقعه چيتمق ايچون نه كى مراحل قطع اولدينى، موقع اجتماعيسى حاكمك بيطرفيسى تأمين ايچون قوه اجرائيه قارشو اولان موقعى، ترقى ومعاشى وخدمتدن نه صورتله چكيه جكنى خلاصه بيان ايدده جكم . هر متمدن مملكتده اولدينى كى پروسياده صنف حكامه انتساب ايچون اعدادى درجه سنده تحصيلى اكمل ايتدكدن وباقلورا شهادتنامه سنى استحصال ايلدكدن صكره نامزد اوچ سنه لك مكاتب حقوقيه دن برندن آلتى ايلق تحصيلى مين بر شهادتنامه ابراز ايدده جكدر . بوندن ماعدا خدمت عسكريه سنى ايفايلايدكى عسكركل و تحصيل زماننده حسن سيرت وغيرتى مين برده تصديقنامه ابراز ايدده بيلمك شرطدر . اشوشراط ابتدائيه ي حاضر لايه بيلن هر كيمسه حاكم اولمغه نامزد اوله بيلور فقط بونك ايچون جدى بر امتحان كچره جكدر . اشبو امتحانه نامزدلر امتحانى تعبير اولنور .

نامزدلر امتحانيله شغول اولمق اوزره هر دائره استينافيه مركزنده رياستى عدليه ناظرى طرفندن منتخب بر حاكم طرفندن ايفا اولمق اوزره بر قوميسيون موجود اولوب حاكم دارالفنون معلمى بدايت مدعى عمومىلىر ويا آووقات اولمق اوزره اوچرده اعضاسى موجوددر بونلر كمأمورى اوچ سنه دوام ايدر و دارالفنون معلملى معارف نظارتى طرفندن انتخاب اولنور . امتحانده اقلي ايكي معلمك وجودى مشروطدر . نامزد انتخابه كوره « حاكم نامزدى Referendas اوله رق تعيينى آرزو ايتديكى دائره استينافيه نرندنه كى قوميسيونه ويا اك صولك ويا اقلي برسنه تحصيله سنك نصفى كچرديكى دارالفنون دائره سنى داخلنده كى استيناف محكمه سى نرندنه بولان قوميسيونه براستدعا ويريراشواستدعايه اعدادى وحقوق شهادتنامه لرى وحسن حال ورقه لرى و تصديقنامه لرى ربطايلر . قوميسيون رئيسى اشبو استدعاى نرندنه بولندينى استيناف محكمه سى رئيسه ويرر بوده استدعاى قبول ايلرايسه نامزده خبرويريور . امتحانلر خانه ده يالمق اوزره ويريلان تحريرى بروظيفه ايله باشلار اشبو وظيفه ده صوريله جق سؤال رئيس طرفندن ديكر اعضالره بعد المشاوره تعيين اولنور نامزد

اشبو تحریری وظیفه یی یالکز باشه اوله رق یاهه جق والی هفته ظرفده بالا کمال خط دستیه اوله رق امضایی تختنده رئیس ویره جکدر اشبو مدت عندالافتضا رئیس طرفدن تمید اوله بیلور .

ایکنجی امتحان یینه تحریری اولوب استیناف محکمه سنک بولندینی دأر دده بر محل مخصوصده یاپیلور اشبو امتحان ایکی کون دوام ایلر . برنجی کون حقوق مدنییه دأر احاطه لی بر- و آل ترتیب اولنور ایکنجی کون بری جزایه دیکریده بالمله مسائل حقوقیه یی احاطه ایده جک وجهله شمولی دیکر بر سؤالدن مرکب اوله رق ایکی سؤال صوریلور . ایلك برنجی کون ایچون بش و دیکر ایکی سؤالک بهری ایچون اوچر ساعت مهل ویریلور اشبو امتحان قومیسونک تحت تفتیشنده اوله رق یاپیلور . نامزدلر یالکز متن قانونی استعمال ایده بیلورلر و خارجه اختلاطلری ممکن اوله میه جق وجهله ایریش اولوب بر برلریله مخبره لرینه ده میدان ویریلر .

نامزد وظیفه سنی امضایی تختنده اوله رق مراقبه ویریر اوده ساعت قاچده آلدیغی اوراق اوزرینه در حال اشارت ایلر . قومیسون اعضاسنک ایضاحات ویرمسی غیر جائزدر .

تحریری وظیفه لر قومیسون اعضایی طرفدن یکان یکان تدقیق اولنوب نتیجه لری امتحان ورقه سینه درج اولنور . اگر قومیسون بالاده کی درت وظیفه یی کافی کورمزایسه امتحانی کا ئن لم یکن عدایده بیلور .

شفاهی امتحانلر تحریری امتحانلردن صکره باشلار وهر امتحان کونی ایچون بش نامزددن فضلہ چاغیر یلاز وهر امتحان کونی بش ساعت دوام یدر . اشبو امتحان علی اولیوب فقط رئیس امتحانی ا کمال ایدن دیکر نامزدلره امتحانده حاضر بولنق ایچون مساعده ایده بیلور .

شفاهی امتحان روما حقوقی سؤالیله باشلار . لاینجه متندن اون سطر قدر او قودیلور . نامزد اونی المانجهیه ترجمه ایدرمیز بونک اوزرینه کندیسندن روما حقوقه دأر سؤال صورار صکره حقوق حاضرده کی موقعه کنیر بوصورتله بر مسئله نک اقلی یکر می ، یکر می بش عصرلق اوفق بر تاریخیچه سی یاپیلور . حقوق حاضرده نه اساسلر اوزرینه استناد ایتدیکی و بر تحول اولوب اولمادیغی ایوجه اراشدیریلور اشبو سؤال بش نامزد ایچون اقلی ایکی ساعت سورر .

حقوق مدنییه دن صکره اقتصادیا نه کیلور . وبالخاصه حقوق مدنییه پک زیاده یقیندن تماس ایدن مواد اراشدیریلور جزا ، اصول محاکمات جزائییه وبالخاصه تطبیقاتنه مائد سؤاللردن صکره حقوق اداره ، کلیسا حقوقی حقوق اساسیه یه و تاریخ حقوقه عائد سطحی بعض سؤاللرده صوریلور . اندن صکره تجارت قانونی و بونده مثلاً ک زیاده حیات تجاریده مهم موقع طوتان سندات تجارییه و نهایت اصول محاکمه حقوقیه یه دأر بر قاچ سؤال صوریلور . اشبو سؤاللر رئیسک اولدن تعینی اوزره امتحانده حاضر بولنان متخصص طرفدن ایراد اولنور .

قومیسون رئیس محترمک مساعده سی اوزرینه بویله بر امتحانده ده بولنمشدم . امتحانک ک زیاده اهمیتله جریان ایتدیکی مباحث حقوق مدنییه عائد قسملردی جزا و یاخود تجارت سؤاللری ایکنجی درجه ده و

حقوق اداره و سیاسیه سؤاللری ایسه غایت بسیط ایدی . بوکا مقابل نامزدلرده ک زیاده حقوق مدنییه ده ابراز لیاقت ایدوب جزاده مثلاً ک عادی بر سؤالده بیله شاشیرمقده ایدیلر .

اشبو شفاهی امتحان ختام بولنجه قومیسون برای مشاوره مذاکره او طه سینه چکیلور . و تکرار عودتله نتیجه یی در حال نامزدلره خبر ویرر . موفقیت شو اوچ قسم امتحانلرک هیئت مجموعه سنک اقلی وسط درجه ده نومرو و طوبیلا یه بیلدیکی حالده ممکندر قومیسون امتحانلره دأر بر راپور یاپار اولو تحریری امتحانلرک هر برینک نتیجه سی ثانیاً شفاهی امتحانلرده ایراد اولان اسئله ثالثاً شفاهی امتحانده حقون خصوصیه و سائریه دأر صوریلان سؤاللره دأر ویریلان جوابلرک قیمتی یکان یکان تقدیر اولنور . و نتیجه اوله رق علی الاعلا ، اعلا ، وسط ویا فنا دیه بر نوط تقدیر ایدر .

نامزد عمومی بر صورتده وسط درجه ده ده بر نوط آله میوب شوقدرکه بعض امتحانلرده موفق اولدیغی تقدیرده قومیسون نامزدک ضعیف بولندیغی شعبات حقوقیه ده تکرار اکتساب ر-وخ و تعلم ایتسی ایچون آلتی ماه یکیدن چالشمسی لازم کله جکئی افهام ایلر و نامزدده اشبو الی ماه ظرفده تکرار بر مکتب حقوقده اشبو شعبانده چالشدیغی مین بر تصدیقنامه ابراز ایده بیلر ایسه ایلروکی بر امتحان ایچون قبول اولنور شو حالده امتحانه تکرار یکیدن باشلار .

امتحانی شایان قبول عد ایدیلن نامزدده قومیسونک رئیس طرفدن امتحانک نتیجه سی مین بر تصدیقنامه ویریلور نامزد اشبو تصدیقنامه یی کندیسنک حاکم نامزدی اوله رق بولنمسی آرزو ایتدیکی دأر استیناف محکمه سی رئیسینه بر استدعا ایله ویرر .

استیناف محکمه سی رئیس نامزدک بش سینه منتظماً کافی درجه ده اسباب تعیشه مالک اولدیغنه و مأموریت عدلییه دخوله مانع بر سبب بولندیغنه قانع بولندیغی و کندی دأر سینه داخلنده پک چوق نامزد اولوبده هپسنک بردن تعلیمی ممکن اوله جغی صورتده استدعای قبول ایلر برلین محکمه استینافیه سنده اقلی بر نامزدک سنوی بیسک بشیوز مارق وارداتی اولمسی و یاخود پدرینک ویا عائله سنک بو مقدار بر مبلغ تأمین ایتسی طلب ایتک عادت جاریه اولمشدر .

استیناف محکمه سی رئیس استدعای ترویج ایتدیکی صورتده خدمت ؛ حکام ایچون معین اولان یمینک ایفاسیله باشلار . نامزد یمین کونندن اعتباراً درت سینه متماً حاکم و مدعی عمومیلرکدرده استاز یاهه جق وایروجه نامزدلرک تعلیملری ایچون موجود قورلره کیده جکدر . ملازمت مدتی بروجه آتیدر .

ماده ۹۰۱ دأر سنده درتدن فضلہ حاکمی بولنمیان صلح محکمه لرلنده

ب ۱۲ بدایت محکمه لرلنده
ج ۴ بدایت مدعی عمومیلرکنده

د ٦ بر اووقات نزدنده (اووقاتك عینی زمانده كاتب عدل اولمسی ده شرطدر)

ح ٩ تكرار صلح محكمه لرنده (بيوك صلح محكمه لری)

و ٦ استیناف محكمه لرنده

نامزد اشبو ملازمت مدتی بالاده ترتیب اوزره ایفا ایلر و بالجله معاملاتی استیناف محكمه سی رئیس اولنك تحت تقیش و مراقبه سننده در . بوندنبشقه نامزدلر هر بولندی دایره رئیس و یامدی عمومیسنك طوغری دن طوغری به مراقبه سی النده چالیشیر . نامزدك محكمه لرنده وظیفه سی ضبط کتابتی ایله Referat دینلان راپورلری تنظیم ایتمك و ممكن مرتبه حاكمك حیاته الشدیرمق ایچون عملی تجربه لردن عبارتدر . قلملرنده ایکی هفته دن فضله معامله ایله اوغراشدیرلمز .

معلوم اولدیغی اوزره پروسیا محكمه ضبط ؛ حاكمك استیكتابی اوزرینه اجرا اولندیجی جهتله نامزد ایچون بیوك بر كوچلك یوقدر فقط بوكامقابل راپور تنظیمی نامزد ایچون ای كوچ فقط الزم بر مشغله در . بدایت محكمه لرینك یومی مشغله لری برلینده ١٠ الی ٣٠ ایش آره سننده دوران ایدیور مستثا اوله رق طلاق محكمه لرینك ایشلری قرق الی التمه قدر حقیقیدی کورلشدر هر بدایت محكمه سی هفته ده ایکی دفعه اجتماع ایتدیكنه نظراً علی العاده بدایت محكمه لرینك هفته لق اشتغالاتی - طلاق محكمه لری مستثا اوله رق - وسطی اوله رق ٣٠ الی ٤٠ قبول ایده یلورز اشبورق ایشك یوزده الیسی همان تعلیق در . اشبر قرق الی ایشك اوراقی رئیس دن ماعدا اولان ایکی اعضا آره سننده تنكلی چیقتی اولق اوزره تقسیم اولمشدر . هر اعضا كرك خانه سننده و كركسه محكمه ده ایام محاكمه و شاهد دیکلمك ایچون معین هفته لك اوچنجی برکونندن ماعدا قالان دیگر اوچ كونده اشبو اوراقی تدقیق و خلاصه سی برورقه اوزرینه تحریر ایلر . و یوم محاكمه ده محاكمه دن صكره حکم صره سننده رئیسله دیگر رفیقنه فکرینی ایضاح و قناعتنه كوره شو یوله بر حکم ویرلمسی تكلیف ایلر . مع مافیه یوم محاكمه دن اوچ کون اول اوراقی محكمه قلمنه و قلمده درحال رئیسله تودیع ایلر شو صورتله رئیسده دعوا دن تماماً خبردار اولور . ایشته نامزدك اك مزعج وظیفه سی بودر ماهر اللر ایچون یکر می صحیفه لق بر استدعانك ویا اكا جوابك هانکی نقطه سی جان آلیر اولدیغی بولق ایشدن بیله دكلسه ده مبتدیلر ایچون بو كوچ کورنیر . نامزد دعوی اوراقتك نومرو سنك تك ویا چیفت اولدیغنه كوره قدملی ویا قدمسز اعضانك تحت مراقبه سننده اوراقی تدقیق و نتیجه قناعتی اوافق بر راپورله محكمه به بیلدیرر . و مذاكره صره سننده شو یوله بر قرار ویرلمسی اسباب موجهه سیله ده تكلیف ایلر . محكمه نامزدك فکرینه قانع اولمادیغی حالده دلیللری برر برر جرح ایلر . نامزدك اشبو راپورلری آتیده ترقیسی ایچون فوق العاده مهمدر . رئیس اشبوراپور اوزرینه نوط آلور . و اشبو راپور تنظیمی هردا رده اقلی برقچ دفعه اولور . رئیس آلدینی نوطلردن استیناف رئیسنی خبردار ایله جکدر . ملازمك عملی صورتده یتشیدرملری آریجه پراتيك قورلرله اكال ایدیلور بوقورلرك اداره سی عدلیه

ناظری طرفدن انتخاب اولنان بدایت محكمه لرینه مودوعدر هردا رده استینافیه ده رئیس اول اشبو قورلرك طوغریدن طوغری به اداره سی ایچون اهل کوردیکی بدایت ویا صلح حاکم لری ویا مدعی عمومیلری ویا خود رضاسیله عینی زمانده مؤثر (کاتب عدل) اولق اوزره بر اووقاتی معلم و مدیر اولق اوزره تعیین ایلر اشبو قورلره مداوم نامزدلرك تماماً دائمی برقونترول التنده بولندیرلمسی ایچون بهر غروپده یکر میدن فضله اولیه جق وجهله لزومی قدر غروپه آریلور وهرینك برمدیری بولنور . قورلرك مدت تحصیله سی برسنه در بومدت ظرفنده ملازمله بتون علوم حقوقیه لك تدریجاً نظری بر صورتده تعلیمندن زیاده معلومات حقوقیه لرینك ساحه تطبیقاته وضعندن وهر کون ظهور یافته اولان حادثات حقوقیه حقنده انلرك فکرینی تنویر ایتمك بالخاصه بوقورلرنده اساس مسلك اتخاذ اولنور .

معلم و مدیر بر مسئله حقوقیه حقنده نامزدلرك برر برر فکرینی صوردار مخالف فکری بولانلر برر لرینك دلیللری چور و تمسكه چالیشیرلر . اوندن صكره مشترکاً طوغری یول اراغنه باشلانور . مدیر کندی رأینی و دلیللری ایضاح ایلر و ارقاداشجه سنه بوكاده اعتراض اولنه بیلور . مدیر ایله نامزد آره سننده غایت خالصانه بر مسلكدا شلق جدی بر ارقداشلق کورنیر .

قورلرك بروظیفه سی ده نامزدلری حاکمك الشدیرمق اولدیجی جهتله بعضاً تماماً محكمه تشکیل اولنور وهرکس بو جدی اویننده جدی بر رول ایفا ایلر . بدایت محكمه لرنده استازی یامقده ایکن طائیش اولدیغ بدایت حاکم لرندن و رئیس اولك خدمات عمومیه معاونلردن موسیودو قور درایست H. Dr Dreist لطفلیله اشبو قورلرنده بر آی قدر استازی بر نامزدلرك نه صورتله یتشیدرلر لکرینی کورمشم . کندیلرینه بوراده ایر یجه وجیه شکرانی ایفای وظیفه بیلر .

قورلرك مدت تحصیله سی ختامپذیر اولنجه مدیر و معلم طرفدن نامزدلرك درجه مساعیسی ، اقتدار و ذکالری مین برر تصدیقنامه ویریلور . اشبو تصدیقنامه نامزدك سجل اوراقده حفظ اولنور

خدمت ملازمت زمانی اولان درت سنه ظرفنده خسته لق ویا خدمت عسکریده دن طولانی نامزد وظیفه سنه دوام ایده مدیکی حالده اکر سنوی سکر هفته دن فضله بر مدت استعمال ایتماش ایسه اشبو مدت ملازمت زمانه ادخال اولنور

ایشته شوقدر اوزون بر پراتيك و عملی تحصیلدن صكره نامزدك حاکمك لیاقت ذاتیه یی اکتساب ایتمش اولوب اولدیغی اكلامق ایچون صوك بر امتحان کیرمسی مشروطدر . بو امتحان « حکومت مأموریتی امتحانی » نامیه مشهوردر .

بو امتحان ایچون عدلیه نظارتنده معلومات وسیعه قانونیه سی و اوزون مدت تجربه سی ایله تمیز ایتمش ووظیفه حاضره سی یالکیز بو امتحانلره مشغول اولق اوزره اوچ حاکم دن مرکب بر قومیسون وارددر . نامزد بو امتحانه قبول اولنق ایچون استیناف رئیس اولنه مراجعت ایلر و اکر انك فکر نجه بو امتحانه

قبول اوله بيله جگ قدر مزيات و يلاقت شخصيه و علميه يي حائز ايسه عدليه ناظرينه مراجعت ايد بيلور . نامزد استدعاسنه درت سنه مدت ملازمتي هنگامنده درجۀ مساعي و غيرتي مابين الديني نوط و تصديقنامه لري لف ايلر .

امتحان معلومات حقوقيه اوزرينه تحريري بر امتحان ايله باشلار . دعوى اوراقي اوزرينه پراتيك وظيفه آني تعقيب ايلر . بوندن صكره ايكي مسئله حقوقيه قونترول تحتنده اوله رق حل ايتديريلور و شفاهي لره امتحان ختام پذير اولور . بو امتحانلر ك صورت اجراسي طبق نامزدك امتحانلري كي جدي تقيدات ايله اجرا اولتور . تحريري وظيفه لرده و يريلان مسئله اوزرينه بر حكم و يرلسي تكليف اولتور . نامزد حل مسئله بر محكمه ده عيني حكم و يريورمش كي اكمل وظيفه ايلر . قرار اسباب موجه لي اولور . واشبو امتحان خفي اوله رق جريان ايلر . امتحانلر بيشنجه قوميسيون برقرار و رر و قراريني عدليه ناظرينه تبليغ ايلر .

اكر نامزد امتحانلرده موفق اولمش ايسه عدليه ناظري اراده قرا لي يه عرض ايله نامزد محكمه ملازمي Assessor = Assesseeur اوله رق تعيين ايلر . اشبو يكي اراده لي مأوريتنده ملازمك معاشي يوقدر مكركه بالفعل اجراي حكم ايليان بر حاكمه وكالت ايتمش اوله .

اشبو مأوريتدن بالفعل حاكمك موقعه كچمك ايچون اك بيوك سائق اقتدار ذاتي بولنديني محكمه لرده كي رئيس و دائرة استينافيه رئيسك شهادتلرندن و غيرتي مابين ويره جي ايضاحاتدن استفاده ايتمكدن باشقه برشي اوله ماز . على لعاده ملازمك موقعه فخر يا ايكي سندن اشاعي خدمته بولمادن يوقاري موقعه ترفيع ايدن پك نادر اولوب بالعكس درت وحتي بش سنه اشبو موقعه آتي اميديله چاليشانلري برلينده كوردم .

(مابعدى وار)

در سعادت و پارس مكتب حقوقلرندن مأذون برلين محاكمه ايستاز بهر بصحه جي زاده

مهورت فريبر

اسويچره قانوننامه مدني

— كچن نسخه دن مابعد —

٢٧٦ ماده : پدر و والد چو جوغك تعليم صنايعسني اداره ايدرلر .

مكن اولديني قدر چو جوغك قوتى و استعداديني نظر ملاحظيه آلرلر . (م : ٤٠٥ مق :) .

٢٧٧ ماده : پدر و والد چو جوغك تربيه مذهبيه سني تعليمده مستقلا درلر . بوابده كي

سر بستيلريني و حريتلريني تقيد ايدر هر نوع مقاولات حكمنذر .

اون التي ياشي اكال ايتمش اولان چو جوغ مذهبي كنديسي انتخابده مختاردر .

٢٧٨ ماده : پدر و والد ك كندي چو جوغني تاديب ايتمكه حقلري واردر . (م :

٢٧٤ ، ٢٨١) .

٢٧٩ ماده : پدر و والد ولايت ابوتى دائره سنده اشخاش ثالثه حقنده چو جوغلرينك نائب

قانونيسيدرلر . (م : ١٩٨) .

بو صقته مقام وصايتك مداخله و موافقتي اولقسيزن اجراي معامله و حركت ايدرلر .

(م : ٣٢٥ ، ١ ايله مق :) .

٢٨٠ ماده : ولايت ابوته تابع اولان چو جوغك اهليتي وصايت تحتنده بولنان صغيرك

اهليتي كيدر . بو چو جوغلرده نيابت وصايت حقنده كي امور و اداره ده يتيملك انضمام رايته متعلق

احكام مستثنا اولمق اوزره ، على طريق القياس وصايتده جاري اولان احكام تطبيق اولتور . (م : ٤٧١ و ايلخ) .

دين التزام ايدن چو جوغ ، پدر و والد سنيك اموالي اداره و انتفاع ايتمك حقنه باقيلميه رق ،

كندي مالندين ديني ادايه مجبوردر . (م : ١٧ و ايلخ) .

٢٨١ ماده : ولايت ابوته تابع اولان چو جوغ قوه تميزيه اهل ايسه ، پدر و والد سنيك

رضاسيله عائله ايچون معامله ايد بيلير . بوتقديرده كنديسي مؤاخذه اولميوب اصوله توفيقاً

ابويني ملزم اولور . (م : ١٦ ؛ ٣٨ و ايلخ) .

٢٨٢ ماده : پدر و يا والد ايله چو جوغ بيننده يا خود چو جوغ ايله پدر و يا والد بيننده اوله رق

بر شخص ثالث بيننده وقوعه كلن باجمله امور و معاملات چو جوغني الزام ايتمك ايچون

بر موقت وصنيك موافقتيله ياييلمش و مقام وصايت طرفدن تصديق ايدلمش اولمق لازمدر .

(م : ٣٨٢ ؛ ٤٢١) .

٢٩٧ ماده : پدر و والدہ کنديلرينه مترتب وظائف اہمال ايتدکری تقدیرده مقام وصایت

(١) تدابير تأميليہ . چو جوغک صياتی ایچون تدابير لازمہي اتخاذ مجبوردر .

اگر اولادک اموالی تحت تہلکہ نہ بولور ایسہ مقام وصایت وصیلر اوزرنده کی حق

نظارتہ استناداً پدر و والدہي کندي نظارتہ تابع قلمغہ ویا آنلردن تأمینات طلبہ صلاحیتداردر .

اولادک منافعتک محافظہ سي ضمنده بروصی موقت دخی نصب ایدہ بیلیر . (م : ٣٧٩ والح ؛

٣٩٢ والح . ٤٢٠ والح .)

٢٩٨ : پدر و والدہ اتحق ولایت ابوتدن ساقط اولدقلى تقدیرده چو جوغک اموالی

(٢) حقوق ابرو تک
سقوطی حالندہ .

اوزرنده کی حق لردن ساقط اولہ بیلیرلر . (م : ٢٨٥ والح .)

اگر بوسقوط مادہ سي کندي خطاری اولقسزین واقع اولمش ایسہ چو جوغک ایرادی کندي

اتفاق و تربیہ سي مصارفہ تخصیص اولمش لازم کلدکجہ قانوناً پدر و والدہي عائد اولان حق

انتفاع و تصرف عہدہ لرنده باقی و محفوظ قالیر . (م : ٢٩٨)

٢٩٩ ماده : پدر و والدہ تک وظیفہ مأموریتی ختام بولور بولماز چو جوغک اموالی بر حسابہ

٥ : اداره تک
ختای .

برابر کنديسہ ویا وصیسہ اعطا اولور . (٢٧٣ ؛ ٢٨٥ والح ؛ ٢٩٧ ؛ ٢٩٨)

٣٠٠ ماده : والدہ و پدر طبق برحق انتفاع صاحبی کبی چو جوغک اموالتک اعادہ سندن

(١) اعادہ سي .
مسئولیت .

مسئولدرلر . (م : ٢٧١)

حسن نیتلہ صائمشر اولدقلى شیلرک اثمانی اعادہ ایدرلر . (م : ١٣)

چو جوغک منفعتی ایچون اخذ ایتمک حقلى اولان مقبوضات ایچون هیچ بر تضمینات اعطاسہ

مجبور دکلدرلر .

٣٠١ — پدر و والدہ سندن حیز ویا افلاس طریقہ تعقیب اولنان چو جوغک مطلوبی بو خصوصہ

(٤) اولیادلہ
امتیازی .

مدعی اولان هیئت مجتمعه قانونہ توفیقاً ممتازدر . (م : ٥٨ [٢١٩])

سکزیجی باب

بنوت غیر مشروعہ

Filiation illégitime.

٣٠٢ ماده : والدہ حقندہ نامشروع بنوت مجرد تولد ایلہ شئت ایدر .

پدر حقندہ بنوت نامشروعہ کندي طرفدن طانیلمش یا خود بر اعلام حکمیہ تحقیق

ایتمش اولیق لازمدر . (م : ٣٠٣ والح ؛ ٣٢٣)

٣٠٣ ماده : نامشروع چو جوغک پدری طرفدن طانیلمش جائزدر . پدرک وفاتی ویا

٣ : چو جوغک
مالک سنک شرائط .

١ : شکلی . قوہ تمیز بہ سہ دائمی صورتدہ خلل عارض اولدینی تقدیرده پدر چہتندن جدی طرفدن طانیلمش

جائزدر . (م : ١٦ ؛ ١٨)

طانیلق مسئلہ سي بر وثیقہ رسمیہ ویا وفات سبیلہ تنظیم اولنان بر سند ایلہ واقع اولور .

بو کیفیت طانیان کسہ تک مولدی اولان محاکم سبجل نفوس مأمورینہ اخبار و تقریر اولور .

(م : ٥٥ ؛ ٤٨١ ؛ ٤٩٨ والح .)

٣٠٤ ماده : فعل زنادن ویا بینلرنده نکاح ممنوع اولان کیمسہ لک فراشدن متولد چو جوغک

(٢) ممنوع اولان
طانیلق .

طانیلمش جائز دکلدر .

٣٠٥ ماده : والدہ و چو جوغک ویا بعد الوفات بولرک فروعی اشبو طانیلق مادہ سہ نفوس

(٣) طانیلق قلمغک
استردادی .

دائرہ سي زرنده مخالفت و اعتراض ایدہ بیلیرلر .

بواعتراضنامہ ي سبجل نفوس مأموری اوچ آی ظرفدہ حقوقلرینی مدافعہ ایدہ بیلر

ایچون سبجل مأمورینک مرکزنده کائن چو جوغی طانیان کیمسہ تبایغ ایدر . (م : ٢٣٠٣)

بواعتراض چو جوغی طانیان کیمسہ تک چو جوغک نہ پدری ونہ جدی اولدینی یا خود طانیلق

(١) چو جوغک پدرینک
ویا والدہ تک
اعتراضی .

مادہ سنک چو جوغک حقوقہ مضر اولدینی سبیلرینہ مستند اولیق لازمدر . (م : ٣٠٣)

٣٠٦ ماده : پدرک تولد ایتمش اولدینی ایالتک وظیفہ دار حکومتی وهر علاقہ دار طانیلق

(٢) اشخاص ثالثہ تک
اعتراضی .

مادہ سہ قارشو بوندن کسب معلومات ایتدکری تاریخدن اعتباراً اوچ آی ظرفدہ سبجل

نفوس دائرہ سنک مرکزی اولان حاکمہ عرض شکایتہ مجبوردرلر . معترض طرفدن طانیان

کیمسہ تک چو جوغک نہ پدری نہ جدی اولدینی و طانیلمہ مادہ سنک ممنوع ایدوکی اثبات اولنہ جقدر .

(م : ٣٠٣ ؛ ٣٠٤)

٣٠٧ ماده : والدہ کندي چو جوغک پدرینی تحری ضمنده مدعوی ایدہ بیلیر چو جوغک

٣ : تحری پدر
دعواسی .

(١) چو جوغک حق . دخی اقامہ دعوا یه حق واردر .

بو دعوی پدری یا خود ورثہ سي علیہندہ اقامہ اولور . (م : ٣٢٢ ؛ ٤٥٧ والح .)

٣٠٨ ماده : بو دعوی ، چو جوغک تولدندن مقدمدہ و صکرہ دہ اقامہ اولنہ بیلیر . فقط

چو جوغک تولدندن نہایت بر سنہ صکرہ اقامہ اولنلق شرطدر .

٣٠٩ ماده : پدرک حالنہ تابع اولان چو جوغہ لازم الایفا شیلرک اداسی ، ولایت ابوتک

٣٣ : دعوا تک موضوعی .

پدرہ تحمیل ایلدیکی وظائف دائرہ سہ نقل ایدر . (م : ٢٧٠ والح ؛ ٣٢٣)

والدہ ي ایضاسی واجب اولان شیلر ، حتی پدری طرفدن طانیلمش یا خود میتاً تولد ایتمش

ویا قبل الحکم فوت اولمش اولسہ دخی طلب اولور . (م : ٣١٧ ؛ ٣٢٨)

پدرک حاله تابع اولان چوجوگک واجب الایات ایدی یزینه ولایت ابوتدن نشئت ایدن وظائف قائم اولور . (٢٧٠ ؛ الح ؛ ٣٢٣) .

٣١٠ ماده : اشبو قانونک احکامی محفوظ قاتی شرطیه ابوت دعواسنده ایالات اصول ١ : قوانین ایالات . محاکمه سی جاریدر . (م : ٣١٢ ؛ الح) .

مع مافیه ایالات ، بینات ماده سنده اصول محاکمات عادیه قواعدندن شدید قواعد و اصول وضع واتخاذ ایده مزلر . (م : ١٠) .

٣١١ ماده : مقام وصایت چوجوگک تولدینی ویا والدہ سنک حامله قالدیغنی استخبار ایدر ایتمز ، نامشروع چوجوگک احواله نظارت ایتک ایچون بروسی موقت نصیب ایدر . (م : ٣٩٢ ؛ الح ؛ ٤٢١ رقم ٨) .

دعوی ختام بولدقده واقامه دعوانک مدتی متقضى اولدقده مقام وصایت چوجوگنی پدرینک ویا والدہ سنک ولایت تودیع ایدلمسینی تنسیب ایتدیکی تقدیرده وصی موقتک یرینه بروسی تعیین اولنور . (م : ٣٢١ ؛ ٣٢٥ ؛ ٢٧٩ ؛ الح) .

٣١٢ ماده : ابوت دعواسی ، چوجوگک تولد ایتدیکی ائنده مدعینک اسویچرده کائن اقامه سکاھی یاخود دعوانک اقامه اولندیغنی زمان مدعی علیک اقامتکاهی حاکمه عرض اولنور (م : ٢٣) . اگر اقامه ایدیان دعوی ابوتک طلبی متضمن ایسه حاکم طرفندن حقوقی وقایه ایده بیامک ایچون مدعی علیک مولدی اولان بلدیہ دائره سنه تبلیغ اولنور .

٣١٣ ماده : اگر والدہ وچوجوگک ممالک اجنبیه ده اقامت ایتکده ایسه ، اوراده ساکن اولان براسویچرملی علیهنده کی ابوت دعواسی مدعی علیک تولد ایتدیکی ملکیت حاکمه عرض اولنه بیلیر .

٣١٤ ماده : اگر مدعی علیه چوجوگک تولدندن اوچوز ایله یوز سکسان کون بیننده کی مدت ظرفنده تولد ایدوبده چوجوگک والدہ سنک مدعی علیه ایله برلکده بیتوت ایتدیکی ثابت اولور ایسه بو مدعی علیه چوجوگک پدری فرض وظن اولنور .

اگر احوال متحققه مدعی علیک ابوتی حقنده جدی اشتباه حاصل ایدر ایسه بوطن امر برعکس اولور .

٣١٥ ماده : اگر انشای حمده والدہ مغل عرض وناموس حرکتله امراروقت ایتش ایسه ابوت دعواسی رد اولنور .

٣٢٦ ماده : اگر انشای حمده والدہ متأهل ایدی ایسه ابوت دعواسی انحق چوجوگک نامشروع ایدوکن حکم حاکم لاحق اولدقندن صکره اقامه اولنه بیلیر . (م : ٢٥٣ ؛ الح) .

بو تقدیرده ابوت دعواسنک مدتی چوجوگک نامشروعیتنه دائر حکمک صدوری کونندن اعتبار آجریان ایدر . (م : ٢٥٣ ؛ الح) .

٣١٧ ماده : اگر ابوت دعواسی تحقق ایدر ایسه تضمینات آتیه نک والدیه اعطاسی حکم اولنه جقدردر .

١ (حلی مصارفی ؛ ٢ تولدن لاقول درت هفتیه قدر اتفاق واعاشه مصارفی ٣ وضع حملک موجب اولدیغنی مصارف سائرہ .

٣١٨ ماده : اگر مدعی علیه ازدواج وعد و برلکده اسکان ایلش ویا بر فعل جنائی یاخود نفوذ حکومتی سوء استعمال ایتش یاخود انشای بیتوتنده مدعی ، صغیره بولنش ایسه تضمینات معنویه اولوق اوزره والدیه بر مقدار مبالغ اداسی حکم اولنور (م : ١٤ ؛ ٢٨٠)

٣١٩ ماده : اگر دعوی تحقق ایدر ایسه حاکم والدہ وپدرک جمعیت ایچنده اشغال ایتدکاری موقع و حاله نظر آچو چوجوگک اتفاق و تربیه سنه کفایت ایده جک قدر معروف بر معاش تخصیص ایده جکدر . بومعاش چوجوگک اون سکزی یاشنی اکال ایدنجیه قدر حاکم طرفندن تعیین اولنه جق مدت لرده پشینا ادا اولنه جقدردر .

والده چوجوگک منفعتنه ظاهر بر صورتده مضر شرائطه عقد مصالحه ویا دعواسندن فراغت ایتش ایسه بومعاش هر حالده حکم اولنه جقدردر . (م : ٢٠) .

٣٢٠ ماده : ایجاب حال و زمان جسم بر صورتده تبدل ایدر ایسه طرفیندن برینک استدعاسی اوزرینه نفقه یه دائر اتخاذ ایدیلن مقررات تعدیل و تبدیل اولنه بیلیر .

حال و موقعه کوره چوجوگه کندیسینی اداریه کفایت ایدجک اقتدار کلدکده نفقه معاشی قطع اولنه بیلیر (م : ١٥٧ ؛ د : ٤٦ ایله مق :) .

٣٢١ ماده : مدعی علیک ابوتی تحقق ایلدیکی آکلا شلبدقده والدہ احتیاجده بولنقده ایسه قبل الحکم وضع حملک مصارف ملحوظه سی و اوچ آیلوق چوجوگک اتفاق مصارفی ایچون مدعی علیک تأمینات اعطاسنه قرار ویر یله بیلیر .

٣٢٢ ماده : پدر علیهنده علاقه دارانه بخش اولان حقوق آنک ورثه سی علیهنده دخی استعمال اولنه بیلیر . (م : ٣١١ ؛ الح) .

مع مافیه چوجوگک طانیلمش اولسه ایدی ورثه نک وارث صفتیه استحقاق لری نه اوله جق ایدی ایسه بونلره اندن زیاده شی ویرلمز . (م : ٦٤١) .

۳۳۳ ماده : مدعى عليه والدهيه ازدواج وعدايتش ياخود برلكنده اسكان ايتش وبرفل جنائى ياخود نفوذحكومتى سوءاستعمال جرمى تشكيل ايتش اولور ايسه مدعى طرفك ظاى اوزرينه حاكم مدعى عليك ابوتى حكم واعلام ايدر . (م : ۳۵۹) . فقط اكر مدعى عليه حين اسكانده ذاتا متاهل ايدى ايسه حاكم اقربالغنه حكم ايدى من .

۳۳۴ ماده : والدهيه قالان نامشروع اولاد كندى عائله سنك اسمنى طاشير وشهريلك حقنى اكتساب ايدر .

۳۳۵ ماده : پدرى طاشير وشهريلك حقنى اكتساب ايدر . كرك والدهيه وكر كرك اقرباسى حقنده نامشروع ابوتدن نشأت ايدن حقوق حائز ووظائفه مكلف اولورلر : (م : ۳۲۷ ؛ ۳۲۸ ؛ ۶۶۱) .

والدهيه غير مشروع چوجوق حقندهكى وظائفى مشروع چوجوغه اولان وظائفى كيدر . (م : ۲۷۰ ؛ ۲۷۳ ؛ ۲۷۴) .

مقام وصايت ولايت ابوتى پدرى والدهيه احواله ايدى بيلير .

۳۳۵ ماده : پدرى طاشير وشهريلك حقنى اكتساب ايدر . كرك والدهيه وكر كرك والدهيه سنك عائله سنك اسمنى طاشير وشهريلك حقنى اكتساب ايدر . كرك والدهيه وكر كرك والدهيه سنك عائله سنك اسمنى مشروع ابوتدن نشأت ايدن حقوقى حائز ووظائفه مكلف اولور . (م : ۳۲۷ ؛ ۳۲۸ ؛ ۶۶۱) . پدرى بويابده وظائفى طبق مشروع چوجوق حقنده اولان وظائفى كيدر . (م : ۲۸۰ ؛ ۲۷۳) . (مابعدى وار)

سلانيك استيناف محكمه سى اعضاى سابقه سندن ودعاوى وكيلارندن

نظرت مزاجيه

۳۳۶ ماده : پدرى طاشير وشهريلك حقنى اكتساب ايدر . كرك والدهيه وكر كرك والدهيه سنك عائله سنك اسمنى مشروع ابوتدن نشأت ايدن حقوقى حائز ووظائفه مكلف اولور . (م : ۳۲۷ ؛ ۳۲۸ ؛ ۶۶۱) . پدرى بويابده وظائفى طبق مشروع چوجوق حقنده اولان وظائفى كيدر . (م : ۲۸۰ ؛ ۲۷۳) . (مابعدى وار)

۳۳۷ ماده : پدرى طاشير وشهريلك حقنى اكتساب ايدر . كرك والدهيه وكر كرك والدهيه سنك عائله سنك اسمنى مشروع ابوتدن نشأت ايدن حقوقى حائز ووظائفه مكلف اولور . (م : ۳۲۷ ؛ ۳۲۸ ؛ ۶۶۱) . پدرى بويابده وظائفى طبق مشروع چوجوق حقنده اولان وظائفى كيدر . (م : ۲۸۰ ؛ ۲۷۳) . (مابعدى وار)

اعلان

مدعى بارطين تيجارندن احمد افندى وكيل محمدضيا افندى ۵ مايس سنه ۳۳۰ تاريخنده امين لوكى محكمه صلحيه سنه مراجعته درسماعنده باب على جاده سنده قهرمان خاننده . قيمون قوميسونجى حبل وحلى وشاكر ونجيب شركتى عليهنه ثمن ميبعدن الى عدد ليراي عثمانيك تحصيلي حقنده اقامه ايتديكي دعوى اوزرينه اوليابه تنظيم ولاجل التسليغ ارسال قلنان دعوتيه ورقه سى زرينه مدعى عليهم مرقومونك مدعينك ارايه ايتديكي اقامتيكهدن چيقوب كيتديكي واقامتكاى مجهول بولندينى خان مذكور اوطه بانبيسيه عله سى امام ومختاراني طرفلرندن شرح ايديلهرك تمهيد ايتدش ومدعى وكيلك واقع اولان مراجعتى اوزرينه محاكمه كرك اوجيوز اوتوز سنه سى حزبراك اوتوزنجى بازار ايرتسى كوني زوالى سلاعت اوتيرده اجراسى قرارلشديرش واوايابه تنظيم قلنان ضبط دعوى دخى محكمه ديوانخانه سنه تعليق قلنش اولديقتدن مدعى عليهمك يوم ووقت مذكورده محكمه به كلرى ويا وكيل مصدق كوندروملرى و عكس هديرده حقلمنده معامله غيايبه اجرا قلنه جنى معلوم اولوق اوزره اصول محاكمه حقوقه قانونك يكرى آلتجى ماده سى موجبنجه كيفيتك غننه لاله اعلايه ايتدار قلندي .

- (۱) -
- (۲) -
- (۳) -
- (۴) -

- (۱) -
- (۲) -
- (۳) -
- (۴) -

- (۱) -
- (۲) -
- (۳) -
- (۴) -

- حکومت تعیین حقوق داوره سی مقرراتی — (۱) ماهونی مرشدین حق دعوا ده راهنك
حضوری شرط اولدیغه دائر
۱۳ اگستوس ۶۰۳۲۲۹
- » » (۲) استماع شهود
۱۶ مارت ۶۰۳۳ ۳۳۰
- حکومت تعیین جزا داوره سی مقرراتی — (۱) قتل
۲۴ مایس ۶۰۳۴ ۳۳۰
- شورای دولت مضبوطه لری — (۱) اختلاف مرجع
کانون ثانی ۶۰۳۶ ۲۲۹
- انجمنه عدلیه مقرراتی — (۱) مأمورین موقتہ کفالت سنداتی حقندہ
۶ نیدان ۶۰۳۷ ۳۳۰
- » » (۲) کاتب عدل بولنیان قضاالرده وقوعه بوله حق
معاملاته دائر ۱۶
» » »
- » » (۳) دیندن طولایی اجرا قلنه حق توقیفات
۲۷ مایس ۶۰۳۸ ۳۳۰
- » » (۴) بشوز غروشدن بش بیک غروشه قدر
اولان صلح دعوالری خرجلری حقندہ
» » » ۶۰۳۹
- » » (۵) دعاوی صالحیه ادلاعاتی حقندہ
» » » ۶۰۳۹
- » » (۶) حصه شایعه بک مسکن عد اولسوب
اولناماسی حقندہ
» » » ۶۰۴۰
- » » (۷) خارجدن استیفای مطالب اولنسنندن
دولانی تعقیباتدن صرف نظر ایدلیکی
حالده حکم
» » » ۶۰۴۰

قسم غیر رسمی

۶۶ — ۶۶

مقالات

برسدده ما کم ناصل یتیشبور ؟
درسعادت و یارس مکتب حقوقلارندن
مأذون براین محاکمده ایستری بهر بصره جی
زاده جودت فرید
۶۰۴۱

مترجمی سلانیک مکتب حقوق معلمین سابقه سندن
(۱) و وکلای دعاویدن نظرت خارجیان افندی
۶۰۴۴

(۲)

(۳)

رسدده لقا مکرر عدله مالیه ارباب (۱) — رسدده لقا مکرر عدله مالیه ارباب (۱)

خطای رسدده لقا مکرر عدله مالیه ارباب (۲) — خطای رسدده لقا مکرر عدله مالیه ارباب (۲)

رسدده لقا مکرر عدله مالیه ارباب (۳) — رسدده لقا مکرر عدله مالیه ارباب (۳)

رسدده لقا مکرر عدله مالیه ارباب (۴) — رسدده لقا مکرر عدله مالیه ارباب (۴)

رسدده لقا مکرر عدله مالیه ارباب (۵) — رسدده لقا مکرر عدله مالیه ارباب (۵)